





শরৎচন্দ্র ঠাকুরপাধ্যায়



পরিণীতা

প্রথম পরিচ্ছেদ

শক্তিশেল বুকে পড়িবার সময় লক্ষণের মুখের ভাব নিশ্চয় খুব ধারাপ হইয়া গিয়াছিল, কিন্তু গুরুচরণের চেহারাটা বোধ করি তার চেয়েও মন্দ দেখাইল—যখন প্রত্নাষেই অন্তঃপুর হইতে সংবাদ পৌছিল, গৃহিণী এইমাত্র নির্বিকল্পে পঞ্চম কন্টার জন্মদান করিয়াছেন।

গুরুচরণ ষাট টাকা বেতনের ব্যাক্সের কেরাণী। স্বতরাং দেহটি যেমন ঠিকা গাড়ীর ঘোড়ার মত শুষ্কশীর্ণ, চোখে মুখেও তেমনি তাহাদেরি মত একটা নিকাম নির্বিকার নিলিঙ্গ ভাব। তথাপি এই ভয়ঙ্কর শুভ-সংবাদে আজ তাঁহার চাতের হুকটা হাতেই রহিল, তিনি জীর্ণ পৈতৃক-তাকিয়াটা ঠেস্ দিয়া বসিলেন। একটা দীর্ঘ নিশ্বাস ফেলিবারও আর তাঁহার জোর রহিল না।

শুভ-সংবাদ বহিয়া আনিয়াছিল তাঁহার তৃতীয়া কন্টা দশমবর্ষীয়া আন্নাকালী। সে বলিল, বাবা, চল না দেখ্বে।

গুরুচরণ মেয়ের মুখের দিকে চাহিয়া বলিলেন, মা, এক গেলাস জল আন ত খাই।

মেয়ে জল আনিতে গেল। সে চলিয়া গেলে, গুরুচরণের সর্বাগ্রে মনে পড়িল স্মৃতি-গৃহের বকমারি খরচের কথা। তার পরে, ভিড়ের মনে ষ্টেশনে গাড়ী আসিলে দোর খোলা পাইলো থার্ডক্লাশের যাত্রীর পোটলা-পোটলি লইয়া পাগলের মত যে ভাবে লোকজনকে দলিত করিয়া ঝাঁপাইয়া আসিতে থাকে, [redacted] আর শব্দ করিয়া

তাহার মগজের মধ্যে দুশ্চিন্তারশি ছুঁ ছুঁ করিয়া ঢুকিতে লাগিল। মনে পড়িল, গত বৎসর তাহার দ্বিতীয়া কন্যার শুভ-বিবাহে বোবাজারের এই দ্বিতল ভদ্রাসনটুকু বাঁধা পড়িয়াছে এবং তাহারও ছয়মাসের সুদ বাকী। দুর্গাপূজার আর মাস-খানেক মাত্র বিলম্ব আছে—মেজমেয়ের ওখানে তত্ত্ব পাঠাইতে হইবে। আফিসে কাল রাত্রি আটটা পর্যন্ত ডেবীটু ক্রেডিট মিলে নাই, আজ বেলা বারোটার মধ্যে বিলাতে হিসাব পাঠাইতেই হইবে। কাল বড় সাহেব হুকুম জারি করিয়াছেন, ময়লা বস্ত্র পরিয়া কেহ আফিসে ঢুকিতে পারিবে না, ফাইন হইবে, অথচ গত সপ্তাহ হইতে বজ্রকের সন্ধান মিলিতেছে না, সংসারের অর্ধেক কাপড়-চাপড় লইয়া সে বোধ করি নিরুদ্দেশ। গুরুচরণ আর ঠেস্ দিয়া থাকিতেও পারিলেন না, হুঁকাটা উঁচু করিয়া ধরিয়া এলাইয়া পড়িলেন। মনে মনে বলিলেন, ভগবান্, এই কলিকাতা সহরে প্রতিদিন কতলোক গাড়ী ঘোড়া চাপা পড়িয়া অপঘাতে মরে, তারা কি আমার চেয়েও তোমার পায়ে বেশি অপরাধী! দয়াময়! তোমার দয়ায় একটা ভারী-মটর-গাড়ী যদি বুকের উপর দিয়া চলিয়া যায়!

আল্লাকালী জল আনিয়া বলিল, বাবা শুঠ, জল এনেছি।

গুরুচরণ উঠিয়া সমস্তটুকু এক নিশ্বাসে পান করিয়া ফেলিয়া বলিলেন, আঃ, যা মা, গেলাসটা নিয়ে যা।

সে চলিয়া গেলে গুরুচরণ আবার শুইয়া পড়িলেন।

ললিতা ঘরে ঢুকিয়া বলিল, মামা চা এনেছি শুঠ!

চায়ের নামে গুরুচরণ আর একবার উঠিয়া বসিলেন। ললিতার মুখের পানে চাহিয়া তাহার অর্ধেক জ্বালা মেন-নিবিয়া গেল, বলিলেন, সারা রাত জেগে আছিস মা, আয় আমার কাছে এসে একবার বোস।

ললিতা সলজ্জভাবে ~~সমস্ত~~ মসিমা বলিল, আমি রাত্তিরে বেশি জাগি নি মায়া।

এই জীর্ণ শীর্ণ গুরুভারগ্রস্ত অকালবৃদ্ধ মাতুলের হৃদয়ের প্রচ্ছন্ন সুগভীর ব্যথাটা তার চেয়ে বেশি এ সংসারে আর কেহ অনুভব করিল না।

গুরুচরণ বলিলেন, তা হোক আর, আমার কাছে আয়।

ললিতা কাছে আসিয়া বসিতেই গুরুচরণ তাহার মাথায় হাত দিয়া সহসা বলিয়া উঠিলেন, আমার এই মা'টিকে যদি রাজার ঘরে দিতে পারতুম, তবেই জানতুম একটা কাজ কল্লুম।

ললিতা মাথা হেঁট করিয়া চা ঢালিতে লাগিল। তিনি বলিতে লাগিলেন, হাঁ মা, তোরা দুঃখী আমার ঘরে এসে দিনরাত্রি খাটতে হয়, না?

ললিতা মাথা নাড়িয়া বলিল, দিনরাত্রি খাটতে হবে কেন মামা! সবাই কাজ করে আমিও করি।

এইবার গুরুচরণ হাসিলেন। চা খাইতে খাইতে বলিলেন, হাঁ ললিতা, আজ তবে রান্না-বান্নার কি হবে মা?

ললিতা মুখ তুলিয়া বলিল, কেন মামা, আমি রাঁধব যে?

গুরুচরণ বিস্ময় প্রকাশ করিয়া জিজ্ঞাসা করিলেন, তুই রাঁধবি কি মা, রাঁধতে কি তুই জানিস?

জানি মামা। আমি মামিমার কাছে সব শিখে নিয়েছি।

গুরুচরণ চায়ের বাটিটা নামাইয়া ধরিয়া বলিলেন, সত্যি?

সত্যি! মামিমা দেখিয়ে দেন আমি কতদিন রাঁধি যে। বলিয়াই সে মুখ নিচু করিল। তাহার আনত মাথার উপর হাত রাখিয়া গুরুচরণ নিঃশব্দে আশীর্বাদ করিলেন। তাহার একটা গুরুতর দুর্ভাবনা দূর হইল।

এই ঘরটি গলির উপরেই। চা পান করিতে করিতে জানালায় বাহিরে দৃষ্টি পড়ায় গুরুচরণ টেচাইয়া ডাকিয়া উঠিলেন, শেখর নাকি? শোন, শোন!

একজন দীর্ঘায়তন বলিষ্ঠ সুন্দর যুবা ঘরে প্রবেশ করিল।

গুরুচরণ বলিলেন, বোসো, আজ সকালে তোমার খুড়িমার কাণ্ডটা শুনেচ বোধ হয় ?

শেখর মুহূ হাসিয়া বলিল, কাণ্ড আর কি, মেয়ে হয়েছে তাই ?

গুরুচরণ একটা নিশ্বাস ফেলিয়া বলিলেন, তুমি ত বললে তাই, কিন্তু তাই যে কি, সে শুধু আমিই জানি যে !

শেখর কহিল, ও রকম বলবেন না কাকা, খুড়িমা শুনলে বড় কষ্ট পাবেন। তা ছাড়া ভগবান যাকে পাঠিয়েছেন তাকেই আদর-আহ্লাদ করে ডেকে নেওয়া উচিত।

গুরুচরণ মুহূর্তকাল মৌন থাকিয়া বলিলেন, আদর-আহ্লাদ করা উচিত, সে আমিও জানি ! কিন্তু বাবা, ভগবানও ত সুবিচার করেন না। আমি গরীব, আমার ঘরে এত কেন ? এই বাড়িটুকু পর্য্যন্ত তোমার বাপের কাছে বাধা পড়েচে, তা পড়ুক, সে জন্তও দুঃখ করিনে শেখর, কিন্তু এই হাতে হাতেই দেখ না বাবা, এই যে আমার ললিতা, মা-বাপ মরা সোনার পুতুল একে শুধু রাজার ঘরেই মানায়। কি করে একে প্রাণ ধরে যার তার হাতে দিই বল ত ? রাজার মুকুটে যে কোহিনুর জলে, তেমনি কোহিনুর রাশীকৃত ক'রে আমার এই মা'টিকে ওজন করলেও দাম হয় না। কিন্তু কে তা বুঝবে ! পয়সার অভাবে এমন রত্নকেও আমাকে বিলিয়ে দিতে হবে ! বল দেখি বাবা, সে সময়ে কি রকম শেল বৃকে বাজবে ? তেরো বছর বয়স হ'ল, কিন্তু হাতে আমার এমন তেরোটা পয়সা নেই যে একটা সম্বন্ধ পর্য্যন্ত স্থির করি।

গুরুচরণের ছুই চোখ অশ্রুপূর্ণ হইয়া উঠিল। শেখর চূপ করিয়া রহিল। গুরুচরণ পুনরায় কহিলেন, শেখরনাথ, দেখো ত বাবা, তোমার বন্ধু-বান্ধবের মধ্যে যদি এই মেয়েটার কোন গতি ক'রে দিতে পার।

আজকাল অনেক ছেলে শুনেছি টাকা-কড়ির দিকে চেয়ে দেখে না, শুধু দেখেই পছন্দ করে। তেমনি যদি দৈবাৎ একটি মিলে যায় শেখর, তা হলে বলচি আমি, আমার আশীর্বাদে তুমি রাজা হবে! আর কি বলব বাবা, এ পাড়ায় তোমাদেরই আশ্রয়ে আমি আছি, তোমার বাবা আমাকে ছোট ভায়ের মতই দেখেন।

শেখর মাথা নাড়িয়া বলিল, আচ্ছা তা দেখব।

গুরুচরণ বলিলেন, ভুলো না বাবা, দেখো; ললিতা ত আটবছর বয়স থেকে তোমার কাছেই লেখা-পড়া শিখে মানুষ হচ্ছে, তুমিও ত দেখতে পাচ্ছ ও কেমন বুদ্ধিমতী, কেমন শিষ্ট শাস্ত। এক ফোঁটা মেয়ে, আজ থেকে ওই আমাদের রঁধাবাড়া করবে, দেবে খোবে, সমস্তই এমনি ওর মাথায়।

এই সময়ে ললিতা একটিবার চোখ তুলিয়াই নামাইয়া ফেলিল। তাহার গুষ্ঠাধরের উভয় প্রান্ত ঈষৎ প্রসারিত হইল মাত্র। গুরুচরণ একটা নিশ্বাস ফেলিয়া বলিলেন, ওর বাপই কি কিছু কম রোজগার করেছে, কিন্তু সমস্তই এমন ক'রে দান ক'রে গেল যে এই একটা মেয়ের জন্তেও কিছু রেখে গেল না।

শেখর চুপ করিয়া রহিল, গুরুচরণ নিজেই আবার বলিয়া উঠিলেন, আর রেখে গেল না-ই বা বলি কি ক'রে? *সে যত লোকের যত দুঃখ ঘুচিয়েছে, তার সমস্ত ফলটুকুই আমার এই মা'টিকে দিয়ে গেছে, তা নইলে কি এতটুকু মেয়ে এমন অন্নপূর্ণা হ'তে পারে! তুমিই বল না শেখর সত্য কি না?

শেখর হাসিতে লাগিল। জবাব দিল না।

সে উঠিবার উপক্রম করিতেই গুরুচরণ জিজ্ঞাসা করিয়া উঠিলেন, এমন সকালেই কোথা যাচ্ছ?

শেখর বলিল, ব্যারিষ্টারের বাড়ি—একটা কেস আছে। বলিয়া

উঠিয়া দাঁড়াইতেই গুরুচরণ আর একবার স্মরণ করাইয়া বলিলেন, কথাটা একটু মনে রেখো বাবা ! ও একটু শ্রামবর্ণ বটে, কিন্তু চোখ মুখ, এমন হাসি, এত দয়া-মায়া পৃথিবী খুঁজে বেড়ালেও কেউ পাবে না ।

শেখর মাথা নাড়িয়া হাসিমুখে বাহির হইয়া গেল । এই ছেলেটির • বয়স পঁচিশ ছাব্বিশ । এম, এ, পাশ করিয়া এতদিন শিক্ষানবিশি করিতেছিল, গত বৎসর হইতে এটর্নি হইয়াছে । তাহার পিতা নবীন রায় গুড়ের কারবারে লক্ষপতি হইয়া কয়েক বৎসর হইতে ব্যবসা ছাড়িয়া দিয়া ঘরে বসিয়া তেজ্জারতি করিতেছিলেন ; বড় ছেলে অধিনাশ উকিল — ছোট ছেলে এই শেখরনাথ । তাহার প্রকাণ্ড তেতলা বাড়ি পাড়ার স্বাধায় উঠিয়াছিল এবং ইহার একটা খোলা ছাদের সহিত গুরুচরণদের ছাদটা মিশিয়া থাকায় উভয় পরিবারে অত্যন্ত আত্মীয়তা জন্মিয়াছিল । বাড়ির মেয়েরা এই পথেই যাতায়াত করিত ।



শ্রামবাজারের এক বড়লোকের ঘরে বহুদিন হইতে শেখরের বিবাহের কথাবার্তা চলিতেছিল। সেদিন তাঁহারা দেখিতে আসিয়া আগামী মাসের কোন শুভদিন স্থির করিয়া যাইতে চাহিলেন। কিন্তু শেখরের জননী স্বীকার করিলেন না। ঝিকে দিয়া বাহিরে বলিয়া পাঠাইলেন, ছেলে নিজে দেখিয়া পছন্দ করিলে, তবে বিবাহ দিব।

নবীন রায়ের চোখ ছিল শুধু টাকার দিকে, তিনি গৃহিণীর এই গোলমালে কথায় অগ্রসর হইয়া বলিলেন, এ আবার কি কথা? মেয়ে ত দেখাই আছে। কথাবার্তা পাকা হ'য়ে যাক, তার পরে আশীর্বাদ করবার দিন ভাল ক'রে দেখলেই হবে।

তথাপি গৃহিণী সম্মত হইলেন না, পাকা কথা কহিতে দিলেন না। নবীন রায় সে দিন রাগ করিয়া অনেক বেলায় আহার করিলেন এবং দিবানিদ্ৰাটা বাহিরের ঘরেই দিলেন।

শেখরনাথ লোকটা কিছু সৌখীন। সে তেতলায় যে ঘরটিতে থাকে, সেটি অতিশয় সুসজ্জিত। দিন পাঁচ-ছয় পরে একদিন অপরাহ্ন-বেলায় সে সেই ঘরের বড় আয়নার সম্মুখে দাঁড়াইয়া মেয়ে দেখিতে যাইবার জন্ত প্রস্তুত হইতেছিল, ললিতা ঘরে ঢুকিল। ক্ষণকাল নিঃশব্দে চাহিয়া থাকিয়া জিজ্ঞাসা করিল, বৌ দেখতে যাবে না?

শেখর ফিরিয়া চাহিয়া বলিল, এই যে! কৈ, বেশ ক'রে সাজিয়ে দাও দেখি, বৌ যাতে পছন্দ করে।

ললিতা হাসিল। বলিল, এখন ত আমার সময় নেই শেখরনাথ— আমি টাকা নিতে এসেছি, বলিয়া ঝুলিশের তলা হইতে চাবি লইয়া একটা

দেবাজ খুলিয়া গণিয়া গণিয়া গুটিকয়েক টাকা আঁচলে বাঁধিয়া যেন কতকটা নিজের মনেই বলিল, টাকা ত দরকার হলেই নিয়ে যাচ্ছি, কিন্তু এ শোধ হবে কি করে ?

শেখর চুলের একপাশে বুরুশ দিয়া সমস্ত উপরের দিকে তুলিয়া দিয়া ফিরিয়া দাঁড়াইয়া বলিল, শোধ হবে না, হচ্ছে ।

ললিতা বুঝিতে পারিল না, চাহিয়া রহিল ।

শেখর বলিল, চেয়ে রইলে বুঝতে পারলে না ?

ললিতা মাথা নাড়িয়া বলিল, না ।

আরও একটু বড় হও, তখন বুঝতে পারবে, বলিয়া শেখর জুতা পায়ে দিয়া বাহির হইয়া গেল ।

রাত্রে শেখর একটা কোচের উপর চুপ করিয়া শুইয়াছিল, মা আসিয়া ঘরে ঢুকিলেন । সে তাড়াতাড়ি উঠিয়া বসিল । মা একটা চৌকির উপর বসিয়া পড়িয়া বলিলেন, মেয়ে কি রকম দেখে এলি যে ।

শেখর মায়ের মুখের দিকে চাহিয়া বলিল, বেশ ।

শেখরের মায়ের নাম ভুবনেশ্বরী । বয়স প্রায় পঞ্চাশের কাছে আসিয়া ছিল, কিন্তু এমনি সুন্দর তাঁহার দেহের বাঁধন যে দেখিলে পয়ত্রিশ-ছত্রিশের অধিক মনে হইত না । আবার এই সুন্দর আবরণের মধ্যে যে মাতৃদেহটি ছিল তাহা আরও নবীন আরও কোমল । তিনি পাড়াগাঁয়ের মেয়ে ; পাড়াগাঁয়ে জন্মিয়া সেইখানেই বড় হইয়াছিলেন বটে, কিন্তু সহরের মধ্যেও তাঁহাকে এক দিনের জ্ঞান বে-মানান দেখায় নাই । সহরের চাকলা-সজীবতা এবং আচার-ব্যবহারও যেমন তিনি স্বচ্ছন্দে গ্রহণ করিতে পারিয়াছিলেন, জন্মভূমির নিবিড় নিস্তরতা ও মাধুর্য্যও তেমনি হারাইয়া ফেলেন নাই । এমন মাটি যে শেখরের কত বড় গর্বের বস্তু ছিল সে কথা তাহার মাও জানিতেন না । জগদীশ্বর শেখরকে অনেক বস্তু দিয়াছিলেন । অনন্তসাধারণ স্বাস্থ্য, রূপ, ঐশ্বর্য্য, বুদ্ধি—কিন্তু এই জননী

সন্ধান হইতে পারার ভাগ্যটাকেই সে কায়মনে ভগবানের সব চেয়ে বড় দান বলিয়া মনে করিত।

মা বলিলেন, বেশ—ব'লে চুপ ক'রে রইলি যে রে!

শেখর আবার হাসিয়া মুখ নিচু করিয়া বলিল, যা জিজ্ঞেস করলে তাই ত বললুম।

মাও হাসিলেন, বলিলেন, কই বল্লি? রঙ কেমন ফস? কায় মত হবে? আমাদের ললিতার মত?

শেখর মুখ তুলিয়া বলিল, ললিতা ত কালো মা, ওর চেয়ে ফস!

মুখ চোখ কেমন?

তাও মন্দ নয়।

তবে কর্তাকে বলি?

এবার শেখর চুপ করিয়া রহিল।

মা ক্ষণকাল পুত্রের মুখের দিকে চাহিয়া থাকিয়া হঠাৎ জিজ্ঞাসা করিয়া উঠিলেন, হাঁ রে, মেয়েটি লেখাপড়া শিখেছে কেমন?

শেখর বলিল, সে ত জিজ্ঞেস করি নি মা!

অতিশয় আশ্চর্য্য হইয়া মা বলিলেন, জিজ্ঞেস করিস নি কি রে! যেটা আজকাল তোদের সব চেয়ে দরকারি জিনিস সেইটেই জেনে আসিস্ নি?

ছেলের কথা শুনিয়া একবার তিনি অতিশয় বিস্মিত হইয়া ক্ষণকাল তাহার মুখপানে চাহিয়া থাকিয়া হাসিয়া উঠিয়া বলিলেন, তবে তুই ওখানে বিয়ে করবি নে দেখচি।

শেখর কি একটা বলিতে যাইতেছিল, কিন্তু এই সময় ললিতাকে ঘরে ঢুকিতে দেখিয়া চুপ করিয়া গেল। ললিতা ধীরে ধীরে ভুবনেশ্বরীর পিছনে আসিয়া দাঁড়াইল, তিনি বাঁ হাত দিয়া তাহাকে স্নুখের দিকে টানিয়া আনিয়া বলিলেন, কি মা?

ললিতা চুপি চুপি বলিল, কিছু না মা।

ললিতা পূর্বে ইহাকে মাসিমা বলিত, কিন্তু তিনি নিবেদন করিয়া দিয়া বলিয়াছিলেন, তোর আমি ত মাসি হইনে ললিতে, মা হই। তখন হইতে সে মা বলিয়া ডাকিত। ভুবনেশ্বরী তাহাকে বুকের আরো কাছে টানিয়া লইয়া আদর করিয়া বলিলেন, কিছু না? তবে বুঝি আমাকে শুধু একবার দেখতে এসেছিস?

ললিতা চুপ করিয়া রহিল।

শেখর কহিল, দেখতে এসেচ, রাঁধবে কখন?

মা বলিলেন, রাঁধবে কেন?

শেখর আশ্চর্য হইয়া জিজ্ঞাসা করিল, কে তবে ওদের রাঁধবে মা? ~~কিন্তু~~ মামাও ত সেদিন বল্লেন, ললিতাই রাঁধা-বাড়া সব কাজ করবে।

মা হাসিয়া উঠিলেন। বলিলেন, ওর মামার কি, যা হোক একটা বল্লেই হল! ওর বিয়ে হয় নি, ওর হাতে থাকে কে? আমাদের বামুন-ঠাকুরগণকে পাঠিয়ে দিয়েচি, তিনি রাঁধবেন। বড়বোমা আমাদের রান্নাবান্না করচেন—আমি দুপুর-বেলা ওদের বাড়িতেই আজকাল থাই।

শেখর বুঝিল, মা এই দুঃখী পরিবারের গুরুভার হাতে তুলিয়া লইয়াছেন; সে একটা তৃপ্তির নিশ্বাস ফেলিয়া চুপ করিল।

মাস-খানেক পরে একদিন সন্ধ্যার পর শেখর-নিজের ঘরে কোচের উপর কাৎ হইয়া একখানি ইংরাজী নভেল পড়িতেছিল। বেশ মন লাগিয়া গিয়াছিল, এমন সময় ললিতা ঘরে ঢুকিয়া বালিশের তলা হইতে চাবি লইয়া শব্দ-মাড়া করিয়া দেরাজ খুলিতে লাগিল। শেখর বই হইতে মুখ না তুলিয়াই বলিল, কি!

ললিতা বলিল, টাকা নিচ্ছি।

হঁ, বলিয়া শেখর পড়িতে লাগিল। ললিতা আঁচলে টাকা বাধিয়া

উঠিয়া দাঁড়াইল। আজ সাজিয়া-গুজিয়া আসিয়াছিল, তাহার ইচ্ছা শেখর চাহিয়া দেখে। কহিল, দশটা টাকা নিলুম শেখরদা।

শেখর 'আচ্ছা' বলিল, কিন্তু চাহিয়া দেখিল না। অগত্যা সে এটা ওটা নাড়িতে লাগিল, মিছামিছি দেরি করিতে লাগিল, কিন্তু কিছুতেই কোন ফল হইল না, তখন ধীরে ধীরে বাহির হইয়া গেল। কিন্তু গেলেই ত চলে না, আবার তাহাকে কিরিয়া আসিয়া দোরগোড়ায় দাঁড়াইতে হইল। আজ তাহারা থিয়েটার দেখিতে যাইবে।

শেখরের বিনা হুকুমে সে যে কোথাও যাইতে পারে না, ইহা সে জানিত। কেহই তাহাকে ইহা বলিয়া দেয় নাই, কিংবা কেন, কি জন্ত, এ সব তর্কও কোন দিন মনে উঠে নাই। কিন্তু জীবমাত্রেরই যে একটা স্বাভাবিক সহজ বুদ্ধি আছে, সেই বুদ্ধিই তাহাকে শিখাইয়া দিয়াছিল; অপরে যাহা ইচ্ছা করিতে পারে, যেখানে খুসী যাইতে পারে, কিন্তু সে পারে না। সে স্বাধীনও নয় এবং মামা-মামির অশ্রমতিই তাহার পক্ষে যথেষ্ট নয়। সে দ্বারের অন্তরালে দাঁড়াইয়া আস্তে আস্তে বলিল, আমরা যে থিয়েটার দেখতে যাচ্ছি।

তাহার মুহূর্ত্ত শেখরের কানে গেল না—সে জবাব দিল না।

ললিতা তখন আরো একটু গলা-চড়াইয়া বলিল, সবাই আমার জন্তে দাঁড়িয়ে রয়েছে যে!

এবার শেখর শুনিতে পাইল, বইখানা একপাশে নামাইয়া রাখিয়া জিজ্ঞাসা করিল, কি হয়েছে?

ললিতা একটুখানি রুগ্নভাবে বলিল, এতক্ষণে বৃষ্টি কানে গেল! আমরা থিয়েটারে যাচ্ছি যে।

শেখর বলিল, আমরা কারা?

আমি, আম্মাকালী, চারুবালা, তার মামা।

মামাটি কে?

ললিতা বলিল, তাঁর নাম গিরীনবাবু। পাঁচ-ছ দিন হ'ল মুন্সেরের বাড়ি থেকে এসেছেন, এখানে বি, এ, পড়বেন—বেশ লোক সে—

বাঃ—নাম, ধর্ম, পেশা—এই যে দিবিয়া আলাপ হু'য়ে গেছে দেখচি। তাতেই চার-পাঁচ দিন মাথার টিকিটি পর্য্যন্ত দেখতে পাই নি—তাস খেলা হচ্ছিল বোধ করি ?

হঠাৎ শেখরের কথা বলার ধরণ দেখিয়া ললিতা ভয় পাইয়া গেল। সে মনেও করে নাই, এরূপ একটা প্রশ্নও উঠিতে পারে। সে চুপ করিয়া রহিল।

শেখর বলিল, এ ক'দিন খুব তাস চলছিল, না ?

ললিতা ঢোঁক গিলিয়া মুহূর্ত্তেরে কহিল, চাক্ষু বললে যে।

চাক্ষু বললে ? কি বললে ? বলিয়া শেখর মাথা তুলিয়া একবার চাহিয়া দেখিয়া কহিল, একেবারে কাপড় পরে তৈরি হু'য়ে আসা হু'য়েছে, —আচ্ছা যাও।

ললিতা গেল না, সেইখানেই চুপ করিয়া দাঁড়াইয়া রহিল।

পাশের বাড়ির চাক্ষুবালা তাহার সমবয়সী এবং সহী। তাহারা ব্রাহ্ম। শেখর ঐ গিরীনকে ছাড়া তাহাদের সকলকেই চিনিত। গিরীন পাঁচ-সাত বৎসর পূর্বে কিছু দিনের জন্ত একবার এদিকে আসিয়াছিল। এত দিন বাকিপুরে পড়িত, কলিকাতায় আসিবার প্রয়োজনও হয় নাই, আসেও নাই। তাই শেখর তাহাকে চিনিত না; ললিতা তথাপি দাঁড়াইয়া আছে দেখিয়া বলিল, মিছে দাঁড়িয়ে রইলে কেন, যাও। বলিয়া মুখের স্রুখে বই তুলিয়া লইল।

মিনিট-পাঁচেক চুপ করিয়া থাকার পর ললিতা আবার আস্তে আস্তে জিজ্ঞাসা করিল, যাব ?

যেতেই ত বললুম ললিতা।

শেখরের ভাব দেখিয়া ললিতার খিয়েটার দেখিবার সাধ লোপ পাইল, কিন্তু তাহার না গেলেও যে নয়।

কথা হইয়াছিল, সে অর্ধেক খরচ দিবে এবং চাকর মামা অর্ধেক দিবে।

চাকরদের ওখানে সকলেই তাহার জন্য অধীর হইয়া অপেক্ষা করিতেছে এবং যত বিলম্ব হইতেছে তাহাদের অধৈর্য্যও তত বাড়িতেছে ইহা সে চোখের উপর দেখিতে লাগিল কিন্তু উপায়ও খুঁজিয়া পাইল না। অল্পমতি না পাইয়া ঘাইবে এত সাহস তাহার ছিল না। আবার মিনিট দুই-তিন নিঃশব্দে থাকিয়া বলিল, শুধু আজকের দিনটি—যাব ?

শেখর বইটা একপাশে ফেলিয়া দিয়া ধমকাইয়া উঠিল, বিরক্ত ক'রো না ললিতা, যেতে ইচ্ছে হয় যাও, ভাল মন্দ বোঝবার তোমার যথেষ্ট বয়স হয়েছে।

ললিতা চমকাইয়া উঠিল। শেখরের কাছে বকুনি খাওয়া তাহার নূতন নহে; অভ্যাস ছিল বটে, কিন্তু দু-তিন বৎসরের মধ্যে এরকম শুনে নাই। ওদিকে বন্ধুরা অপেক্ষা করিয়া আছে, সেও কাপড় পরিয়া প্রস্তুত হইয়াছে, ইতিমধ্যে টাকা আনিতে আসিয়া এই বিপত্তি ঘটিয়াছে। এখন তাহাদের কাছেই বা সে কি বলিবে ?

কোথাও যাওয়া-আসা সম্বন্ধে আজ পর্য্যন্ত তাহার শেখরের তরফ হইতে অবাধ স্বাধীনতা ছিল, সেই জোরেই সে একেবারে কাপড় পরিয়া সাজিয়া আসিয়াছিল, এখন শুধু যে সেই স্বাধীনতাই এমন রুঢ়ভাবে খর্ব্ব হইয়া গেল তাহা নহে, যে জন্য হইল সে কারণটা যে কত বড় লজ্জার তাহাই আজ তাহার তেরো বছর বয়সে প্রথম উপলব্ধি করিয়া সে মরমে মরিয়া ঘাইতে লাগিল। অভিমানে চোখ অশ্রুপূর্ণ করিয়া সে, আরো মিনিট-পাঁচেক নিঃশব্দে দাঁড়াইয়া থাকিয়া চোখ মুছিতে মুছিতে চলিয়া গেল। নিজের ঘরে গিয়া ঝিকে দিয়া আল্মাকালীকে ডাকাইয়া আনিয়া তাহার হাতে দশটা টাকা দিয়া কহিল, তোরা আজ যা কালী, আমার বড় অস্থখ কচ্চে, সইকে বল গে আমি যেতে পারুব না।

কালী জিজ্ঞাসা করিল, কি অস্থখ সের্জদি ?

মাথা ধরেচে, গা বমি বমি কচ্ছে—ভারি অসুখ কচ্ছে, বলিয়া সে বিছানায় পাশ ফিরিয়া শুইল। তার পর চাকু আসিয়া সাধাসাধি করিল, পীড়াপীড়ি করিল, মামিমাকে দিয়া সুপারিশ করাইল কিন্তু কিছুতে তাহাকে রাজী করিতে পারিল না। আল্লাকালী হাতে দশটা টাকা পাইয়া যাইবার জন্ত ছটফট করিতেছিল। পাছে, এই সব হাদ্দামায় পড়িয়া যাওয়া না ঘটে এই ভয়ে সে চাকুকে আড়ালে ডাকিয়া টাকা দেখাইয়া বলিল, সেজ্জদির অসুখ কচ্ছে সে নাই গেল চাকুদি! আমাকে টাকা দিচ্ছে, এই জাখো—আমরা যাই চল। চাকু বুঝিল, আল্লাকালী বয়সে ছোট হইলেও বুদ্ধিতে কাহারো চেয়ে খাটো নয়। সে সন্মত হইয়া তাহাকে সঙ্গে করিয়া চলিয়া গেল।

তৃতীয় পৰিচ্ছেদ

চাকৰালার মা মনোরমার তাস খেলার চেয়ে প্রিয় বস্তু আর কিছুই ছিল না। কিন্তু খেলার বৌক যতটা ছিল দক্ষতা ততটা ছিল না। তাঁহার এই ক্রটি শুধরাইয়া যাইত ললিতাকে পাইলে। সে খুব ভাল খেলিতে পারিত। মনোরমার মামাত ভাই গিরীন আসা পর্যন্ত একদিন সমস্ত দুপুর-বেলা তাঁহার ঘরে তাসের বিরাট আড্ডা বসিতেছিল। গিরীন পুরুষমানুষ, খেলে ভাল, সুতরাং তার বিপক্ষে বসিতে গেলে মনোরমার ললিতাকে চাই-ই।

খিয়েটার দেখার পরের দিন যথা সময়ে ললিতা উপস্থিত হইল না দেখিয়া মনোরমা ঝিকে পাঠাইয়া দিলেন। ললিতা তখন একটা মোটা খাতায় একখানা ইংরাজী বই হইতে বাঙ্গালা তর্জমা করিতেছিল, গেল না।

তাহার সই আসিয়াও কিছু করিতে পারিল না, তখন মনোরমা নিজে আসিয়া তাহার খাতাপত্র একদিকে টান মারিয়া সরাইয়া দিয়া বলিলেন, নে, ওঠ। বড় হ'য়ে তোকে জজিয়তি করিতে হবে না, বরং তাস খেলতেই হবে—চল।

ললিতা মনে মনে অত্যন্ত বিপদগ্রস্ত হইয়া কঁাদ কঁাদ হইয়া জানাইল, আজ তাহার কিছুতেই যাইবার ঘো নাই, বরং কাল যাইবে। মনোরমা কিছুতেই শুনিলেন না, অবশেষে মামিমাকে জানাইয়া তুলিয়া লইয়া গেলেন। সুতরাং তাহাকে আজও গিয়া গিরীনের বিপক্ষে বলিয়া তাস খেলিতে হইল। কিন্তু খেলা জমিল না। এদিকে সে এতটুকু মন দিতে পারিল না। সমস্ত সময়টা আড় হইয়া রহিল এবং বেলা না পড়িতেই উঠিয়া পড়িল। যাইবার সময় গিরীন বলিল, রাতে আপনি টাকা পাঠিয়ে দিলেন কিন্তু গেলেন না, কাল আবার যাই চলুন।

ললিতা মাথা নাড়িয়া মৃদুকণ্ঠে বলিল, না, আমার বড় অসুখ করেছিল।

গিরীন হাসিয়া বলিল, এখন ত অসুখ সেরেচে, চলুন কাল যেতে হবে।

না না, কাল আমার সময় হবে না, বলিয়া ললিতা দ্রুতপদে প্রস্থান করিল। আজ শুধু যে শেখরের ভয়ে তাহার খেলায় মন লাগে নাই, তাহা নহে, তাহার নিজেদের ভারি লজ্জা করিতেছিল।

শেখরের বাটির মত, এই বাটিতেও সে ছেলে-বেলা হইতে আসা-যাওয়া করিয়াছে এবং ঘরের লোকের মতই সকলের স্নমুখে বাহির হইয়াছে। তাই চাকুর মামার স্নমুখেও বাহির হইতে, কথা বলিতে, প্রথম হইতেই তাহার কোনও দ্বিধা হয় নাই। কিন্তু আজ গিরীনের স্নমুখে বসিয়া সমস্ত খেলার সময়টা কেমন করিয়া যেন তাহার কেবলি মনে হইতেছিল, এই কয়দিনের পরিচয়েই গিরীন তাহাকে একটু বিশেষ প্রীতির চোখে দেখিতেছে। পুরুষের প্রীতির চক্ষু যে এত বড় লজ্জার বস্ত্র তাহা সে ইতিপূর্বে কল্পনাও করে নাই।

বাড়িতে একবার দেখা দিয়াই সে তাড়াতাড়ি ও-বাড়িতে শেখর-ঘরে গিয়া ঢুকিল এবং একেবারে কাজে লাগিয়া গেল। ছেলে-বেলা হইতে এ ঘরের ছোটোখাটো কাজগুলো তাহাকেই করিতে হইত। বড় প্রভৃতি গুছাইয়া তুলিয়া রাখা, টেবিল সাজাইয়া দেওয়া, দোয়াত কলম ঝাড়িয়া মুছিয়া ঠিক করিয়া রাখা, এ সমস্ত না করিলে আর কেহ করিত না। ছয়-সাত দিনের অবহেলায় অনেক কাজ জমিয়া গিয়াছিল, সেই সমস্ত দ্রুত সে শেখরের ফিরিয়া আসিবার পূর্বেই নিঃশেষ করিয়া ফেলিতে কোমর বাঁধিয়া লাগিয়া গেল।

ললিতা সময় পাইলেই কাছে কাছে থাকিত এবং সে নিজে কাহাকেও পর মনে করিত না বলিয়া এ-বাড়িতে তাহাকেও কেহ পর মনে করিত

না। আট বছর বয়সে মা-বাপ হারাইয়া আমার বাড়িতে প্রবেশ করিয়াছিল, তখন হইতে সে ছোট বোনটির মত শেখরের আশেপাশে ঘুরিয়া তাহার কাছে লেখাপড়া শিখিয়া মানুষ হইতেছে।

সে যে শেখরের বিশেষ স্নেহের পাত্রী তাহা সবাই জানিত, শুধু সেই স্নেহ যে এখন কোথায় উঠিয়াছে তাহাই কেহ জানিত না, ললিতাও না। শিশুকাল হইতে শেখরের কাছে তাহাকে একই ভাবে এত অপরিপাক আদর পাইতে সবাই দেখিয়া আসিয়াছে যে, আজ পর্যন্ত তাহার কোন আদরই কাহার চোখে বিসদৃশ বোধ হয় না, কিংবা কোন ব্যবহারই কাহারও দৃষ্টি আকর্ষণ করে না। করে না বলিয়াই সে যে কোনও দিন বধুরূপে এই গৃহে প্রতিষ্ঠিত হইতে পারে সে সম্ভাবনাও কাহারও মনে উদয় হয় নাই। ললিতাদের বাড়িতেও হয় নাই, ভুবনেশ্বরীর মনেও হয় নাই।

ললিতা ভাবিয়া রাখিয়াছিল কাজ শেষ করিয়া শেখর আসিবার পূর্বেই চলিয়া যাইবে, কিন্তু অকস্মাত ছিল বলিয়া ঘড়ির দিকে নজর করে নাই। হঠাৎ দ্বারের বাহিরে জুতার মস্ মস্ শব্দ শুনিয়া মুখ তুলিয়াই একপাশে সরিয়া দাঁড়াইল।

শেখর ঘরে ঢুকিয়াই বলিল, এই যে! কাল তা হ'লে ফিরতে কত রাত হ'ল?

ললিতা জবাব দিল না।

শেখর একটা গদি-আঁটা আরাম-চৌকির উপর হেলান দিয়া শুইয়া পড়িয়া বলিল, ফেরা হ'ল কখন? দু'টো? তিনটে? মুখে কথা নেই কেন? ললিতা ভেমনি চূপ করিয়া দাঁড়াইয়া রহিল।

শেখর বিরক্ত হইয়া বলিল, নিচে যাও, মা ডাকছেন।

ভুবনেশ্বরী ভাঁড়ারের স্নমুখে বসিয়া জলখাবার সাজাইতেছিলেন, ললিতা কাছে আসিয়া বসিয়া বলিল, ডাকছিলে মা?

কৈ ডাকি নি ত, বলিয়া তিনি মুখ তুলিয়া তাহার মুখের পানে চাহিয়া বলিলেন, মুখখানি এমন শুকনো কেন ললিতে? কিছু খাস্ নি বুঝি এখনো?

ললিতা ঘাড় নাড়িল।

ভুবনেশ্বরী বলিলেন, আচ্ছা যা তোর দাদাকে খাবার দিয়ে আমার কাছে আয়!

ললিতা খাবার হাতে করিয়া খানিক পরে, উপরে আসিয়া দেখিল, তখনো শেখর তেমনি ভাবে চোখ বুজিয়া পড়িয়া আছে, আফিসের পোষাকও ছাড়ে নাই, হাতমুখও ধোয় নাই। কাছে আসিয়া আস্তে আস্তে বলিল, খাবার এনেচি।

শেখর চাহিয়া দেখিল না। বলিল, কোথাও রেখে দিয়ে যাও।

ললিতা রাখিয়া দিল না, হাতে করিয়া চুপ করিয়া দাঁড়াইয়া রহিল।

শেখর না চাহিয়াও বুঝিতেছিল, ললিতা যায় নাই দাঁড়াইয়া আছে, মিনিট দুই-তিন নিঃশব্দে থাকিয়া বলিল, কতক্ষণ দাঁড়িয়ে থাক্বে ললিতা, আমার দেরি আছে, রেখে নিচে যাও।

ললিতা চুপ করিয়া দাঁড়াইয়া মনে মনে রাগিতেছিল, মৃদু স্বরে বলিল, থাক্ দেরি, আমায়ো নিচে কোন কাজ নেই।

শেখর চোখ চাহিয়া হাসিয়া বলিল, এই যে কথা বেরিয়েচে! নিচে কাজ না থাকে ও-বাড়িতে আছে ত? তাও-না থাকে তার পরের বাড়িতেও আছে ত? বাড়ি ত তোমার একটি নয় ললিতে!

নয়ই ত! বলিয়া রাগ করিয়া ললিতা খাবারের থালাটা হুম্ করিয়া টেবিলে রাখিয়া দিয়া হন্ হন্ করিয়া বাহির হইয়া গেল।

শেখর চেঁচাইয়া বলিল, সন্ধ্যার পরে একবার এসো।

একশবার আমি ওপর নিচে কর্তে পারি নে, বলিয়া ললিতা চলিয়া গেল।


নিচে আসিবাঁমাড়ই মা বলিলেন, দাদাকে তোঁর খাবার দিয়ে এলি, পান দিয়ে এলি নে রে !

আমার ক্ষিদে পেয়েছে মা, আমি আর পারি নে, আর কেউ দিয়ে আসুক, বলিয়া ললিতা বসিয়া পড়িল ।

মা তাহার কষ্ট মুখের পানে চাহিয়া একটুখানি হাসিয়া বলিলেন, আচ্ছা, তুই খেতে বোস, ঝিকে পাঠিয়ে দিচ্ছি ।

ললিতা প্রত্যুত্তর না করিয়া খাইতে বসিয়া গেল ।

সে থিয়েটার দেখিতে যায় নাই—তবু শেখর তাহাকে বকিয়াছিল, এই রাগে সে চার-পাঁচ দিন শেখরকে দেখা দেয় নাই, অথচ সে আফিসে চলিয়া গেলে দুপুর-বেলা গিয়া ঘরের কাজ করিয়া দিত । শেখর নিজের ভুল বুঝিতে পারিয়া তাহাকে দুদিন ডাকিয়া পাঠাইয়াছিল তথাপি সে যায় নাই ।



চতুর্থ পরিচ্ছেদ

এ পাড়ার একজন অতিবৃদ্ধ ভিক্ষুক মাঝে মাঝে ভিক্ষা করিতে আসিত, তাহার উপর ললিতার বড় দয়া ছিল, আসিলেই তাহাকে একটি করিয়া টাকা দিত। টাকাটি হাতে পাইয়া সে যে সমস্ত অপূৰ্ণ এবং অসম্ভব আশীর্বাদ উচ্চারণ করিতে থাকিত, সেইগুলি শুনিতে সে অতিশয় ভালবাসিত। সে বলিত, ললিতা পূৰ্ব্বজন্মে তাহার আপনার মা ছিল, এবং ইহা সে ললিতাকে দেখিবামাত্রই কেমন করিয়া চিনিতে পারিয়াছিল। সেই বৃদ্ধা ছেলেটি তাহার আজ সকালেই দ্বারে আসিয়া উচ্চকণ্ঠে ডাক দিল, আমার মা-জননী কোথায় গো ?

সন্তানের আহ্বানে আজ ললিতা কিছু বিব্রত হইয়া পড়িল। এখন শেখর ঘরে আছে, সে টাকা আনিতে যায় কিরূপে ? এদিক্ সেদিক্ চাহিয়া মামির কাছে গেল। মামি এইমাত্র ঝির সহিত বকা-বকি করিয়া বিরক্ত-মুখে রাঁধিতে বসিয়াছিলেন, তাঁহাকে কিছু না বলিতে পারিয়া সে কিরিয়া আসিয়া মুখ বাড়াইয়া দেখিল, ভিক্ষুক দোরগোড়ায় লাঠিটি ঠেস্ দিয়া রাখিয়া বেশ চাপিয়া বসিয়াছে। ইতিপূর্বে ললিতা কখনও তাহাকে নিরাশ করে নাই, আজ শুধু হাতে কিরাইয়া দিতে তাহার মন সরিল না।

ভিক্ষুক আবার ডাক দিল।

আগ্নাকালী ছুটিয়া আসিয়া সংবাদ দিল, সেজদি, তোমার সেই ছেলে এসেচে।

ললিতা বলিল, কালী, একটা কাজ কর্ না ভাই। আমার হাত জোড়া, তুই একটবার ছুটে গিয়ে শেখরদার কাছ থেকে একটা টাকা নিয়ে আয় !

কালী ছুটিয়া চলিয়া গেল, খানিক পরে তেমনি ছুটিয়া আসিয়া ললিতার হাতে একটা টাকা দিয়া বলিল, এই নাও।

ললিতা জিজ্ঞাসা করিল, শেখরদা কি বললে রে?

কিছু না! আমাকে বললে চাপকানের পকেট থেকে নিতে, আমি নিয়ে এলুম!

আর কিছু বললে না?

না, আর কিছু না, বলিয়া আন্না কালী ঘাড় নাড়িয়া খেলা করিতে চলিয়া গেল।

ললিতা ভিক্ষুক বিদায় করিল; কিন্তু অল্প দিনের মত দাঁড়াইয়া থাকিয়া তাহার বাক্যচ্ছটা গুনিতে পারিল না—ভালই লাগিল না।

এ-কয়দিন তাহাদের আড্ডা পূর্ণ-তেজে চলিতেছিল, আজ দুপুর-বেলা ললিতা গেল না, মাথা ধরিয়াছে বলিয়া শুইয়া রহিল। আজ সত্য-সত্যই তাহার ভারী মন খারাপ হইয়া গিয়াছিল। বিকাল-বেলা কালীকে কাছে ডাকিয়া বলিল, কালী তুই পড়া ব'লে নিতে শেখরদার ঘর আর যাস নে?

কালী মাথা নাড়িয়া বলিল, হাঁ যাই ত?

আমার কথা শেখরদা জিজ্ঞেস করে না?

না। হাঁ, হাঁ, পরশু করেছিল—তুমি দুপুর-বেলা তাস খেল কি না?

ললিতা উদ্বিগ্ন হইয়া প্রশ্ন করিল, তুই কি বললি?

কালী বলিল, তুমি দুপুর-বেলা চারুদিদিদের বাড়ি তাস খেলতে যাও, তাই বললুম। শেখরদা বললে, কে কে খেলে? আমি বললুম, তুমি আর সইমা, চারুদিদি আর তার মামা, আচ্ছা, তুমি ভাল খেলো না চারুদিদির মামা ভাল খেলে সেজদি? সইমা বলে তুমি ভালো খেলো, না?

ললিতা সে কথার জবাব না দিয়া হঠাৎ অত্যন্ত বিরক্ত হইয়া

বলিল, তুই অত কথা বলতে গেলি কেন? সব কথায় তোর কথা কওয়া চাই, আর কোন দিন তোকে আমি কিছু দেব না, বলিয়া রাগ করিয়া চলিয়া গেল।

কালী অবাক হইয়া গেল। তাহার এই আকস্মিক ভাবপরিবর্তনের হেতু সে কিছুই বুঝিল না।

মনোরমার তাস খেলা দুদিন বন্ধ হইয়াছে—ললিতা আসে না। তাহাকে দেখিয়া অবধি গিরীন যে আকৃষ্ট হইয়াছিল, তাহা প্রথম হইতেই মনোরমা সন্দেহ করিয়াছিলেন, তাহার সেই সন্দেহ আজ স্ফুট হইল।

এই দুই দিন গিরীন কি এক রকম উৎসুক ও অন্তমনস্ক হইয়াছিল। অপরাহ্নে বেড়াইতে বাইত না, যখন তখন বাড়ির ভিতরে আসিয়া এঘর ওঘর করিত, আজ দুপুর-বেলা আসিয়া বলিল, দিদি, আজও খেলা হবে না?

মনোরমা বলিলেন, কি ক'রে হবে গিরীন, লোক কৈ? না হয়, আর আমরা তিনজনেই খেলি।

গিরীন নিরুৎসাহভরে বলিল, তিনজনে খেলা হয় দিদি? ও-বাড়ির ললিতাকে একবার ডাকতে পাঠাও না।

সে আসবে না।

গিরীন বিষম্ব হইয়া কহিল, কেন আসবে না, ওদের বাড়িতে মানা ক'রে দিচ্ছে বোধ হয়, না?

মনোরমা ঘাড় নাড়িয়া বলিলেন, না, ওর মামা মামি সে রকম মানুষ নয়—সে নিজেই আসে না।

গিরীন হঠাৎ খুসি হইয়া বলিল, তা হ'লে তুমি নিজে আর একবার গেলেই আসবে, কথাটা বলিয়া ফেলিয়া সে নিজের মনেই ভারী অপ্রতিভ হইয়া গেল।

মনোরমা হাসিয়া ফেলিলেন—আচ্ছা তাই যাই, বলিয়া চলিয়া গেলেন এবং খানিক পরে ললিতাকে ধরিয়া আনিয়া তাস পাড়িয়া বসিলেন।

দুদিন খেলা হয় নাই, আজ অল্প সময়ের মধ্যেই বেশ জমিয়া গেল। ললিতারা জ্বিতিতেছিল।

ঘণ্টা-দুই পরে সহসা কালী আসিয়া দাঁড়াইয়াই বলিল, সেজদি, শেখরদা ডাক্‌চেন—জল্‌দি!

ললিতার মুখ পাণ্ডুর হইয়া গেল, তাস দেওয়া বন্ধ করিয়া বলিল, শেখরদা আফিসে যান্‌ নি?

কি জানি, চলে এসেচেন, বলিয়া সে ঘাড় নাড়িয়া প্রস্থান করিল।

ললিতা তাস রাখিয়া দিয়া, মনোরমার মুখ পানে চাহিয়া কুণ্ঠিতভাবে বলিল, যাই সইমা।

মনোরমা তাহার হাত ধরিয়া বলিলেন, সে কিরে, আর দুহাত দেখে যা!

ললিতা ব্যস্ত হইয়া উঠিয়া দাঁড়াইয়া বলিল, না সইমা, ইনি তা' হ'লে বড় রাগ করবেন, বলিয়া দ্রুতপদে চলিয়া গেল।

গিরীন প্রস্থ করিল, শেখরদা আবার কে দিদি?

মনোরমা বলিলেন, ঐ যে হুমুখের ফটকওয়ালা বাড়িটা।

গিরীন ঘাড় নাড়িয়া বলিল, ও—ওই বাড়ির নবীনবাবু ঠুন্দের আত্মীয় বুঝি?

মনোরমা মেয়ের মুখের পানে চাহিয়া একটুখানি হাসিয়া বলিলেন, আত্মীয় কেমন? ললিতাদের ঐ ভিটেটুকু পর্য্যন্ত বুড়ো আত্মসাৎ করবার ফিকিরে আছেন। গিরীন আশ্চর্য্য হইয়া চাহিয়া রহিল।

মনোরমা তখন গল্প করিতে লাগিলেন, কেমন করিয়া গত বৎসর টাকার অভাবে গুরুচরণবাবুর সেজ মেয়ের বিবাহ হইতেছিল না, পরে অসম্ভব হুদে নবীন রায় টাকা ধার দিয়া বাড়িখানি বাঁধা রাখিয়াছেন।

এ টাকা কোন দিন শোধ হইবে না এবং অবশেষে বাড়িটা নবীন রায়ই গ্রহণ করিবেন।

মনোরমা সমস্ত কথা বলিয়া পরিশেষে মন্তব্য প্রকাশ করিলেন, বুড়ার আন্তরিক ইচ্ছা গুরুচরণবাবুর ভাড়া বাড়িটি ভাঙিয়া ফেলিয়া ঐখানে ছোট ছেলে শেখরের জন্য একটি বড় রকমের বাড়ি তৈরি করেন—তুই ছেলের তুই আলাদা বাড়ি—মংলব মন্দ নয়।

ইতিহাস শুনিয়া গিরীনের ক্রেশ বোধ হইতেছিল, জিজ্ঞাসা করিল, আচ্ছা দিদি, গুরুচরণবাবুর আরও ত মেয়ে আছে, তাদেরি বা বিয়ে কি ক'রে দেবেন ?

মনোরমা বলিলেন, নিজের ত আছেই, তা ছাড়া ললিতা। ওর বাপ-মা নেই, সমস্ত ভার ঐ গরীবের ওপর। বড় হ'য়ে উঠেচে, এই বছরের মধ্যে বিয়ে না দিলেই নয়। ওদের সমাজে সাহায্য করতে কেউ নেই, জাত নিতে সবাই আছে—আমরা বেশ আছি গিরীন।

গিরীন চূপ করিয়া রহিল, তিনি বলিতে লাগিলেন, সেদিন ললিতার কথা নিয়েই ওর মামি আমার কাছে কৈদে ফেললে—কি ক'রে যে কি হবে তার কিছুই স্থির নেই—ওর ভাবনা ভেবেই গুরুচরণবাবুর পেটে অন্ন-জল যায় না—হাঁ গিরীন, মুন্সেরে তাদের কোন বন্ধু-বান্ধব এমন নেই যে, শুধু মেয়ে দেখে- বিয়ে করে ? অমন মেয়ে কিন্তু পাওয়া শক্ত।

গিরীন বিষণ্ণভাবে মুহূ হাসিয়া বলিল, বন্ধু-বান্ধব আর পাব কোথায় দিদি, তবে টাকা দিয়ে আমি সাহায্য করতে পারি।

গিরীনের পিতা ডাক্তারি করিয়া অনেক টাকা এবং বিষয়-সম্পত্তি রাখিয়া গিয়াছেন সে সমস্তরই এখন সে মালিক।

মনোরমা বলিলেন, টাকা তুই ধার দিবি ?

ধার আর কি দেব দিদি—ইচ্ছে হয়, উনি শোধ দেবেন; না হয় নাই দেবেন।

মনোরমা বিস্মিত হইলেন। বলিলেন, তোর টাকা দিয়ে লাভ ? ওরা আমাদের আত্মীয়ও নয়, সমাজের লোকও নয়—এমনি কে কাকে টাকা দেয় ?

গিরীন তাহার বোনের মুখের পানে চাহিয়া হাসিতে লাগিল, তার পরে কহিল, সমাজের লোক নাই হলেন, বান্ধালী ত ? ওঁর একান্ত অভাব, আর আমার বিস্তর রয়েছে—তুমি একবার ব'লে দেখো না দিদি, উনি যদি নিতে রাজী হন আমি দিতে পারি। ললিতা তাঁদেরও কেউ নয়, আমাদেরও কেউ নয়—তার বিয়ের সমস্ত খরচ না হয় আমিই দেব।

তাহার কথা শুনিয়া মনোরমা বিশেষ সন্তুষ্ট হইলেন না; ইহাতে তাঁহার নিজের ক্ষতিবৃদ্ধি কিছুই নাই বটে, তথাপি এত টাকা একজন আর একজনকে দিতেছে দেখিলে অনেক জ্বীলোকই প্রসন্ন-চিত্তে গ্রহণ করিতে পারে না।

চারু এতক্ষণ চুপ করিয়া শুনিতেছিল, সে মহা খুসী হইয়া লাফাইয়া উঠিল, বলিল, তাই দাও মামা, আমি সহীমাকে বলে আসচি !

তাহার মা ধমক্ দিয়া বলিলেন, তুই খাম্ চাক, ছেলেমানুষ এ-সব কথায় থাকিস্ নে ! বলতে হয় আমিই বলব।

গিরীন কহিল, তাই ব'লো দিদি। পরশু রাস্তার উপর দাঁড়িয়েই গুরুচরণবাবুর সঙ্গে একটুখানি আলাপ হয়েছিল, কথায়-বার্তায় মনে হ'ল—বেশ সরল লোক; তুমি কি বল ?

মনোরমা বলিলেন, আমিও তাই বলি, সবাই তাই বলে। ওঁরা আমি-জ্বী হু'জনেই বড় সাদা-সিদে মানুষ ? সেই জগাই ত দুঃখ হয় গিরীন, অমন লোকটাকে হয় ত বাড়ি-ঘর ছেড়ে নিরাশ্রয় হ'তে হবে। তার সাক্ষী দেখ'লি নে গিরীন, শেখরবাবু ডাকচেন বলতেই ললিতা

কি রকম তাড়াতাড়ি উঠে পালানো ; বাড়ি-স্বদ্ধ লোক ওদের কাছে যেন বিক্রী হয়ে আছে। কিন্তু যত খোসামোদই করুক না কেন নবীন রায়ের হাতে গিয়ে একবার যখন পড়েচে রেহাই পাবে এ ভরসা কেউ করে না !

গিরীন জিজ্ঞাসা করিল, তা হ'লে বলবে ত দিদি ?

“ আচ্ছা, জিজ্ঞাসা করুব। দিয়ে যদি তুই উপকার করতে পারিস, ভালই ত। বলিয়াই একটুখানি হাসিয়া বলিলেন, আচ্ছা, তোরই বা এত চাড়া কেন গিরীন ?

চাড়া আর কি দিদি, দুঃখে-কষ্টে পরস্পরের সাহায্য কর্তেই হয়, বলিয়া সে ঈষৎ সলজ্জ-মুখে প্রশ্ন করিল। দ্বারের বাহিরে গিয়াই আবার ফিরিয়া আসিয়া বসিল।

তাহার দিদি বলিলেন, আবার বসলি যে !

গিরীন হাসিমুখে বলিল, অত যে কাঁহুনি গাইলে দিদি, হয় ত সব সত্যি নয়।

মনোরমা বিস্মিত হইয়া বলিলেন, কেন ?

গিরীন বলিতে লাগিল, ওদের ললিতা যে রকম টাকা খরচ করে সে ত দুঃখীর মত মোটেই নয় দিদি ! সেদিন আমরা থিয়েটার দেখতে গেলুম, ও নিজে গেল না তবু দশ টাকা ওর বোনকে দিয়ে পাঠিয়ে দিলে। চাককে জিজ্ঞেস কর না, কি রকম খরচ করে ; মাসে কুড়ি-পঁচিশ টাকার কম ওর নিজের খরচই চলে না যে।

মনোরমা বিশ্বাস করিলেন না।

চাক বলিল, সত্যি মা। ও-সব শেখরবাবুর টাকা, শুধু এখন নয়, ছেলে-বেলা থেকে ওই শেখরদার আলমারি খুলে টাকা নিয়ে আসে—কেউ কিছু বলে না।

মনোরমা মেয়ের দিকে চাহিয়া সন্দেহভাবে জিজ্ঞাসা করিলেন, টাকা আনে শেখরবাবু জানেন ?

চারু মাথা নাড়িয়া বলিল, জানেন, স্ত্রুমুখেই চাবি খুলে নিয়ে আসে।
গেল মাসে আন্নাকালীর পুতুলের বিয়েতে অত টাকা কে দিলে? সবই
ত সই দিলে?

মনোরমা ভাবিয়া বলিলেন, কি জানি। কিন্তু এ কথাও ঠিক বটে
বুড়োর মত ছেলেরা চামার নয়—ওরা সব মায়ের ধাত পেয়েছে—তাই
দয়া-ধর্ম আছে। তা ছাড়া, ললিতা মেয়েটি খুব ভাল, ছেলে-বেলা থেকে
কাছে কাছে থাকে, দাদা বলে ডাকে; তাই ওকে মায়া-মমতাও সবাই
করে। হাঁ চারু, তুই ত যাওয়া আসা করিস, ওদের শেখরের এই মাঘ
মাসে নাকি বিয়ে হবে? শুনেচি, বুড়ো অনেক টাকা পাবে।

চারু বলিল, হাঁ মা, এই মাঘ মাসেই হবে—সব ঠিক হ'য়ে গেছে।

পঞ্চম পরিচ্ছেদ

গুরুচরণ লোকটি সেই ধাতের মানুষ—বাহার সহিত যে কোনও বয়সের লোক অসঙ্কোচে আলাপ করিতে পারে। দুই-চারি দিনের আলাপে গিরীনের সহিত তাহার একটা স্থায়ী সখ্যতা জন্মিয়া গিয়াছিল। গুরুচরণের চিন্তের বা মনের কিছুমাত্র দৃঢ়তা ছিল না বলিয়া তর্ক করিতেও তিনি যেমন ভালবাসিতেন, তর্কে পরাজিত হইলেও তেমন কিছুমাত্র অসন্তোষ প্রকাশ করিতেন না।

সন্ধ্যার পর চা খাইবার নিমন্ত্রণ তিনি গিরীনকে করিয়া রাখিয়া ছিলেন। আফিস হইতে ফিরিতেই তাহার দিবা অবসান হইয়া যাইত। হাত-মুখ ধুইয়াই বলিতেন, ললিতে, চা তৈরি হ'ল মা? কালী যা যা, তোমার গিরীনমামাকে এইবার ডেকে আন। তার পর উভয়ের চা খাওয়া এবং তর্ক চলিতে থাকিত।

ললিতা কোন কোন দিন মামার আড়ালে বসিয়া চূপ করিয়া শুনিত। সেদিন গিরীনের যুক্তি-তর্ক শতমুখে উৎসারিত হইতে থাকিত। তর্কটা প্রায়ই আধুনিক সমাজের বিরুদ্ধেই হইত। সমাজের হৃদয়হীনতা, অসঙ্গত উপদ্রব এবং অত্যাচার—এ সমস্তই সত্য কথা।

একে ত সমর্থন না করিবার বাস্তবিক কিছু নাই, তাহাতে গুরুচরণের উৎপীড়িত অশান্ত হৃদয়ের সহিত গিরীনের কথাগুলো বড়ই খাপ খাইত। তিনি শেষকালে ঘাড় নাড়িয়া বলিতেন, ঠিক কথা গিরীন, কার ইচ্ছে আর না করে নিজের মেয়েদের স্বথাসময়ে ভাল বায়গায় বিয়ে দিতে, কিন্তু দিই কি ক'রে? সমাজ বল্চেন দাও বিয়ে—মেয়ের বয়স হয়েছে, কিন্তু দেবার বন্দোবস্ত ক'রে ত দিতে পারেন না। যা বলেচ গিরীন, এই আমাকে দিয়েই জাখো না কেন, বাড়িটুকু পর্যন্ত বন্ধক পড়েচে, ছদ্ম পথে

ছেলে-মেয়ের হাত ধরে পথে গিয়ে দাঁড়াতে হবে—সমাজ তখন ত
বলবেন না, এসো, আমার বাড়িতে আশ্রয় নাও। কি বল হে?

গিরীন হয় ত চুপ করিয়া থাকিত, গুরুচরণ নিজেই বলিতেন, খুব
সত্য কথা। এমন সমাজ থেকে জাত যাওয়াই মঙ্গল। খাই না খাই,
শান্তিতে থাকা যায়। যে সমাজ দুঃখীর দুঃখ বোঝে না, বিপদে সাহস
দেয় না, শুধু চোখ রাঙায় আর গলা চেপে ধরে সে সমাজ আমার নয়,
আমার মত গরীবেরও নয়—এ সমাজ বড়লোকের জন্তে। ভাল, তাগ্রাই
থাক আমাদের কাজ নাই। বলিয়া গুরুচরণ সহসা চুপ করিতেন।

যুক্তিতর্কগুলি ললিতা শুধুই মন দিয়া শুনিত না, বাত্রে বিছানায় শুইয়া
যতক্ষণ ঘুম না আসিত নিজের মনে বিচার করিয়া দেখিত। প্রতি
কথাটি তাহার মনের উপর গভীরভাবে মুদ্রিত হইয়া উঠিতেছিল।
সে মনে মনে বলিত, স্বার্থ-ই গিরীনবাবুর কথাগুলি অতিশয় স্মারকত।

মামাকে সে অত্যন্ত ভালবাসিত, সেই মামার স্বপক্ষে টানিয়া গিরীন
যাহাই কিছু বলিত, সমস্তই তাহার কাছে অস্বাস্ত সত্য বলিয়া মনে
হইত। তাহার মামা, বিশেষ করিয়া তাহারি জ্ঞাত ব্যতিব্যস্ত হইয়া
উঠিতেছে, অন্ন-জল পরিত্যাগ করিতেছে—তাহার নির্বিরোধী দুঃখী
মামা, তাহাকে আশ্রয় দিয়াই—এত ক্লেশ পাইতেছে! কিন্তু কেন?
কেন মামার জাত যাবে?—আজ আমার বিয়ে দিয়ে কাল যদি
বিধবা হ'য়ে ঘরে ফিরে আসি, তা হ'লে ত জাত যাবে না। অথচ তফাত
কিসের! গিরীনের এই সমস্ত কথার প্রতিধ্বনি সে তাহার ভারত্বের
হৃদয় হইতে বাহির করিয়া আর একবার তন্ন তন্ন করিয়া আলোচনা
করিতে করিতে ঘুমাইয়া পড়িত।

তাহার মামার হইয়া মামার দুঃখ বুঝিয়া যে কেহ কথা কহিত
তাহাকে শ্রদ্ধা না করিয়া, তাহার মতের সহিত মত না মিলাইয়া ললিতার
অস্ত পথ ছিল না। সে গিরীনকে আন্তরিক শ্রদ্ধা করিতে লাগিল।

ক্রমশঃ গুরুচরণের মত সেও সন্ধ্যার চা-পানের সময়টির জন্য অপেক্ষা করিয়া থাকিত ।

পূর্বে গিরীন ললিতাকে ‘আপনি’ বলিয়া ডাকিত । গুরুচরণ নিষেধ করিয়া বলিয়াছিলেন, ওকে আবার ‘আপনি’ কেন গিরীন, ‘তুমি’ বলে ডেকো । তখন হইতে সে ‘তুমি’ বলিয়া ডাকিতে সুরু করিয়াছিল ।

একদিন গিরীন জিজ্ঞাসা করিয়াছিল, তুমি চা খাও না ললিতা ?

ললিতা মুখ নীচু করিয়া ঘাড় নাড়িলে, গুরুচরণ বলিয়াছিলেন, ওর শেখরদার বারণ আছে । মেয়েমানুষের চা খাওয়া সে ভালবাসে না ।

হেতু শুনিয়া যে গিরীন স্মৃথী হইতে পারে নাই ললিতা সেটুকু বুঝিতে পারিয়াছিল ।

আজ শনিবার । অল্প দিনের অপেক্ষা এই দিনটাই সভা ভাঙিতে বিলম্ব হইত ।

চা খাওয়া শেষ হইয়া গিয়াছিল, গুরুচরণ আজ আলোচনায় তেমন উৎসাহের সহিত যোগ দিতে পারিতেছিলেন না, মাঝে মাঝে কি এক রকম অন্তমনস্ক হইয়া পড়িতেছিলেন ।

গিরীন সহজেই তাহা লক্ষ্য করিয়া প্রশ্ন করিল, আজ আপনার দেহটা বোধ করি তেমন ভাল নাই ?

গুরুচরণ হুঁকাটা মুখ হইতে সরাইয়া লইয়া বলিলেন, কেন ? দেহ ত বেশ ভালই আছে ।

গিরীন লক্ষ্যোচের সহিত বলিল, তাহ’লে আফিসে কি কিছু—

না, তাও ত কিছু নয়, বলিয়া গুরুচরণ একটু বিষয়ের সহিত গিরীনের মুখের দিকে চাহিলেন । তাঁহার ভিতরের উদ্বেগ যে বাহিরে প্রকাশ পাইতেছিল তাহা এই নিতান্ত সরল-প্রকৃতির মানুষটি বুঝিতেই পারেন নাই ।

ললিতা পূর্বে একেবারেই চুপ করিয়া থাকিত, কিন্তু আজ-কাল

দু-একটা কথায় মাঝে মাঝে যোগ দিতেছিল। সে বলিল, হাঁ মামা, আজ তোমার হয় ত মন ভাল নেই।

গুরুচরণ হাসিয়া উঠিয়া বলিলেন, ও সেই কথা? হাঁ মা ঠিক ধরেছিল বটে, আজ আমার সত্যিই মন ভাল নেই।

ললিতা ও গিরীন উভয়েই তাঁহার মুখপানে চাহিয়া রহিল।

গুরুচরণ বলিলেন, নবীনদা সমস্ত জেনে-শুনে গোটা-কতক শক্ত কথা পথে দাঁড়িয়েই শুনিয়া দিলেন। আর তাঁরই বা দোষ কি, ছমাস হ'য়ে গেল একটা পয়সা স্তদ দিতে পারলুম না তা আসল দূরে থাক।

ব্যাপারটা ললিতা বুঝিয়াই চাপা দিয়া ফেলিবার জন্য ব্যস্ত হইয়া উঠিল। তাহার কাণ্ডজ্ঞানহীন মামা পাছে ঘরের লজ্জাকর কথাগুলো পরের কাছে ব্যক্ত করিয়া ফেলে এই ভয়ে সে তাড়াতাড়ি বলিয়া উঠিল, তুমি ভেবো না মামা, সে সব পরে হবে।

কিন্তু গুরুচরণ সেদিক্ দিয়াও গেলেন না। বরং বিষন্ন-ভাবে হাসিয়া বলিলেন, পরে আর কি হবে মা? তা নয় গিরীন, আমার এই মা'টি চায় তার বুড়ো ছেলেটি যেন কিছু ভাবনা-চিন্তা না করে। কিন্তু বাইরের লোকে যে তোর দুঃখী মামার দুঃখটা চেয়ে দেখতেই চায় না ললিতে!

গিরীন জিজ্ঞাসা করিল, নবীনবাবু আজ কি বললেন?

গিরীন যে সমস্ত কথাই জানে ললিতা জানিত না, তাই তাহার প্রশ্নটাকে অসঙ্গত কোতূহল মনে করিয়া মনে মনে অত্যন্ত ক্রুদ্ধ হইয়া উঠিল।

গুরুচরণ খুলিয়া বলিলেন। নবীন রায়ের স্ত্রী বহুদিন হইতে অসুস্থ রোগে ভুগিতেছিলেন, সম্প্রতি রোগ কিছু বৃদ্ধি হওয়ায় চিকিৎসকেরা বায়ু পরিবর্তনের ব্যবস্থা করিয়াছেন। অর্থের প্রয়োজন, অতএব এই সময়ে গুরুচরণের সমস্ত স্তদ এবং কিছু আসল দিতে হইবে।

গিরীন ক্ষণকাল স্থির থাকিয়া মুহূর্তে বলিল, একটা কথা আপনাকে বলি বলি করেও বলতে পারি নি, যদি কিছু না মনে করেন আজ তা হ'লে বলি।

গুরুচরণ হাসিয়া উঠিলেন, বলিলেন, আমাকে কোন কথা বলতে কেউ কখন ত সঙ্কোচ করে না গিরীন—কি কথা?

গিরীন বলিল, দিদির কাছে শুনেচি নবীনবাবুর খুব বেশি সুন্দর, তাই বলি, আমার অনেক টাকাই ত অমনি পড়ে রয়েছে কোনও কাজেই আসে না, আর, তাঁরও দরকার, না হয়, এই ঋণটা শোধ করে দিন না।

ললিতা, গুরুচরণ উভয়েই আশ্চর্য হইয়া তাহার দিকে চাহিয়া রহিলেন। গিরীন অত্যন্ত সঙ্কোচের সহিত বলিতে লাগিল, আমার এখন ত টাকার বিশেষ কোন আবশ্যকই নাই, তাই যখন আপনার সুবিধা হবে, ফিরিয়ে দিলেই চলবে, ওদের আবশ্যক, সেই জন্তে বল্ছিলাম যদি—

গুরুচরণ ধীরে ধীরে বলিলেন, সমস্ত টাকাটা তুমি দেবে?

গিরীন মুখ নিচু করিয়া বলিল, বেশ ত, তাঁদের উপকার হয়—

গুরুচরণ প্রত্যুত্তরে কি একটা বলিতে যাইতেছিলেন, ঠিক এই সময়ে আম্মাকালী ছুটিয়া আসিয়া পড়িল। সেজ্জি, জলদি—শেখরদা কাপড় পরে নিতে বল্লেন—থিয়েটার দেখতে যেতে হবে, বলিয়াই যেমন করিয়া আসিয়াছিল তেমনি করিয়াই চলিয়া গেল। তাহার ব্যগ্রতা দেখিয়া গুরুচরণ হাসিলেন। ললিতা স্থির হইয়া রহিল।

আম্মাকালী মুহূর্ত পরেই ফিরিয়া আসিয়া বলিল, কৈ, উঠলে না সেজ্জি, সবাই দাঁড়িয়ে রয়েছে যে।

তথাপি ললিতা উঠিবার কোন লক্ষণ প্রকাশ করিল না। সে শেষ

পর্যন্ত শুনিয়া যাইতে চায়, কিন্তু গুরুচরণ কালীর মুখের দিকে চাহিয়া একটুখানি হাসিয়া ললিতার মাথায় একটা হাত দিয়া বলিলেন, তা হ'লে যা মা দেরি করিস্ নে—তোরা জগ্রে বুঝি সবাই অপেক্ষা ক'রে আছে।

অগত্যা ললিতাকে উঠিতে হইল। কিন্তু যাইবার পূর্বে গিরীনের মুখের পানে সে যে গভীর কৃতজ্ঞ দৃষ্টি নিক্ষেপ করিয়া ধীরে ধীরে বাহির হইয়া গেল গিরীন তাহা দেখিতে পাইল।

মিনিট-দশেক পরে কাপড় পরিয়া প্রস্তুত হইয়া সে পান দিবার ছুতা করিয়া আর একবার বাহিরের ঘরে নিঃশব্দ-পদক্ষেপে আসিয়া প্রবেশ করিল।

গিরীন চলিয়া গিয়াছে। একাকী গুরুচরণ মোটা বালিশটা মাথায় দিয়া চোখ বুজিয়া শুইয়া আছেন, তাঁহার মুদ্রিত চক্ষুর দুইপাশ বাহিয়া জল ঝরিতেছে। এ যে আনন্দাশ্রু ললিতা তাহা বুঝিল। বুঝিল বলিয়াই তাঁহার ধ্যান ভাঙিয়া দিল না, যেমন নিঃশব্দে প্রবেশ করিয়াছিল তেমনি নিঃশব্দে বাহির হইয়া গেল।

অনতিকাল পরে সে যখন শেখরের ঘরে আসিয়া উপস্থিত হইল, তখন তাহার নিজের চোখ দুটিও অশ্রুভারে ছল্ ছল্ করিতেছিল। কালী ছিল না, সে সকলের আগে গাড়ীতে গিয়া বসিয়াছিল, একাকী শেখর তাহার ঘরের মাঝখানে চুপ করিয়া দাঁড়াইয়া বোধ করি ললিতার অপেক্ষাতেই ছিল, মুখ তুলিয়া তাহার জলভারাক্রান্ত চোখ দুটি লক্ষ্য করিল।

সে আট-দশ দিন ললিতাকে দেখিতে না পাইয়া মনে মনে অতিশয় বিরক্ত হইয়াছিল, কিন্তু এখন সে তাহা ভুলিয়া উদ্বিগ্ন হইয়া বলিয়া উঠিল, ও কি, কাঁদচ নাকি?

ললিতা ঘাড় হেঁট করিয়া প্রবল বেগে মাথা নাড়িল।

এই কয়দিনের একান্ত অদর্শনে শেখরের মনের মধ্যে একটা পরিবর্তন ঘটিতেছিল, তাই সে কাছে সরিয়া আসিয়া দুই হাত দিয়া সহসা ললিতার মুখ তুলিয়া ধরিয়া বলিল, সত্যিই কঁাদুচ যে! হ'ল কি?

ললিতা এবার নিজেকে আর সামলাইয়া রাখিতে পারিল না, সেইখানে বসিয়া পড়িয়া আঁচলে মুখ ঢাকিয়া কঁাদিয়া ফেলিল।

ষষ্ঠ পরিচ্ছেদ

নবীন রায় সমস্ত হৃদ আসল কড়াক্রান্তি গণিয়া লইয়া বন্ধকী কাগজখানা ফিরাইয়া দিয়া বলিলেন, বলি, টাকাটা দিলে কে হে ?

গুরুচরণ নম্রভাবে কহিলেন, সেটা জিজ্ঞেসা করবেন না দাদা, বলতে নিষেধ আছে।

টাকাটা ফেরত পাইয়া নবীন কিছুমাত্র সন্তুষ্ট হন নাই, এটা আশাও করেন নাই, ইচ্ছাও করেন নাই। বরং বাড়িটা ভাঙিয়া ফেলিয়া কিরূপ নূতন অট্টালিকা প্রস্তুত করিবেন তাহাই ভাবিয়া রাখিয়াছিলেন। শ্লেষ করিয়া বলিলেন, তা এখন নিষেধ ত হবেই। ভায়া, দোষ তোমার নয়, দোষ আমার। দোষ, টাকাটা ফিরে চাওয়ার, নইলে কলিকাল বলেচে কেন !

গুরুচরণ অত্যন্ত ব্যথিত হইয়া বলিলেন, সে কি কথা দাদা। আপনার টাকার ঋণটাই শোধ করেচি, কিন্তু আপনার দয়ার ঋণ ত শোধ করতে পারি নি।

নবীন হাসিলেন। তিনি পাকা লোক, এ সকল কথা বিশ্বাস করিলে গুড় বেচিয়া এত টাকা করিতে পারিতেন না। বলিলেন, সে যদি সত্যিই ভাবতে ভায়া, তা হ'লে এমনক'রে শোধক'রে দিতে না। না হয়, একবার টাকাটাই চেয়েছিলাম, সেও তোমারি বোঁঠানের অস্থখের জন্তে, আমার নিজের জন্তে কিছু নয়—বলি কত হৃদে বন্ধক রাখলে বাড়িটা ?

গুরুচরণ ঘাড় নাড়িয়া কহিলেন, বন্ধক রাখি নি—হৃদের কথাও কিছু হয় নি।

নবীন বিশ্বাস করিলেন না, বলিলেন, বল কি, শুধু হাতে ?

হাঁ দাদা, এক বকম তাই বটে। ছেলেটি বড় সৎ, বড় দয়ালু শরীর।

ছেলেটি ? ছেলেটি কে ?

গুরুচরণ এ প্রশ্নের আর জবাব দিলেন না মৌন হইয়া রহিলেন।

যতটা বলিয়া ফেলিয়াছিলেন এতটাও তাঁহার বলা উচিত ছিল না।

নবীন তাঁহার মনের ভাব বুঝিয়া মুচু হাসিয়া কহিলেন, যখন নিষেধ আছে তখন কাজ নেই, কিন্তু সংসারের অনেক জিনিষই দেখেচি ব'লে এইটুকু সাবধান ক'রে দিই ভায়া, তিনি যেই হোন, এত ভাল করুতে গিয়ে শেষকালে যেন ফ্যাসাদে না ফেলেন।

গুরুচরণ সে কথার আর জবাব না দিয়া নমস্কার করিয়া কাগজখানি হাতে করিয়া বাড়ি ফিরিয়া আসিলেন।

প্রায় প্রতি বৎসরেই ভুবনেশ্বরী এই সময়টায় কিছুদিনের জন্ত পশ্চিম ঘুরিয়া আসিতেন। তাঁহার অজীর্ণ রোগ ছিল, ইহাতে উপকার হইত। রোগ বেশি নয়। নবীন গুরুচরণের কাছে সেদিন কার্যোদ্ধারের জন্তই বাড়াইয়া বলিয়াছিলেন। যাই হোক, যাত্রার আয়োজন হইতেছিল।

সেদিন সকাল-বেলা একটা চামড়ার তোরঙ্গে শেখর তাহার আবশ্যকীয় সৌখীন জিনিষ-পত্র গুছাইয়া লইতেছিল।

আম্বাকালী ঘরে ঢুকিয়া বলিল, শেখরদা, তোমরা কাল যাবে না ? শেখর তোরঙ্গ হইতে মুখ তুলিয়া বলিল, কালী, তোমার সেজদিকে ডেকে দে, সে কি সঙ্গে নেবে-টেবে এই সময়ে দিয়ে যাক্। ললিতা প্রতি বৎসর মায়ের সঙ্গে যাইত, এবারেও যাইবে-তাহাই শেখর জানিত।

কালী ঘাড় নাড়িয়া বলিল, এবার সেজদি ত যাবে না।

কেন যাবে না ?

কালী কহিল, বাঃ কি করে যাবে। মাঘ ফাল্গুন মাসে ওর বিয়ে হবে, বাবা বর খুঁজে বেড়াচ্ছেন যে।

শেখর নির্নিমেষ-চোখে স্তব্ধ হইয়া চাহিয়া রহিল।

কালী বাড়ির ভিতরে যাহা শুনিয়াছিল উৎসাহের সহিত ফিস্ ফিস্ করিয়া বলিতে লাগিল, গিরীনবাবু বলেচেন যতটাকা লাগে ভাল পান্তরু চাই! বাবা আজও আফিসে যাবেন না, খেয়ে-দেয়ে কোথায় ছেলে দেখতে যাবেন; গিরীনবাবুও সঙ্গে যাবেন।

শেখর স্থির হইয়া শুনিতে লাগিল এবং কেন যে ললিতা আর আসিতে চাহে না তাহারও যেন কতকটা কারণ বুঝিতে পারিল।

কালী বলিতে লাগিল, গিরীনবাবু খুব ভাল মানুষ্য শেখরদা! মেজদির বিয়ের সময় আমাদের বাড়ি জ্যাঠামশায়ের কাছে বাধা ছিল ত, বাবা বলছিলেন, আর দুমাস তিনমাস পরেই আমাদের সবাইকে পথে পথে ভিক্ষে ক'রে বেড়াতে হ'ত, তাই গিরীনবাবু টাকা দিলেন। কাল সব টাকা জ্যাঠামশায়কে বাবা ফিরিয়ে দিয়েচেন। সেজদি বলছিল, আর আমাদের কোন ভয় নেই, সত্যি না শেখরদা?

প্রত্যুত্তরে শেখর কিছুই বলিতে পারিল না, তেমনি চাহিয়া রহিল।

কালী জিজ্ঞাসা করিল, কি ভাবছ শেখরদা?

এইবার শেখরের চমক ভাঙিল, তাড়াতাড়ি বলিয়া উঠিল, কিছু না রে! কালী, তোর সেজদিকে একবার শিগ'গির ডেকে দে, বল আমি ভাকুচি, ছুটে যা।

কালী ছুটিয়া চলিয়া গেল।

শেখর খোলা তোরঙ্গের দিকে দৃষ্টি নিবদ্ধ করিয়া বসিয়া রহিল। কোন দ্রব্যে তাহার প্রয়োজন, কোন দ্রব্যে প্রয়োজন নাই, সমস্তই এখন তাহার চোখের সম্মুখে একাকার হইয়া গেল।

ভ্রাক শুনিয়া ললিতা উপরে আসিয়া প্রথমে জানালার ফাঁক দিয়া

দেখিল, তাহার শেখরদা মেঝের উপরে একদৃষ্টে মাটির দিকে চাহিয়া স্থির হইয়া বসিয়া আছে। তাহার এ রকম মুখের ভাব সে পূর্বে কখনও দেখে নাই। ললিতা আশ্চর্য্য হইল, ভয় পাইল! ধীরে ধীরে কাছে আসিয়া দাঁড়াইতেই শেখর, 'এসো' বলিয়া ব্যস্ত হইয়া উঠিয়া দাঁড়াইল।

ললিতা আশ্বে আশ্বে জিজ্ঞাসা করিল, আমাকে ডাকছিলে ?

হাঁ, বলিয়া শেখর ক্ষণকাল স্থির হইয়া থাকিয়া কহিল, কাল সকালের গাড়ীতেই আমি মাকে নিয়ে পশ্চিমে যাচ্ছি এবার ফিরতে হয় ত দেবি হবে। এই চাবি নাও, তোমার খরচের টাকা-কড়ি ওই দেবাজের মধ্যেই রইল।

প্রতিবার ললিতাও সঙ্গে যায়। গতবারে এই উপলক্ষে সে কি আনন্দে জিনিস-পত্র গুছাইয়া লইয়াছিল, এবার সে কাজটা শেখরদা একা করিতেছে, খোলা ভোরঙ্গের দিকে চাহিবামাত্রই ললিতার তাহা মনে পড়িল।

শেখর তাহার দিক্ হইতে মুখ ফিরাইয়া লইয়া একবার কাশিয়া গলাটা পরিষ্কার করিয়া বলিল, সাবধানে থেকো—আর যদি কোন কিছুর বিশেষ আবশ্যক হয়, দাদার কাছে ঠিকানা জেনে নিয়ে আমাকে চিঠি লিখো।

অতঃপর দুই জনেই চুপ করিয়া রহিল। এবার ললিতা সঙ্গে যাইবে না, শেখর তাহা জানিতে পারিয়াছে এবং তাহার কারণটাও হয় ত শুনিয়াছে মনে করিয়া ললিতা লজ্জায় সঙ্কুচিত হইতে লাগিল।

হঠাৎ শেখর কহিল, আচ্ছা, যাও এখন, আমাকে আবার এইগুলো শুছিয়ে নিতে হবে। বেলা হ'ল, আজ একবার আফিসেও যেতে হবে।

ললিতা ভোরঙ্গের স্রুখে হাঁটু গাড়িয়া বসিয়া বলিল, তুমি জ্ঞান কর গে আমি শুছিয়ে দিচ্ছি !

তা হ'লে ত ভালই হয়, বলিয়া শেখর চাবির গোছাটা ললিতার কাছে

ফেলিয়া দিয়া ঘরের বাহিরে আসিয়া সহসা থমকিয়া দাঁড়াইয়া বলিল, আমার কি দরকার হয়, তা ভুলে যাও নি ত !

ললিতা মাথা ঝুঁকাইয়া তোরঙ্গের জিনিস-পত্র পরীক্ষা করিতে লাগিল, সে কথার কোন জবাব দিল না।

শেখর নিচে গিয়া মাকে জিজ্ঞাসা করিয়া জানিল কালীর সংবাদই সত্য। গুরুচরণ ঋণ পরিশোধ করিয়াছেন সে কথাও সত্য। ললিতার পাত্র স্থির করিবার বিশেষ চেষ্টা হইতেছে তাহাও সত্য। সে আর কিছু জিজ্ঞাসা না করিয়া স্নান করিতে চলিয়া গেল।

ঘণ্টা-দুই পরে স্নানাহার শেষ করিয়া আফিসের পোষাক পরিতে নিজের ঘরে ঢুকিয়া সে সত্যই অবাক হইয়া গেল।

এই দুই ঘণ্টাকাল ললিতা কিছুই করে নাই, তোরঙ্গের একটা পাটির উপর মাথা রাখিয়া চুপ করিয়া বসিয়াছিল। শেখরের পদশব্দে চকিত হইয়া মুখ তুলিয়াই ঘাড় হেঁট করিয়া রহিল। তার দুই চোখ জবাফুলের মত রক্তবর্ণ হইয়াছে।

কিন্তু শেখর তাহা দেখিয়াও দেখিল না, আফিসের পোষাক পরিতে পরিতে সহজভাবে বলিল, এখন পারবে না ললিতা, দুপুর-বেলা এসে গুছিয়ে রেখো। বলিয়া প্রস্তুত হইয়া আফিসে চলিয়া গেল। সে ললিতার রাগা চোখের হেতু ঠিক বুঝিয়াছিল, কিন্তু সব দিক বেশ করিয়া চিন্তা না করা পর্য্যন্ত আর কোন কথা বলিতে সাহস করিল না।

সেদিন অপরাহ্নে মামাদের চা দিতে আসিয়া ললিতা সহসা জড়সড় হইয়া পড়িল। আজ শেখর বসিয়াছিল। সে গুরুচরণবাবুর কাছে বিদায় লইতে আসিয়াছিল।

ললিতা ঘাড় হেঁট করিয়া দুবাটি চা প্রস্তুত করিয়া গিরীন ও তাহার মামার সম্মুখে দিতেই, গিরীন কহিল, শেখরবাবুকে চা দিলে না ললিতা ?

ললিতা মুখ না তুলিয়াই আস্তে আস্তে বলিল, শেখরদা চা খান না।

গিরীন আর কিছু বলিল না, ললিতার নিজের কথা তাহার মনে পড়িয়া গেল। শেখর নিজে এটা খায় না, অপরে খায় তাহাও ইচ্ছা করে না।

চায়ের বাটা হাতে তুলিয়া লইয়া গুরুচরণ পাত্রের কথা পাড়িলেন। ছেলেটি বি, এ, পড়িতেছে ইত্যাদি বিস্তর সূখ্যাতি করিয়া শেষে বলিলেন, অথচ আমাদের গিরীনের পছন্দ হয় নি। অবশ্য ছেলেটি দেখতে তেমন স্ত্রী নয় বটে, কিন্তু পুরুষমানুষের রূপ আর কোন্ কাজে লাগে, গুণ থাকলেই যথেষ্ট।

কোনমতে বিবাহটা হইয়া গেলেই গুরুচরণ নিশ্বাস ফেলিয়া বাঁচেন।

শেখরের সহিত গিরীনের এইমাত্র সামান্য পরিচয় হইয়াছিল। শেখর তাহার দিকে চাহিয়া একটুখানি হাসিয়া জিজ্ঞাসা করিল, গিরীনবাবুর পছন্দ হ'ল না কেন? ছেলেটি লেখাপড়া কচ্ছে, অবস্থাও ভাল—এই ত সুপাত্র—


শেখর জিজ্ঞাসা করিল বটে, সে কিন্তু ঠিক বুঝিয়াছিল কেন ইহার পছন্দ হয় নাই এবং কেন ভবিষ্যতেও হইবে না। কিন্তু গিরীন সহসা এ প্রশ্নের উত্তর দিতে পারিল না, তাহার মুখ ঈষৎ রক্তাভ হইল, শেখর তাহাও লক্ষ্য করিয়া উঠিয়া দাঁড়াইয়া বলিল, কাকা, কাল মাকে নিয়ে পশ্চিমে চললুম ঠিক সময়ে থবর দিতে যেন ভুলে যাবেন না!

গুরুচরণ বলিলেন, সে কি বাবা, তোমরাই যে আমার সব। তা ছাড়া, ললিতার মা উপস্থিত না থাকলে ত কোনও কাজই হ'তে পারবে না। কি বলিস্ মা ললিতা? বলিয়া হাসিমুখে ঘাড় ফিরাইয়া বলিলেন, সে উঠে গেল কখন?

শেখর কহিল, কথা উঠতেই পালিয়েচে।

গুরুচরণ গম্ভীর হইয়া বলিলেন, পালাবে বৈকি—হাজার হোক

জ্ঞানবুদ্ধি হয়েছে ত! বলিয়া সহসা একটা ক্ষুদ্র নিশ্বাস ত্যাগ করিয়া
কহিলেন, মা আমার একাধারে যেন লক্ষ্মী-সরস্বতী! এমন মেয়ে বহু
ভাগ্যে মেলে শেখরনাথ! কথাটা উচ্চারণ করিতেই তাঁর শীর্ণ কুশ মুখের
উপর গভীর স্নেহের এমন একটা স্নিগ্ধ-মধুর ছায়াপাত হইল যে গিরীন ও
শেখর উভয়েই আন্তরিক শ্রদ্ধার সহিত তাঁহাকে মনে মনে নমস্কার ন্যূ.
করিয়া থাকিতে পারিল না।



সপ্তম পরিচ্ছেদ

চায়ের মজলিস হইতে নিঃশব্দে পলাইয়া আসিয়া ললিতা শেখরের ঘরে ঢুকিয়া উজ্জল গ্যাসের নিচে একটা তোরঙ্গ আনিয়া শেখরের গরম বস্ত্রগুলি পাট করিয়া গুছাইয়া রাখিতেছিল, শেখরকে প্রবেশ করিতে দেখিয়া মুখ তুলিয়া তাহার মুখের পানে চাহিয়া সে ভয়ে বিস্ময়ে নির্বাক হইয়া রহিল।

মোকদ্দমায় সর্বস্ব হারিয়া মানুষ যে রকম মুখ করিয়া আদালত হইতে বাহির হইয়া আসে, এবেলার মানুষকে যেন ওরেলায় সহসা আর চিনিতে পারা যায় না, এই একঘণ্টার মধ্যে তেমনি শেখরকে ললিতা যেন ঠিক চিনিতে পারিল না। তাহার মুখের উপর সর্বস্ব হারাণোর চিহ্ন যেন কে চিহ্নিত করিয়া দিয়াছে। শেখর শুককণ্ঠে জিজ্ঞাসা করিল, কি হচ্চে ললিতা?

ললিতা সে প্রশ্নের জবাব না দিয়া কাছে সরিয়া আসিয়া দুই হাতে তাহার একটা হাত লইয়া কাঁদ কাঁদ হইয়া বলিল, কি হয়েছে শেখরদা?

কৈ কিছুই হয় নি ত, বলিয়া শেখর জোর করিয়া একটু হাসিল। ললিতার করম্পর্শে তাহার মুখে কতকটা সজীবতা ফিরিয়া আসিল। সে নিকটস্থ একটা চৌকির উপর বসিয়া পড়িয়া সেই প্রশ্নই করিল, তোমার হচ্চে কি?

ললিতা কহিল, মোটা ওভারকোটটা সঙ্গে দিতে ভুলে ছিলাম সেইটাই দিতে এসেচি। শেখর শুনিতে লাগিল, ললিতা এতক্ষণে অপেক্ষাকৃত সুস্থ হইয়া বলিতে লাগিল, গতবারে গাড়ীতে

তোমার বড় কষ্ট হয়েছিল, বড় কোট ত অনেকগুলোই ছিল, কিন্তু খুব মোটা-সোটা একটাও ছিল না। তাই আমি ফিরে এসেই দোকানে মাপ দিয়ে এইটে তৈরি করিয়ে ছিলুম, বলিয়া সে খুব ভারি একটা ওভারকোট তুলিয়া আনিয়া শেখরের কাছে রাখিল।

শেখর হাত দিয়া পরীক্ষা করিয়া বলিল, কৈ আমাকে বল নি ত ?

ললিতা হাসিয়া বলিল, বাবুমাঝুষ, তোমাকে বললে কি এত মোটা কোট তৈরি করতে দিতে ? তাই বলি নি, তৈরি করিয়ে তুলে রেখেছিলুম। বলিয়া সেটা যথাস্থানে রাখিয়া দিয়া বলিল, ঠিক উপরেই রইল, তোমরঙ্গ খুললেই পাবে—শীত করলে গায়ে দিতে তুলো না যেন !

আচ্ছা, বলিয়া শেখর নির্নিমেষ চোখে কিছুক্ষণ চাহিয়া থাকিয়া হঠাৎ বলিয়া উঠিল, না, এমন হ'তেই পারে না।

কি হ'তে পারে না ? গায়ে দেবে না !

শেখর তাড়াতাড়ি বলিয়া উঠিল, না, সে কথা নয়—ও অল্প কথা, আচ্ছা ললিতা, মার জিনিষ-পত্র গোছান হয়েছে কি না জানো ?

ললিতা কহিল, জানি, দুপূর-বেলা আমিই সে সমস্ত গুছিয়ে দিয়েছি, বলিয়া সে আর একবার সমস্ত দ্রব্য ভাল করিয়া পরীক্ষা করিয়া চাৰি বন্ধ করিতে লাগিল।

শেখর ক্ষণকাল চুপ করিয়া তাহার দিকে চাহিয়া মুহূর্তে জিজ্ঞাসা করিল, হাঁ ললিতা, আস্তে বছর আমার উপায় কি হবে বলতে পার ?

ললিতা চোখ তুলিয়া বলিল, কেন ?

কেন আমিই টের পাচ্ছি ভাই, বলিয়া ফেলিয়াই নিজের কথাটা চাপা দিবার জন্য শুষ্কমুখে প্রফুল্লতা টানিয়া আনিয়া বলিল, কিন্তু পরের ঘরে যাবার আগে কোথায় কি আছে আমাকে দেখিয়ে দিয়ে যেয়ো—নইলে দরকারের সময় কিছুই খুঁজে পাব না।

ললিতা রাগিয়া বলিল, যাও—

শেখর এতক্ষণে হাসিল, বলিল, যাও জানি, কিন্তু সত্যিই উপায় হবে কি ? আমার সখ ত আছে যোল আনা, কিন্তু এক কড়ার শক্তি নেই। এ সব কাজ চাকর দিয়েও হয় না—এখন থেকে দেখচি তোমার মামার মত হ'তে হবে—এক কাপড় এক চাদর সম্বল ক'রে—যা হয় তাই হবে।

ললিতা চাবির গোছাটা মেয়ের উপর ফেলিয়া দিয়া ছুটিয়া পলাইয়া গেল।

শেখর চৈতাইয়া বলিল, কাল সকালে একবার এসো !

ললিতা শুনিয়াও শুনিল না, দ্রুতপদে সিঁড়ি বাহিয়া দোতলায় নামিয়া গেল। বাড়ি গিয়া দেখিল, ছাদের এক কোণে তাঁদের আলোয় বসিয়া আন্নাকালী একরাশ গাঁদা-ফুল লইয়া মালা গাঁথিতেছে। ললিতা তাহার কাছে গিয়া বসিয়া কহিল, হিমে বসে কি কচ্চিস্ কালী ?

কালী মুখ না তুলিয়াই বলিল, মালা গাঁথচি—আজ রাত্তিরে আমার মেয়ের বিয়ে।

কই আমাকে বলিস্ নি ত ?

ঠিক ছিল না সেজদি ! এখন বাবা পাঁজি দেখে বল্লেন, আজ রাত্তির ছাড়া আর এ মাসে দিন নেই। মেয়ে বড় হয়েছে, আর রাখতে পারি নে, যেমন তেমন ক'রে বিদেয় কচ্চি। সেজদি, দুটো টাকা দাও না, জলখাবার আনাই।

ললিতা হাসিয়া বলিল, টাকার বেলাই সেজদি। যা, আমার বালিশের নিচে আছে নিগে যা। হাঁ রে কালী, গাঁদা-ফুলে কি বিয়ে হয় ?

কালী গম্ভীরভাবে বলিল, হয়। অল্প ফুল না পেলো হয়। আমি কতগুলো মেয়ে পার কবুলুম সেজদি ! আমি সব জানি, বলিয়া খাবার আনাইবার জন্য নিচে নামিয়া গেল।

ললিতা সেইখানে বসিয়া মালা গাঁথিতে লাগিল।

থানিক পরে কালী ফিরিয়া আসিয়া বলিল, আর সকলকেই বলা হয়েছে শুধু শেখরদাকে বলা হয় নি—যাই ব'লে আসি, নইলে তিনি দুঃখ করবেন, বলিয়া ও-বাড়ি চলিয়া গেল।

কালী পাকা গৃহিণী, সমস্ত কাজকর্মই সে সুস্থভাবে করে। শেখরদাকে সংবাদ দিয়া নামিয়া আসিয়া বলিল, তিনি এক ছড়া মালা চাইলেন। যাও না সেজ্জদি, শিগ্গির করে দিয়ে এসো না, আমি ততক্ষণ এদিকের বন্দোবস্ত করি—লগ্ন শুরু হয়ে গেছে আর সময় নেই।

ললিতা মাথা নাড়িয়া বলিল, আমি পারব না কালী, তুই দিয়ে আয়।

আচ্ছা, যাচ্ছি। ওই বড় ছড়াটা দাও, বলিয়া সে হাত বাড়াইল।

ললিতা হাতে তুলিয়া দিতে গিয়া কি ভাবিয়া বলিল, আচ্ছা, আমি দিয়ে আসচি।

কালী গম্ভীর হইয়া বলিল, তাই যাও সেজ্জদি, আমার অনেক কাজ—মরুবাব ফুরসৎ নেই।

তার মুখের ভাব ও কথার ভঙ্গী দেখিয়া ললিতা হাসিয়া ফেলিল। একেবারে পাকা বুড়ী, বলিয়া হাসিয়া মালা লইয়া চলিয়া গেল। কবাটের কাছে আসিয়া দেখিল, শেখর একমনে চিঠি লিখিতেছে; দোর খুলিয়া পিছনে আসিয়া দাঁড়াইল, তাতেও শেখর টের পাইল না। তখন ক্ষণকাল চুপ করিয়া থাকিয়া তাহাকে চমকিত করিয়া দিবার অভিপ্রায়ে সে মালা ছড়াটা সাবধানে শেখরের মাথা গলাইয়া গলায় ফেলিয়া দিয়াই চোকির পিছনে বসিয়া পড়িল।

শেখর প্রথমটা চমকিয়া উঠিয়া বলিল, এই কালী! পরক্ষণেই ঘাড় ফিরাইয়া দেখিয়া ভয়ানক গম্ভীর হইয়া বলিল, ও কি করলে ললিতা!

ললিতা উঠিয়া দাঁড়াইয়া শেখরের মুখের ভাবে ঈষৎ শঙ্কিত হইয়া বলিল, কেন, কি?

শেখর পূর্ণমাত্রায় গাভীরা বজায় রাখিয়া বলিল, জান না কি ? কালীকে জিজ্ঞেস ক'রে এসো, আজকের রাত্তিরে গলায় মালা পরিয়ে দিলে কি হয় ।।

এখন ললিতা বুঝিল । চক্ষের নিমিষে তাহার সমস্ত মুখ লজ্জায় রাঙা হইয়া উঠিল, সে—না কক্ষণ না, না, বলিতে বলিতে ছুটিয়া ঘর হইতে বাহির হইয়া গেল ।

শেখর ডাকিয়া বলিল, যেয়ো না ললিতা, শুনে যাও—কাজ আছে—

শেখরের ডাক তাহার কানে গেল বটে, কিন্তু শুনিবে কে ? কোথাও সে খামিতে পারিল না, দৌড়িয়া আসিয়া নিজের ঘরের মধ্যে ঢুকিয়া একেবারে চোখ বুজিয়া বিছানায় শুইয়া পড়িল ।

এই পাঁচ-ছয় বৎসর ধরিয়া সে শেখরের ঘনিষ্ঠ সংস্রবে মানুষ হইয়া উঠিয়াছে, কিন্তু কোনও দিন এমন কথা শোনে নাই ! একে ত গভীর প্রকৃতি শেখর কখনই তাহাকে পরিহাস করিত না, করিলেও এত বড় লজ্জাকর পরিহাস যে তাহার মুখ দিয়া বাহির হইতে পারে ইহা সে ত কল্পনা করিতে পারিত না । লজ্জায় সঙ্কুচিত হইয়া মিনিট-কুড়ি পড়িয়া থাকিয়া সে উঠিয়া বসিল । অথচ শেখরকে সে মনে মনে ভয় করিত, তিনি বিশেষ কাজ আছে বলিয়া ডাকিয়াছিলেন, তাই, যাইবে কিনা ইহাই ললিতা উঠিয়া বসিয়া ভাবিতেছিল । ও-বাড়ির ঝর গলা শোনা গেল, ললিতাদিদি কোথায় গা, ছোটবাবু একবার ডাকচেন—

ললিতা বাহিরে আসিয়া মুহূর্ত্তেরে বলিল, যাচ্ছি যাও । উপরে আসিয়া কবার্ট ফাঁক করিয়া দেখিল শেখর তখনও চিঠি লিখিতেছে । কতক্ষণ চুপ করিয়া থাকিয়া আস্তে আস্তে বলিল, কেন ?

শেখর লিখিতে লিখিতে বলিল, হঠাৎ কি একটা কাজ ক'রে ফেললে বল ত ?

ললিতা রুটভাবে বলিল, যাও—আবার !

শেখর মুখ ফিরাইয়া বলিল, আমার দোষ কি ! তুমিই ত ক'রে গেলে—

কিছু করি নি—তুমি এটা ফিরিয়ে দাও।

শেখর কহিল, সেই জন্তেই ত ডেকে পাঠিয়েছি ললিতা। কাছে এসো, ফিরিয়ে দিচ্ছি। তুমি অর্ধেকটা করে গেছে, স'রে এসো, আমি সেটা সম্পূর্ণ করে দি।

ললিতা দ্বারের অন্তরালে ক্ষণকাল মৌনভাবে থাকিয়া বলিল, সত্যি বলছি তোমাকে, ওরকম ঠাট্টা করলে আর কোন দিন তোমার সামনে আসব না—বল্‌চি, এটা ফিরিয়ে দাও।

শেখর টেবিলের দিকে মুখ ফিরাইয়া মালাটা তুলিয়া লইয়া বলিল, নিয়ে যাও ?

তুমি এখান থেকে ছুঁড়ে দাও।

শেখর ঘাড় নাড়িয়া বলিল, কাছে না এলে পাবে না।

তবে, আমার কাজ নেই, বলিয়া ললিতা রাগ করিয়া চলিয়া গেল।

শেখর চেষ্টাইয়া বলিল, কিন্তু অর্ধেকটা হ'য়ে থাকলে—

থাকে থাক, বলিয়া ললিতা যথার্থ-ই রাগ করিয়া চলিয়া গেল।

সে চলিয়া গেল বটে, কিন্তু নিচে গেল না। পূর্বদিকে খোলা ছাদের একান্তে গিয়া রেলিঙ ধরিয়া চূপ করিয়া দাঁড়াইল। তখন সম্মুখের আকাশে চাঁদ উঠিয়াছিল এবং শীতল পাণ্ডুর জ্যোৎস্নায় চারিদিক ভাসিয়া যাইতেছিল। উপরে স্বচ্ছ নির্মল নীলাকাশ। সে একবার শেখরের ঘরের দিকে দৃষ্টি নিক্ষেপ করিয়া উর্দ্ধমুখে চাহিয়া রহিল। এইবার স্তাহার চোখ জ্বালা করিয়া লজ্জায়, অভিমানে হুই চোখ জলে ভরিয়া গেল। সে এত ছোট নহে যে, এ সব কথা তাৎপর্য সম্পূর্ণ হৃদয়ঙ্গম করিতে পারে না, তবে কেন তাহাকে এমন মর্মান্তিক উপহাস করা ! সে

যে কত তুচ্ছ, কত নিচে, এ কথা বুঝিবার তাহার যথেষ্ট বয়স হইয়াছে। সে ঠিক জানে, সে অনাথ এবং নিরুপায় বলিয়া তাহাকে সবাই আদর ও যত্ন করে—শেখরও করে, তাহার জননীও করেন। তাহার আপনার বলিতে কেহ নাই, সত্যকার দায়িত্ব তাহার কাহারও উপর নির্ভর করে না বলিয়াই গিরীন সম্পূর্ণ পর হইয়াও তাহাকে উদ্ধার করিয়া দিবার কথা তুলিতে পারিয়াছেন।

ললিতা চোখ মুদিয়া মনে মনে বলিল, এই কলিকাতার সমাজে তাহার মামার অবস্থা ত শেখরদের কত নিচে, সে আবার সেই মামার আশ্রিত গলগ্রহ। শুদিকে সমান ঘরে শেখরের বিবাহের কথাবার্তা চলিতেছে, দুদিন আগেই হোক, পাঁচুই হোক, সেই ঘরেই একদিন হইবে। এই বিবাহ উপলক্ষে নবীন রায় কত টাকা আদায় করিবেন সে সব আলোচনাও সে শেখরের জননীর কাছে শুনিয়াছে।

তবে, কেন তাহাকে হঠাৎ আজ এমন করিয়া শেখরদা অপমান করিয়া বসিল! এই সব কথা ললিতা স্নমুখের দিকে শূন্যদৃষ্টিতে চাহিয়া নিজের মনে মগ্ন হইয়া আলোচনা করিতেছিল, সহসা চমকিয়া মুখ ফিরাইয়া দেখিল শেখর নিঃশব্দে হাসিতেছে। ইতিপূর্বে যে মালাটা সে শেখরের গলায় পরাইয়া দিয়াছিল, ঠিক সেই উপায়ে সেই গাঁদা ফুলের মালাটা তাহার নিজের গলায় ফিরিয়া আসিয়াছে। কান্নায় তাহার কণ্ঠ রুদ্ধ হইয়া আসিতে লাগিল, তবু সে জোর করিয়া বিকৃতস্বরে বলিল, কেন এমন করলে?

তুমি করেছিলে কেন?

আমি কিছু করি নি, বলিয়াই সে মালাটা টান মারিয়া ছিঁড়িয়া ফেলিবার জন্য হাত দিয়াই হঠাৎ শেখরের চোখের দিকে চাহিয়া থামিয়া গেল। আর ছিঁড়িয়া ফেলিতে সাহস করিল না, কিন্তু কাঁদিয়া বলিল, আমার কেউ নেই বলেই ত তুমি এমন ক'রে আমাকে অপমান কর্চ!

শেখর এতক্ষণ মুহু মুহু হাসিতেছিল, ললিতার কথা শুনিয়া অবাক হইয়া গেল। এ ত ছেলেমানুষের কথা নয়! কহিল, আমি অপমান করুচি, না তুমি আমাকে অপমান করুচ ?

ললিতা চোখ মুছিয়া ভয়ে ভয়ে বলিল, আমি কৈ অপমান করলুম ?

শেখর ক্ষণকাল স্থির থাকিয়া সহজভাবে বলিল, এখন একটু ভেবে দেখলেই টের পাবে। আজকাল বড় বাড়াবাড়ি কচ্ছিলে ললিতা, আমি বিদেশে যাবার আগে সেইটেই তোমার বন্ধ ক'রে দিলুম। বলিয়া চুপ করিল।

ললিতা আর প্রত্যুত্তর করিল না, মাথা হেঁট করিয়া দাঁড়াইয়া রহিল। পরিপূর্ণ জ্যোৎস্নাতলে দুজনাই স্তব্ধ হইয়া রহিল। শুধু, নিচে হইতে কালীর মেয়ের বিয়ের শাঁখের শব্দ ঘন ঘন শোনা যাইতে লাগিল।

কিছুক্ষণ মৌন থাকিয়া শেখর কহিল, আর হিমে দাঁড়িয়ে থেক না নিচে যাও।

যাচ্ছি, বলিয়া ললিতা এতক্ষণ পরে তাহার পায়ের নিচে গড় হইয়া প্রণাম করিয়া উঠিয়া দাঁড়াইয়া আস্তে আস্তে জিজ্ঞাসা করিল, আমি কি করুব বলে দিয়ে যাও।

শেখর হাসিল। একবার একটু দ্বিধা করিল, তার পর দুই হাত বাড়াইয়া তাহাকে বুকের উপর টানিয়া আনিয়া নত হইয়া তাহার অধরে ওষ্ঠাধর স্পর্শ করিয়া বলিল, কিছুই বলে দিতে হবে না ললিতা, আজ থেকে আপনিই বুঝতে পারবে!

ললিতার সর্বশরীর রোমাঞ্চিত হইয়া কাঁপিয়া উঠিল। সে সরিয়া দাঁড়াইয়া বলিল, আমি হঠাৎ তোমার গলায় মালা পরিয়ে দিলে ফেলেচি বলেই কি তুমি এ রকম করলে ?

শেখর হাসিয়া মাথা নাড়িয়া বলিল, না। আমি অনেক দিন ধরে দড়ি ভাব চি, কিন্তু স্থির করে উঠতে পারি নি। আজ স্থির করেছি, আর

আজই ঠিক বুঝতে পেরেছি তোমাকে ছেড়ে থাকতে পারব না।

ললিতা বলিল, কিন্তু তোমার বাবা শুনলে ভয়ানক রাগ করবেন, মা শুনলে দুঃখ করবেন—এ হবে না শে—

বাবা শুনলে রাগ করবেন সত্যি, কিন্তু মা খুব খুসী হবেন। সে যাই হোক, যা হবার হ'য়ে গেছে—এখন তুমিও ফেরাতে পার না, আমিও পারি নে। যাও নিচে গিয়ে মাকে প্রণাম কর গে।

অষ্টম পরিচ্ছেদ

মাস-তিনেক পরে একদিন গুরুচরণ স্নান-মুখে নবীন রায়ের ঘরে ঢুকিয়া ফরাসের উপর বসিবার উপক্রম করিতেই তিনি চীংকার করিয়া নিষেধ করিলেন, না না না, এখানে নয়—ঐ চৌকির উপর বোস গিয়ে।
আমি অসময়ে আবার স্নান করিতে পারব না—বলি জাত দিয়েছ না কি হে?

গুরুচরণ দূরে একটা চৌকীর উপর বসিয়া পড়িয়া মাথা হেঁট করিয়া রহিল। দিন-চারেক পূর্বে সে যথারীতি দীক্ষা গ্রহণ করিয়া ব্রাহ্ম হইয়াছিল, আজ সেই সংবাদটা নানা বর্ণে বিচিত্র হইয়া গোঁড়া হিন্দু নবীনের প্রতিগোচর হইয়াছে। নবীনের চোখ দিয়া অগ্নিস্থলিঙ্গ বাহির হইতে লাগিল, কিন্তু গুরুচরণ তেমনি মৌন নত-মুখে বসিয়া রহিল। সে কাহাকেও কোন কথা জিজ্ঞাসা না করিয়া কাজটা করিয়া অবধি বাড়িতে কান্নাকাটি এবং অশান্তির পরিসীমা ছিল না।

নবীন পুনরায় তর্জ্জন করিয়া উঠিলেন, বল না হে, সত্যি কি না?

গুরুচরণ জলভারাক্রান্ত দুই চক্ষু তুলিয়া বলিল, আজ্ঞে, সত্যি।

কেন এমন কাজ করলে? তোমার মাইনে ত মোটে ষাটটি টাকা, তুমি—ক্রোধে নবীন রায়ের মুখ দিয়া কথা বাহির হইল না।

গুরুচরণ চোখ মুছিয়া, রুদ্ধ কণ্ঠ পরিষ্কার করিয়া লইয়া বলিল, জ্ঞান ছিল না দাদা। দুঃখের জ্বালায় গলাতেই দড়ি দেব, কি ব্রহ্মজ্ঞানীই হব, কিছুই ঠাওরাতে পাচ্ছিলুম না। শেষে ভাবলুম আত্মঘাতী না হ'য়ে ব্রহ্মজ্ঞানী হই, তাই, ব্রহ্মজ্ঞানীই হয়ে গেলুম।

গুরুচরণ চোখ মুছিতে মুছিতে বাহির হইয়া গেল।

নবীন চীংকার করিয়া বলিলেন, বেশ করেচ। নিজের গলায় দড়ি না দিতে পেরে জাতের গলায় দড়ি টাঙিয়ে দিয়েছ—আচ্ছা যাও, আর

আমাদের সামনে কালামুখ বা'র ক'রো না, এখন যাঁরা সব মস্ত্রী হয়েচেন, তাঁদের সঙ্গেই থাক গে—মেয়েদের হাড়ি-মুচির ঘরে দাও গে যাও, বলিয়া বিদায় করিয়া দিয়া তিনি মুখ ফিরাইয়া বসিলেন।

নবীন রাগে অভিমানে কি যে করিবেন প্রথমটা কিছুই ভাবিয়া পাইলেন না। গুরুচরণ হাতের ভিতর হইতে সম্পূর্ণ বাহির হইয়া গিয়াছে, আর শীঘ্র মুঠার মধ্যে আসিবে এ সম্ভাবনাও নাই—তাই নিষ্ফল আক্রোশে ছট্‌ফট্‌ করিয়া আপাততঃ জব্দ করিবার আর কোন ফন্দি খুঁজিয়া না পাইয়া সেই দিনই মিস্ত্রী ডাকিয়া ছাদের যাতায়াতের পথটা বন্ধ করিয়া একটা মস্ত প্রাচীর তুলিয়া দিলেন।

এই সংবাদ বহুদূর প্রবাসে বসিয়া ভুবনেশ্বরী শেখরের মুখে শুনিয়া কাঁদিয়া ফেলিলেন।—শেখর এ মতিবুদ্ধি কে দিলে তাকে ?

মতিবুদ্ধি কে দিয়াছিল শেখর তাহা নিশ্চয় অনুমান করিয়াছিল। সে উল্লেখ না করিয়া বলিল, কিন্তু মা, দুদিন পরে তোমরাই ত তাঁকে এক-ঘরে ক'রে রাখতে ! এতগুলি মেয়ের বিয়ে তিনি কি ক'রে দিতেন আমি ত ভেবে পাই নে।

ভুবনেশ্বরী ঘাড় নাড়িয়া বলিলেন, কিছুই আটকে থাকে না শেখর ? আর সেজন্ত আগে থেকে জাত দিতে হ'লে অনেককেই দিতে হয়। ভগবান যাদের সংসারে পাঠিয়েছেন তিনিই তাদের ভার নিতেন। শেখর চুপ করিয়া রহিল। ভুবনেশ্বরী চোখ মুছিয়া বলিলেন, আমার ললিতা মেয়েটাকে যদি সঙ্গে আনতুম তা হ'লে যা হয় একটা উপায় আমাকে ক'রে দিতে হ'ত—দিতামও। আমি ত জানি নে গুরুচরণ এই সব মংলব ক'রেই পাঠিয়ে দিলে না। আমি মনে ক'রেছিলুম বুঝি সত্যিই তার বিয়ের সম্বন্ধ হচ্ছে।

শেখর মায়ের মুখের দিকে চাহিয়া একটুখানি লজ্জিতভাবে বলিল, বেশ ত মা, এখন বাড়ি গিয়ে তাই কর না কেন ! সে ত আর ব্রাহ্ম

হয় নি—তার মামাই হয়েছে—আর তিনিও কিছু তার যথার্থ আপনার কেউ নন। ললিতার কেউ নেই ব'লেই তাঁর ঘরে মাহুয হচ্ছে।

ভুবনেশ্বরী ভাবিয়া বলিলেন, তা বটে, কিন্তু কর্তা এক রকমের মাহুয, তিনি কিছুতেই রাজী হবেন না। হয় ত তাদের সঙ্গে দেখা-সাক্ষাৎ পর্য্যন্ত করতে দেবেন না।

শেখরের নিজের মনেও এই আশঙ্কা যথেষ্ট ছিল, সে আর কিছু না বলিয়া চলিয়া গেল।

ইহার পরে আর এক মিনিটও তাহার বিদেশে থাকিতে ইচ্ছা রহিল না। দু-তিন দিন চিন্তিত অপ্রসন্নমুখে এদিকে ওদিকে ঘুরিয়া বেড়াইয়া একদিন সন্ধ্যার সময় আসিয়া বলিল, আর ভাল লাগ্চে না মা, চল বাড়ি যাই।

ভুবনেশ্বরী তৎক্ষণাৎ সম্মত হইয়া বলিলেন, তাই চল শেখর, আমারও কিছু ভাল লাগ্চে না।

বাড়ি ফিরিয়া আসিয়া মাতাপুত্র উভয়েই দেখিলেন, ছাদের সেই যাতায়াতের পথটা বন্ধ করিয়া প্রাচীর উঠিয়াছে। গুরুচরণের সহিত আর কোন সম্পর্ক রাখা, এমন কি, মুখের আলাপ রাখাও যে কর্তার অভিপ্রেত নয় তাহা কাহাকেও না জিজ্ঞাসা করিয়াই উভয়ে বুঝিলেন।

রাত্রে শেখরের আহ্বারের সময় মা উপস্থিত ছিলেন, দুই একটা কথার পরে বলিলেন, ওদের গিরীনবাবুর সঙ্গেই ললিতার বিয়ে দেবার কথাবার্তা হচ্ছে। আমি তা আগেই বুঝেছিলাম।

শেখর মুখ না তুলিয়াই জিজ্ঞাসা করিল, কে বললে?

ওর মামি! দুপুর-বেলা কর্তা ঘুমোলে আমি নিজেই গিয়ে দেখা করে এসেছি। সেই অবধি কেঁদে কেঁদে চোখ মুখ ফুলিয়ে ফেললে। কণকাল মৌন থাকিয়া তিনি নিজের চোখ দুটি আঁচলে মুছিয়া ফেলিয়া বলিলেন, কপাল, শেখর কপাল। এই কপালের লেখা কেউ খণ্ডাতে

পারে না—কার আর দোষ দিই বল! যাই হোক, গিরীন ছেলোট ভাল, সঙ্গতিও আছে, ললিতার কষ্ট হবে না, বলিয়া চুপ করিলেন।

প্রত্যন্তরে শেখর কোন কথাই বলিল না—মুখ নিচু করিয়া খাবার-গুলা হাত দিয়া নাড়া-চাড়া করিতে লাগিল। পানিক পরে মা উঠিয়া গেলে সেও উঠিয়া গিয়া হাত-মুখ ধুইয়া বিছানায় শুইয়া পড়িল।

পরদিন সন্ধ্যার পর একটুখানি ঘুরিয়া আসিবার জন্ত সে পথে বাহির হইয়াছিল। তখন গুরুচরণের বাহিরের ঘরে প্রাত্যহিক চা পানের সভা বসিয়াছিল এবং যথেষ্ট উৎসাহের সহিত হাসি এবং কথাবার্তা চলিতেছিল। তথাকার কোলাহল শেখরের কানে যাইবামাত্র সে একবার স্থির হইয়া কি ভাবিল, তার পর ধীরে ধীরে বাড়ি ঢুকিয়া সেই শব্দ অহুসরণ করিয়া গুরুচরণের বাহিরের ঘরে আসিয়া দাঁড়াইল। তৎক্ষণাৎ কলরব থামিল এবং তাহার মুখের দিকে চাহিয়া সকলেরই মুখের ভাব পরিবর্তিত হইয়া গেল।

শেখর ফিরিয়া আসিয়াছিল এ সংবাদ ললিতা ছাড়া আর কেহ জানিত না। আজ গিরীন এবং আরও একজন ভদ্রলোক উপস্থিত ছিলেন, তিনি বিস্মিত মুখে শেখরের প্রতি চাহিয়া রইলেন এবং গিরীন মুখ অত্যন্ত গম্ভীর করিয়া দেওয়ালের দিকে তাকাইয়া রহিল। সর্কাপেক্ষা অধিক টেচাইতে ছিলেন গুরুচরণ নিজে, তাঁহার মুখ একেবারে পাণ্ডুর হইয়া গেল। তাঁহার হাতের কাছে বসিয়া ললিতা তখনও চা তৈরী করিতেছিল একবার মুখ তুলিয়া চাহিয়া মাথা হেঁট করিল।

শেখর সরিয়া আসিয়া তক্তপোষের উপর মাথা ঠেকাইয়া প্রণাম করিল এবং একধারে বসিয়া পড়িয়া হাসিয়া বলিল, এ কি, একেবারে সমস্ত নিবে গেল যে!

গুরুচরণ মুহূর্ত্তে বোধ করি আশীর্বাদ করিলেন, কিন্তু কি বলিলেন বোঝা গেল না।

তাঁহার মনের ভাব শেখর বুঝিল, তাই সময় দিবার জন্ত নিজের কথা

পাড়িল। কাল সকালের গাড়ীতে ফিরিয়া আসিবার কথা, জননীর রোগ উপশম হইবার কথা, পশ্চিমের কথা, আরও কত কি সংবাদ অনর্গল বকিয়া গিয়া শেষে সেই অপরিচিত যুবকটির মুখের দিকে চাহিল।

গুরুচরণ এতক্ষণে নিজেকে কতকটা সামলাইয়া লইয়াছিলেন; ছেলেটির পরিচয় দিয়া বলিলেন, ইনি আমাদের গিরীনের বন্ধু। এক জায়গায় বাড়ি, একত্রে লেখাপড়া শেখা, অতি সং ছেলে—শ্রাম-বাজারে থাকেন, তবুও আমার সঙ্গে আলাপ হওয়া পর্য্যন্ত প্রায়ই এসে দেখা-সাক্ষাৎ করে যান।

শেখর ঘাড় নাড়িয়া মনে মনে বলিল, হাঁ, খুব ভাল ছেলে। কতক্ষণ চুপ করিয়া থাকিয়া বলিল, কাকা, আর সব খবর ভাল ত ?

গুরুচরণ জবাব দিলেন না; মাথা হেঁট করিয়া রহিলেন। শেখর উঠিবার উপক্রম করিতেই হঠাৎ কঁাদ কঁাদ স্বরে বলিয়া উঠিলেন, মাঝে মাঝে এসো, বাবা, একেবারে যেন ত্যাগ করে না। সব কথা শুনেচ ত ?

শুনিচি বৈকি, বলিয়া শেখর অন্তরের দিকে চলিয়া গেল।

তার পরেই ভিতর হইতে গৃহিণীর কান্নার শব্দ উঠিল, বাহিরে বসিয়া গুরুচরণ হেঁটমুখে কোঁচার খুঁট দিয়া নিজের চোখের জল মুছিতে লাগিলেন এবং গিরীন অপরাধীর মত মুখ করিয়া জানালার বাহিরে চাহিয়া চুপ করিয়া রহিল। ললিতা পূর্বেই উঠিয়া গিয়াছিল।

কিছুক্ষণ পরে শেখর রান্নাঘর হইতে বাহির হইয়া বারান্দা পার হইয়া উঠানে নামিতে গিয়া দেখিল, অন্ধকার কপাটের আড়ালে ললিতা দাঁড়াইয়া আছে। সে ভূমিষ্ট হইয়া প্রণাম করিল এবং দাঁড়াইয়া উঠিয়া বুকের একান্ত সন্নিকটে সরিয়া আসিয়া মুখ তুলিয়া মুহূর্তকাল নিঃশব্দে কি যেন আশা করিয়া রহিল, তার পর পিছাইয়া গিয়া চুপি চুপি বলিল, আমার চিঠির জবাব দিলে না কেন ?

কৈ, আমি ত চিঠি পাই নি—কি লিখেছিলে ?

ললিতা বলিল, অনেক কথা। সে যাক। সব শুনেচ ত, এখন তোমার কি হুকুম, তাই বল।

শেখর বিস্ময়ের স্বরে কহিল, আমার হুকুম! আমার হুকুমে কি হবে?

ললিতা শঙ্কিত হইয়া মুখপানে চাহিয়া জিজ্ঞাসা করিল, কেন?

তা বই কি ললিতা। আমি কার ওপর হুকুম দেব?

আমার ওপর, আর কার ওপর দিতে পার?

তোমার ওপরেই বা দেব কেন? আর দিলেই বা তুমি শুনবে কেন? শেখরের কণ্ঠস্বর গভীর, ঈষৎ করুণ।

এবার ললিতা মনে মনে অত্যন্ত ভয় পাইয়া, আর একবার কাছে সরিয়া আসিয়া কঁাদ কঁাদ গলায় বলিল, যাও—এখন আমার তামাসা ভাল লাগছে না। পায়ে পড়ি কি হবে বল? ভয়ে রাক্তিরে আমার ঘুম হয় না।

ভয় কিসের?

বেশ যা হোক। ভয় হবে না, তুমি কাছে নেই, মা কাছে নেই, মাঝে থেকে মামা কি সব কাণ্ড ক'রে ব'সলেন—এখন মা যদি আমাকে ঘরে নিতে না চান?

শেখর ক্ষণকাল চুপ করিয়া থাকিয়া বলিল, সে সত্যি, মা নিতে চাইবেন না। তোমার মামা অপরের কাছে অনেক টাকা নিয়েচেন, সে কথা তিনি শুনেচেন। তা ছাড়া এখন তোমরা ব্রাহ্ম আমরা হিন্দু।

আম্নাকালী এই সময়ে রান্নাঘর হইতে ডাক দিল, সেজদি, মা ডাক্চেন।

ললিতা টেঁচাইয়া বলিল, যাচ্ছি, তার পর গলা খাট করিয়া বলিল, মা বাই হোন, তুমি যা আমিও তাই। মা তোমাকে যদি ফেলতে না


পারেন আমাকেও ফেলবেন না। আর গিরীনবাবুর কাছে টাকা নেবার কথা বলচ—তা সে আমি ফিরিয়ে দেব। আর ঋণের টাকা দুদিন আগেই হোক, পিছনেই হোক দিতেই ত হবে!

শেখর প্রশ্ন করিল, অত টাকা পাবে কোথায়?

ললিতা শেখরের মুখের পানে একটবার চোখ তুলিয়া মুহূর্তকাল মৌন থাকিয়া বলিল, জান না, মেয়েমানুষে কোথায় টাকা পায়? আমিও সেইখানে পাব।

এতক্ষণ শেখর সংযত হইয়া কথা কহিতে থাকিলেও ভিতরে পুড়িতেছিল, এবার বিক্রপ করিয়া বলিল, কিন্তু তোমার মামা তোমাকে বিক্রী ক'রে ফেলেচেন যে!

ললিতা অন্ধকারে শেখরের মুখের ভাব দেখিতে পাইল না, কিন্তু কণ্ঠস্বরের পরিবর্তন টের পাইল। সে দৃঢ়স্বরে জবাব দিল, ও-সব মিছে কথা। আমার মামার মতন মানুষ সংসারে নেই—তাকে তুমি ঠাট্টা ক'রো না। তাঁর দুঃখ-কষ্ট তুমি না জানতে পার, কিন্তু পৃথিবী-স্বল্প লোক জানে, বলিয়া একবার ঢোক গিলিয়া একবার ইতস্ততঃ করিয়া শেষে বলিল, তা ছাড়া তিনি টাকা নিয়েচেন আমার বিয়ে হবার পরে, স্তব্রাং আমাকে বিক্রী করবার অধিকার তাঁর নেই, বিক্রীও করেন নি। এ অধিকার আছে শুধু তোমারি, তুমি ইচ্ছে করলে টাকা দেবার ভয়ে আমাকে বিক্রী ক'রে ফেলতে পার বটে! বলিয়া উত্তরের জন্ত অপেক্ষা না করিয়াই দ্রুতপদে চলিয়া গেল।



নবম পরিচ্ছেদ

সে রাত্রে বহুক্ষণ পর্য্যন্ত শেখর বিহ্বলের মত পথে পথে ঘুরিয়া ঘরে ফিরিয়া আসিয়া ভাবিতেছিল সেদিনকার এক-ফোঁটা ললিতা এত কথা শিখিল কিরূপে? এমন নির্লজ্জ মুখরার মত তাহার মুখের উপর কথা কহিল কি করিয়া?

আজ সে ললিতার ব্যবহারে সত্যই অত্যন্ত বিস্মিত ও ক্রুদ্ধ হইয়াছিল। কিন্তু এই ক্রোধের যথার্থ হেতুটা কি এ যদি শাস্ত হইয়া ভাবিয়া দেখিত, দেখিতে পাইত রাগ ললিতার উপরে নহে তাহা সম্পূর্ণ নিজেদের উপরেই।

ললিতাকে ছাড়িয়া এই কয়টা মাসের প্রবাসবাসকালে সে নিজের কল্পনায় নিজেকে আবদ্ধ করিয়া শুধু কাল্পনিক সুখ-দুঃখ লাভ-ক্ষতিই খতাইয়া দেখিত। কিন্তু ললিতা আজ যে তাহার জীবনের কতখানি, ভবিষ্যতের সহিত কিরূপ অচ্ছেদ্য-বন্ধনে গ্রথিত, তাহার অবর্তমানে বাঁচিয়া থাকা কত কঠিন, কত দুঃখকর, বিছানায় শুইয়া এই কথাই সে বার বার আলোচনা করিতে লাগিল। ললিতা শিশুকাল হইতে নিজেদের সংসারে মিশিয়াছিল বলিয়াই তাহাকে বিশেষ করিয়া আর সে সংসারের ভিতরে, বাপ-মা ভাই-বোনের মাঝখানে নামাইয়া আনিয়া দেখে নাই, দেখিবার কথাও মনে করে নাই। ললিতাকে হয়ত পাওয়া যাইবে না, পিতা-মাতা এ বিবাহে সম্মতি দিবেন না, হয়ত সে অপর ক্রাহীরও হইবে, দুঃশিস্তা তাহার বরাবর এই ধার বহিয়াই চলিয়াছিল, তাই বিদেশে যাইবার পূর্বের রাত্রে জোর করিয়া গলায় মালা পরাইয়া দিয়া সে এই দিকের ভাঙনটার মুখেই বাঁধ বাঁধিয়া গিয়াছিল।

প্রবাসে থাকিয়া গুরুচরণের ধর্মমত পরিবর্তনের সংবাদ শুনিয়া সে ব্যাকুল হইয়া অহর্নিশ এই চিন্তাই করিয়াছিল পাছে ললিতাকে হারাইতে হয়। সুখের হোক দুঃখের হোক ভাবনার এই দিকটা তাহার

পরিচিত ছিল, আজ ললিতার স্পষ্ট কথা এই দিকটা সজ্ঞাবে বন্ধ করিয়া দিয়া ভাবনার ধারা একেবারে উল্টাশ্রোতে বহাইয়া দিয়া গেল। তখন চিন্তা ছিল, পাছে না পাওয়া যায়, এখন ভাবনা হইল, পাছে না ছাড়া যায়।

শ্রামবাজারের সম্বন্ধটা ভাঙিয়া গিয়াছিল। তাঁহারাও অত টাকা দিতে শেষ পর্যন্ত পিছাইয়া দাঁড়াইলেন। শেখরের জননীরাও মেয়েটি মনঃপুত হইল না। সুতরাং এই দায় হইতে শেখর আপাততঃ অব্যাহতি লাভ করিয়াছিল বটে, কিন্তু নবীন রায় দশ-বিশ হাজারের কথা বিন্মত হন নাই এবং সে পক্ষে নিশ্চেষ্ট হইয়াও ছিলেন না।

শেখর ভাবিতেছিল, কি করা যায়! সে রাত্রির সেই কাজটা যে এতবড় গুরুতর হইয়া উঠিবে, ললিতা যে এমন অসংশয়ে বিশ্বাস করিয়া লইবে তাহার সত্যই বিবাহ হইয়া গিয়াছে এবং ধর্ম্মতঃ কোন কারণেই ইহার আর অণুখা হইতে পারে না, সেদিন এত কথা শেখর ভাবিয়া দেখে নাই। যদিও নিজের মুখেই উচ্চারণ করিয়াছিল, যা হইবার হইয়াছে, এখন তুমিও ফিরাইতে পার না, আমিও না, কিন্তু তখন, আজ যেমন করিয়া সে সমস্তটা ভাবিয়া দেখিতেছে তেমন করিয়া ভাবিয়া দেখিবার শক্তিও ছিল না, বোধ করি, অবসরও ছিল না।

তখন মাথার উপর চাঁদ উঠিয়াছিল, জ্যোৎস্নায় চারিদিক ভাসিয়া গিয়াছিল, গলায় মালা হুলিয়াছিল, প্রিয়তমার বক্ষস্পন্দন নিজের বুক পাতিয়া প্রথম অনুভবের মোহ ছিল এবং প্রণয়ীরা যাহাকে অধরহুখা বলিয়াছেন, তাহাই পান করার অতি তীব্র নেশা ছিল। তখন স্বার্থ এবং সাংসারিক ভালমন্দ মনে পড়ে নাই, অর্থলোলুপ পিতার রুদ্র-মূর্তি চোখের উপর জাগিয়া উঠে নাই। ভাবিয়াছিল, মা ত ললিতাকে স্নেহ করেন, তখন তাঁহাকে সন্তুষ্ট করানো কঠিন হইবে না এবং দাদাকে দিয়া পিতাকে কোন মতে কোমল করিয়া

আনিতে পারিলে শেষ পর্য্যন্ত হয় ত কাজটা হইয়াই যাইবে। তা ছাড়া, গুরুচরণ এই ভাবে তখন নিজেকে বিচ্ছিন্ন করিয়া তাহাদের আশার পথটা পাথর দিয়া এমন ভাবে আঁটিয়া বন্ধ করেন নাই। এখন যে বিধাতাপুরুষ নিজে মুখ ফিরাইয়া বসিয়াছেন।

বস্তুতঃ শেখরের চিন্তা করিবার বিশেষ কিছু ছিল না। সে নিশ্চয় বুঝিতেছিল পিতাকে সম্মত করানো ত ঢের দূরের কথা, জননীকে সম্মত করানোও সম্ভব নহে। একথা যে আর মুখে আনিবারও পথ নাই।

শেখর দীর্ঘনিশ্বাস ফেলিয়া আর একবার অশ্রুটে আবৃত্তি করিল, কি করা যায়! সে ললিতাকে বেশ চিনিত, তাহাকে নিজের হাতে মানুষ করিয়াছে—একবার যাহা সে নিজের ধর্ম্ম বলিয়া বুঝিয়াছে, কোন মতেই তাহাকে ত্যাগ করিবে না। সে জানিয়াছে সে শেখরের ধর্ম্মপত্নী, তাই সন্ধ্যার অন্ধকারে অসঙ্কোচে বৃকের কাছে সরিয়া আসিয়া মুখের কাছে মুখ তুলিয়া অমন করিয়া দাঁড়াইতে পারিয়াছিল।

গিরীনের সহিত তাহার বিবাহের কথাবার্ত্তা স্বরূপ হইয়াছে—কিন্তু কেহই তাহাকে ত সম্মত করাইতে পারিবে না! আর ত সে কোন মতেই চুপ করিয়া থাকিবে না! এখন সমস্ত প্রকাশ করিয়া দিবে। শেখরের চোখ-মুখ উত্তপ্ত হইয়া উঠিল। সত্যই ত! সে ত শুধু মালা বদল করিয়াই ক্ষান্ত হয় নাই, তাহাকে বৃকের উপর টানিয়া লইয়া তাহার মুখচুষন করিয়াছিল। ললিতা বাধা দেয় নাই—দোষ নাই বলিয়াই দেয় নাই—ইহাতে তাহার অধিকার আছে বলিয়াই দেয় নাই। এখন এই ব্যবহারের জবাব সে কার কাছে কি দিবে?

পিতা-মাতার অমতে ললিতার সহিত বিবাহ হইতে পারে না, তাহা নিশ্চয়, কিন্তু গিরীনের সহিত ললিতার বিবাহ না হইবার হেতু প্রকাশ পাইবার পর ঘরে-বাহিরে সে মুখ দেখাইবে কি করিয়া?

দশম পরিচ্ছেদ

অসম্ভব বলিয়া শেখর ললিতার আশা একেবারেই ত্যাগ করিয়াছিল। প্রথম ক'টা দিন মনে মনে অত্যন্ত ভয়ে ভয়ে থাকিত, পাছে হঠাৎ সে আসিয়া উপস্থিত হয়, পাছে সব কথা প্রকাশ করিয়া দেয়, পাছে এই সব লইয়া লোকের কাছে জবাবদিহি করিতে হয়। কিন্তু কেহই তাহার কৈকিয়ৎ চাহিল না, কোন কথা প্রকাশ পাইয়াছে কিনা তাহাও বুঝা গেল না, কিংবা সে-বাড়ি হইতে এ-বাড়িতে কেহ আসা-যাওয়া পর্য্যন্ত করিল না। শেখরের ঘরের স্তম্ভে যে খোলা ছাদটা ছিল, তাহার উপরে দাঁড়াইলে ললিতাদের ছাদের সবটুকু দেখা যাইত; পাছে দেখা হয়, এই ভয়ে সে এই ছাদটায় পর্য্যন্ত দাঁড়াইত না। কিন্তু যখন নির্বিঘ্নে একমাস কাটিয়া গেল, তখন সে নিশ্বাস ফেলিয়া মনে মনে বলিল, হাজার হোক মেয়েমানুষের লজ্জা-সম্মান আছে, এ সকল ব্যাপার সে প্রকাশ করিতেই পারে না। সে শুনিয়াছিল, ইহাদের বুক কাটিয়া গেলেও মুখ ফুটিতে চাহে না, এ কথা সে বিশ্বাস করিল এবং সৃষ্টিকর্তা তাহাদের দেহে এই দুর্বলতা দিয়াছেন বলিয়া সে মনে মনে তাঁহার বুদ্ধির প্রশংসা করিল। অথচ শাস্তি পাওয়া যায় না কেন? যখন হইতে সে বুঝিল, আর ভয় নাই, তখন হইতেই এক অভূতপূর্ব ব্যথায় সমস্ত বুক ভরিয়া উঠিতেছে কেন? রহিয়া রহিয়া হৃদয়ের অন্তরতম স্থল পর্য্যন্ত এমন করিয়া নিরাশায়, বেদনায়, আশঙ্কায় কাঁপিয়া উঠে কেন? তবে ত ললিতা কোন কথাই বলিবে না? আর একজনের হাতে সঁপিয়া দিবার সময় পর্য্যন্ত মোন হইয়া থাকিবে। তাহার বিবাহ হইয়া গিয়াছে, সে স্বামীর ঘর করিতে চলিয়া গিয়াছে মনে হইলেও অন্তরে বাহিরে তাহার এমন করিয়া আগুন জলিয়া উঠে কেন?

পূর্বে সে সন্ধ্যার সময় বেড়াইতে বাহির না হইয়া স্তম্ভের খোলা

ছাদটার উপর পাদচারণা করিত, আজও তাহাই করিতে লাগিল, কিন্তু একটি দিনও ও-বাড়ির কাহাকেও ছাদে দেখিতে পাইল না। শুধু একদিন আল্লাকালী কি করিতে আসিয়াছিল কিন্তু তাহার প্রতি দৃষ্টি পড়িতেই চোখ নামাইয়া ফেলিল এবং শেখর তাহাকে ডাকিবে কি'না স্থির করিবার পূর্বেই অদৃশ্য হইয়া গেল। শেখর মনে মনে বুঝিল, তাহার। যে পথ বন্ধ করিয়া প্রাচীর তুলিয়া দিয়াছে ইহার অর্থ ঐ এককোঁটা কাঁালী পর্য্যন্ত জানিয়াছে।

আরও এক মাস গত হইল।

একদিন ভুবনেশ্বরী কথায় কথায় বলিলেন, এর মধ্যে তুই ললিতাটাকে দেখেচিস্ শেখর ?

শেখর ঘাড় নাড়িয়া বলিল, না, কেন ?

মা বলিলেন, প্রায় দুমাস পরে কাল তাকে ছাদে পেয়ে ডাকলুম—মেয়েটা আমার যেন আর এক রকমের হ'য়ে গেছে। রোগা, মুখখানি শুকনো, যেন কত বয়স হয়েছে। এমনি গম্ভীর, কার সাধ্য দেখে বলে চোদ্দ বছরের মেয়ে—তাহার চোখে জল আসিয়া পড়িল। হাত দিয়া মুছিয়া ফেলিয়া ভারি গলায় বলিলেন, পরণের কাপড়খানি ময়লা, আঁচলের কাছে খানিকটা সেলাই-করা ; জিন্সেস করলুম, তোর কাপড় নেই ম'বল্লে ত আছে, কিন্তু বিশ্বাস হয় না। কোন দিনই সে ওর মামা দেওয়া কাপড় পরে না, আমিই দিই, আমিও ত ছ-সাত মাস কিছু দিই নি। তিনি আর বলিতে পারিলেন না, আঁচল দিয়া চোখ মুছিতে লাগিলেন—ললিতাকে যথার্থ-ই তিনি নিজের মেয়ের মত ভালবাসিতেন।

শেখর আর একদিকে চাহিয়া নিঃশব্দে বসিয়া রহিল।

অনেকক্ষণ পরে তিনি পুনরায় বলিলেন, আমি ছাড়া কোন দিন সে কারো কাছে কিছু চাইতেও পারে না। অসময়ে ক্রিদে পেলো বাড়িতে মুখ ফুটে বলতে পারে না, সেও আমি—ঐ আমার কাছে কাছে যুবু

বেড়াতো—আমি তার মুখ দেখলেই টের পেতুম। আমার সেই কথাই মনে হয় শেখর, হয়ত মুখ শুকিয়ে শুকিয়ে বেড়ায়, কেউ তাকে বোঝেও না, জিজ্ঞেসও করে না। আমাকে ত শুধু সে মা বলেই ডাকে না, মায়ের মত ভালও বাসে যে।

শেখর সাহস করিয়া মায়ের মুখের দিকে চোখ ফিরাইতে পারিল না। যেদিকে চাহিয়াছিল, সেইদিকে চাহিয়া থাকিয়াই কহিল, বেশ ত মা, কি তার দরকার, ডেকে জিজ্ঞেস ক'রে দাও না কেন ?

নেবে কেন ? উনি যাওয়া-আসার পথটা পর্যন্ত বন্ধ ক'রে দিলেন। আমিই বা দিতে যাব কোন মুখে ? ঠাকুরপো ছুঁথের জ্বালায় না বুঝে যেন একটা অন্তায় করেচেন, আমরা আপনার লোকের মত কোথায় একটা প্রায়শ্চিত্ত-ট্রায়শ্চিত্ত করিয়ে ঢেকে দেব, তা নয়, একেবারে পর করে দিলুম। আর তাও বলি, এ'র পীড়াপীড়িতেই সে জাত দিয়ে ফেলেছে। কেবল তাগাদা, কেবল তাগাদা—মনের ঘেঁরায় মানুষ সব করতে পারে। বরং আমি ত বলি, ঠাকুরপো ভালই করেছেন। ঐ গিরীন ছেলেটি আমাদের চেয়ে তাঁর ঢের বেশি আপনার, তার সঙ্গে ললিতার বিষে হুঁয়ে গেলে মেয়েটা স্থখে থাকবে তা আমি বল্চি। স্তন্চি, আস্চে আসেই হবে।

হঠাৎ শেখর মুখ ফিরাইয়া প্রশ্ন করিল, আস্চে মাসেই হবে নাকি ?

তাই ত শুনি।

শেখর আর কিছু জিজ্ঞাসা করিল না।

মা কিছুক্ষণ চুপ করিয়া থাকিয়া বলিলেন, ললিতার মুখে শুনলুম, ওর আমার দেহটাও নাকি আজকাল ভাল নেই। না থাকবারই কথা। একে তার নিজের মনেই স্থখ নেই, তাতে বাড়িতে নিত্য কান্নাকাটি—এক মিনিটের তরেও ও-বাড়িতে স্থান্তি নেই।

শেখর চুপ করিয়া শুনিতেছিল, চুপ করিয়াই রহিল।

খানিক পরে মা উঠিয়া গেলে সে বিছানায় আসিয়া শুইয়া পড়িল—
সে ললিতার কথা ভাবিতে লাগিল।

এই গলিটার দুখানা গাড়ীর স্বচ্ছন্দে যাতায়াতের স্থান হয় না।
একখানা গাড়ী খুব একপাশে ঘেঁষিয়া না দাঁড়াইলে আর একটা স্বাইতে
পারে না। দিন-দশেক পরে শেখরের আফিস-গাড়ী গুরুচরণের বাটীর
স্বমুখে বাধা পাইয়া স্থির হইল। শেখর আফিস হইতে ফিরিতেছিল
নামিয়া আসিয়া জিজ্ঞাসা করিয়া জানিল ডাক্তার আসিয়াছেন।

সে কিছুদিন পূর্বে মায়ের কাছে শুনিয়াছিল, গুরুচরণের শরীর ভাল
নাই। তাই মনে করিয়া আর বাড়ি গেল না, সোজা গুরুচরণের শোবার
ঘরে আসিয়া উপস্থিত হইল। তাই বটে। গুরুচরণ নিষ্কর্ষের মত
বিছানায় পড়িয়া আছেন, একপাশে ললিতা এবং গিরীন শুষ্কমুখে বসিয়া
আছে, স্বমুখে চৌকির উপর বসিয়া ডাক্তার রোগ পরীক্ষা করিতেছেন।

গুরুচরণ অশ্রুটস্থরে বসিতে বলিলেন, ললিতা মাথায় আঁচলটা আরো
একটু টানিয়া দিয়া মুখ ফিরাইয়া বসিল।

ডাক্তার পাড়ার লোক, শেখরকে চিনিতেন। রোগ পরীক্ষা করিয়া
ঔষধ ব্যবস্থা করিয়া তাহাকে সঙ্গে লইয়া বাহিরে আসিয়া বসিলেন।
গিরীন পিছনে আসিয়া টাকা দিয়া ডাক্তার বিদায় করিবার সময়, তিনি
বিশেষ করিয়া তাহাকে সতর্ক করিয়া দিলেন যে, রোগ এখনও অধিকদূর
অগ্রসর হয় নাই এই সময়ে বায়ু-পরিবর্তনের নিত্য স্তব্ধ আবশ্যক।

ডাক্তার চলিয়া গেলে উভয়েই আর একবার গুরুচরণের ঘরে আসিয়া
দাঁড়াইলেন।

ললিতা ইসারা করিয়া গিরীনকে একপাশে ডাকিয়া লইয়া গিয়া চুপি
চুপি কথা কহিতে লাগিল, শেখর স্বমুখের চৌকিতে বসিয়া শুক্ক হইয়া
গুরুচরণের দিকে চাহিয়া রহিল। তিনি ইতিপূর্বে ওদিকে মুখ ফিরাইয়া
শুইয়াছিলেন, শেখরের পুনরাগমন জানিতে পারিলেন না।

খানিকক্ষণ চুপ করিয়া বসিয়া থাকিয়া শেখর উঠিয়া গেল, তখনও ললিতা ও গিরীন তেমনি চুপচাপ কথাবার্তা কহিতেছিল, তাহাকে কেহ বসিতে বলিল না, আসিতে বলিল না, একটা কথা পর্য্যন্ত কেহ ডাকিয়া জিজ্ঞাসা করিল না।

আজ সে নিশ্চয় বুঝিয়া আসিল, ললিতা তাহাকে তাহার কঠিন দায় হইতে চিরদিনের মত মুক্তি দিয়াছে—এখন সে নির্ভয়ে হাঁক ফেলিয়া বাচুক—আর শঙ্কা নাই, আর ললিতা তাহাকে জড়াইবে না! ঘরে আসিয়া কাপড় ছাড়িতে ছাড়িতে সহস্রবার মনে পড়িল, আজ সে নিজের চোখে দেখিয়া আসিয়াছে গিরীনই ও-বাড়ির পরম বন্ধু, সকলের আশা ভরসা এবং ললিতার ভবিষ্যতের আশ্রয়। সে কেহ নহে, এমন বিপদের দিনেও ললিতা তাহার একটা মুখের পরামর্শেরও আর প্রত্যাশী নহে।

সে সহসা, উঃ—বলিয়া একটা গদী-আঁটা আরাম চৌকির উপর ঘাড় ঝুঁজিয়া বসিয়া পড়িল। ললিতা তাহাকে দেখিয়া মাথায় কাপড় টানিয়া দিয়া মুখ ফিরাইয়া লইয়াছিল যেন সম্পূর্ণ পর—একেবারে অপরিচিত! আবার তাহারই চোখের স্রুখে গিরীনকে আড়ালে ডাকিয়া কত না পরামর্শ! অথচ এই লোকটিরই অভিভাবকতায় একদিন তাহাকে থিয়েটার দেখিতে পর্য্যন্ত যাইতে দেয় নাই!

তখনও একবার ভাবিবার চেষ্টা করিল, হয় ত সে তাহাদের গোপন সম্বন্ধের কথা স্মরণ করিয়াই লজ্জায় ওরূপ ব্যবহার করিয়াছে, কিন্তু তাই বা কি করিয়া সম্ভব? তাহা হইলে এতকাণ্ড ঘটয়াছে অথচ একটি কথাও কি সে এতদিনের মধ্যে কোন কৌশলে তাহাকে জিজ্ঞাসা করিবার চেষ্টা করিত না!

হঠাৎ ঘরের বাহিরে মায়ের কণ্ঠস্বর শোনা গেল—তিনি ডাকিয়া বলিতেছেন, কই রে এখনও হাত-মুখ ধুস্নি—সন্ধ্যা হয় যে!

শেখর ব্যস্ত হইয়া উঠিয়া পড়িল এবং তাহার মুখের উপর মায়ের দৃষ্টি না পড়ে এইভাবে সে ঘাড় ফিরাইয়া রাখিয়া তাড়াতাড়ি নিচে নামিয়া গেল।

এই কয়টা দিন অনেক কথাই অনেক রকমের রূপ ধরিয়া তাহার মনের মধ্যে অনুক্ষণ আনাগোনা করিয়াছে, শুধু একটা কথা সে ভাবিয়া দেখিত না বস্তুত দোষ কোন্ দিকে। একটি আশার কথা সে আজ পর্যন্ত তাহাকে বলে নাই, কিম্বা তাহাকে বলিবারও স্বেচ্ছা দেয় নাই। বরঞ্চ পাছে প্রকাশ পায়, সে কোনরূপ দাবি করিয়া বসে, এই ভয়ে কাঠ হইয়াছিল। তথাপি সর্বপ্রকারের অপরাধ একা ললিতার মাথায় তুলিয়া দিয়াই সে তাহার বিচার করিতেছিল এবং নিজের হিংসায় ও ক্রোধে, অভিমানে, অপমানে পুড়িয়া মরিতেছিল। বোধ করি এমনি করিয়াই সংসারের সকল পুরুষ বিচার করে এবং এমনি করিয়াই দগ্ধ হয়। ✓

পুড়িয়া পুড়িয়া তাহার সাতদিন কাটিয়াছে, আজিও সন্ধ্যার পর নিম্ভর ঘরের মধ্যে সেই আগুন জালিয়া দিয়াই বসিয়াছিল, হঠাৎ দ্বারের কাছে শব্দ শুনিয়া মুখ তুলিয়াই তাহার হৃৎপিণ্ডটা লাকাইয়া উঠিল! কালীর হাত ধরিয়া ললিতা ঘরে ঢুকিয়া নিচে কার্পেটের উপর স্থির হইয়া বসিল। কালী বলিল, শেখরদা, আমরা দুজনে তোমায় প্রণাম করতে এসেছি—কাল আমরা চ'লে যাব।

শেখর কথা কহিতে পারিল না, চাহিয়া রহিল।

কালী বলিল, অনেক দোষ অপরাধ তোমার পায়ে আমরা করেছি শেখরদা, সে সব ভুলে যেয়ো।

শেখর বুঝিল, ইহার একটি কথাও তাহার নিজের নহে, সে শেখানো কথা বলিতেছে মাত্র। জিজ্ঞাসা করিল, কাল কোথায় যাবে তোমরা?

পশ্চিমে। বাবাকে নিয়ে আমরা সবাই মুন্সের যাব—সেখানে গিরীন-বাবুর বাড়ি আছে। তিনি ভাল হ'লেও আর আমাদের আসা হবে না, ডাক্তার বলেছেন, এ দেশ বাবার সহ্য হবে না।

শেখর জিজ্ঞাসা করিল, এখন তিনি কেমন আছেন?

একটু ভাল, বলিয়া কালী আচলের ভিতর হইতে কয়েক জোড়া

কাপড় বাহির করিয়া দেখাইয়া বলিল, জ্যাঠাইমা আমাদের কিনে দিয়েছেন।

ললিতা এতক্ষণ চুপ করিয়াছিল, উঠিয়া গিয়া টেবিলের উপর একটা চাবি রাখিয়া দিয়া বলিল, আলমারীর এই চাবিটা এতদিন আমার কাছেই ছিল, একটুখানি হাসিয়া বলিল, কিন্তু টাকাকড়ি ওতে নেই, সমস্ত পরচ হ'য়ে গেছে।

শেখর চুপ করিয়া রহিল।

কালী বলিল, চল মেজদি, রাত্তির হচ্ছে।

ললিতা কিছু বলিবার পূর্বেই এবার শেখর হঠাৎ ব্যস্ত হইয়া বলিয়া উঠিল, কালী, নিচে থেকে আমার জন্যে দুটো পান নিয়ে এস ত ভাই।

ললিতা তাহার হাত চাপিয়া ধরিয়া বলিল, তুই বোস্ কালী, আমি এনে দিচ্ছি, বলিয়া দ্রুতপদে নামিয়া গেল। খানিক পরে পান আনিয়া কালীর হাতে দিল, সে শেখরকে দিয়া আসিল।

পান হাতে লইয়া শেখর নিস্তরঙ্গ হইয়া বসিয়া রহিল।

চল্লুম শেখরদা, বলিয়া কালী পায়ের কাছে আসিয়া গড় হইয়া প্রণাম করিল। ললিতা যেখানে দাঁড়াইয়াছিল, সেইখানেই ভূমিষ্ঠ হইয়া প্রণাম করিয়া উভয়েই ধীরে ধীরে বাহির হইয়া গেল।

শেখর তাহার ভালমন্দ ও আত্মমর্যাদা লইয়া বিবর্ণ পাণ্ডুর মুখে, বিহ্বল হতবুদ্ধির মত শুক্ক হইয়া বসিয়া রহিল। সে আসিল, যাহা বলিবার ছিল বলিয়া চিরদিনের মত বিদায় লইয়া গেল, কিন্তু শেখরের কিছুই বলা হইল না। যেন বলিবার কথা তাহার ছিল না, এইভাবে, সমস্ত সময়টুকু কাটিয়া গেল। ললিতা কালীকে ইচ্ছা করিয়াই সঙ্গে আনিয়াছিল; কারণ সে চাহে না কোন কথা উঠে, ইহাও সে মনে মনে বুঝিল। তাহারপরে, তাহার সর্কশরীর বিম্ব বিম্ব করিতে লাগিল, মাথা ঘুরিয়া উঠিল, সে উঠিয়া বিছানায় চোখ বুজিয়া শুইয়া পড়িল।

একাদশ পরিচ্ছেদ

গুরুচরণের ভাড়া দেহ মৃদেবের জল-হাওয়াতেও আর জোড়া লাগিল না। বৎসর খানেক পরেই তিনি দুঃপের বোঝা নামাইয়া দিয়া চলিয়া গেলেন। গিরীন যথার্থ-ই তাঁহাকে অতিশয় ভালবাসিয়াছিল এবং শেষ দিন পর্য্যন্ত তাঁহার যথাসাধ্য করিয়াছিল।

মৃত্যুর পূর্বে তিনি সজল-কণ্ঠে তাহার হাত ধরিয়া অনুরোধ করিয়াছিলেন, সে যেন কোনদিন তাহার পর হইয়া না যায় এবং গভীর বন্ধুত্ব যেন নিকট আত্মীয়তায় পরিণত হয়। তিনি ইহা চোখে দেখিয়া যাইতে পারিলেন না, অন্তঃ-বিস্তৃখে সময় হইল না, কিন্তু পরলোকে বসিয়া যেন দেখিতে পান। গিরীন তখন সানন্দে এবং সর্কাস্তঃকরণে প্রতিশ্রুত হইয়াছিল।

গুরুচরণের কলিকাতার বাটীতে যে ভাড়াটিয়া ছিল, তাহার মুখে ভুবনেশ্বরী মধ্যে মধ্যে সংবাদ পাইতেন, গুরুচরণের মৃত্যুসংবাদ তাহারাই দিয়াছিল।

তাহার পর এ-বাড়িতে গুরুতর দুর্ঘটনা ঘটিল। নবীন রায় হঠাৎ মারা গেলেন। ভুবনেশ্বরী শোকে দুঃখে পাগলের মত হইয়া বড়বধূর হাতে সংসার সঁপিয়া দিয়া কাশী চলিয়া গেলেন। বলিয়া গেলেন, আগামী বৎসর শেখরের বিয়ের সমস্ত ঠিক হইয়া গেলে তিনি আসিয়া বিবাহ দিয়া যাইবেন।

বিবাহের সম্বন্ধ নবীন রায় নিজেই স্থির করিয়াছিলেন। এবং পূর্বেই হইয়া যাইত, শুধু তাঁহার মৃত্যু হওয়াতেই এক বৎসর স্থগিত ছিল। কল্যা-পক্ষের আর বিলম্ব করা চলে না, তাই তাহার কাল আসিয়া আলীকর্বাদ করিয়া গিয়াছিল। এই মাসেই বিবাহ। আজ শেখর জননীকে আনিতে যাইবার উত্তোগ করিতেছিল। আলমারী হইতে জিনিসপত্র

নামাইয়া তোরঙ্গ সাজাইতে গিয়া, অনেক দিন পরে তাহার ললিতার কথা মনে পড়িল। সব সেই করিত।

তিন বৎসরের অধিক হইল, তাহারা চলিয়া গিয়াছে, ইহার মধ্যে তাহাদের কোন সংবাদই সে জানে না। জানিবার চেষ্টাও করে নাই, বোধ করি, ইচ্ছাও ছিল না। ললিতার উপর ক্রমশঃ তাহার একটা ঘৃণার ভাব আসিয়াছিল। কিন্তু আজ সহসা ইচ্ছা করিল, যদি কোন মতে একটা খবর পাওয়া যায়—কেমন আছে! অবশ্য ভাল থাকিবারই কথা, কারণ গিরীনের সঙ্গতি আছে, তাহা সে জানিত, সে স্তনিতে ইচ্ছা করে, কবে বিবাহ হইয়াছে, তাহার কাছে কেমন আছে—এই সব।

গু-বাড়ির ভাড়াটিয়ারাও আর নাই, মাস-দুই হইল বাড়ি খালি করিয়া চলিয়া গিয়াছে। শেখর একবার ভাবিল, চাকর বাপকে গিয়া জিজ্ঞাসা করিবে, কারণ তাঁহারা গিরীনের সংবাদ নিশ্চয়ই রাখেন। ক্ষণকালের জন্ত তোরঙ্গ গুছানো স্থগিত রাখিয়া সে শূন্য-দৃষ্টিতে জানালার বাহিরে চাহিয়া এই সব ভাবিতে লাগিল, এমন সময়ে দ্বারের বাহিরে দাঁড়াইয়া পুরাতন দাসী কহিল, ছোটবাবু, কালীর মা একবার আপনাকে ডেকে পাঠিয়েছেন।

শেখর মুখ ফিরাইয়া অত্যন্ত আশ্চর্য হইয়া বলিল, কোন্ কালীর মা ? দাসী হাত দিয়া গুরুচরণের বাড়িটা দেখাইয়া বলিল, আমাদের কালীর মা ছোটবাবু, তাঁরা কাল রাত্তিরে ফিরে এসেছেন যে !

চল যাচ্ছি, বলিয়া সে তৎক্ষণাৎ নামিয়া গেল।

তখন বেলা পড়িয়া আসিতেছিল, সে বাড়িতে পা দিতেই বুক-ভাঙা কান্নার বোল উঠিল। বিধবাবেশধারিণী গুরুচরণের স্ত্রীর কাছে গিয়া সে স্নানান্তেই বসিয়া পড়িল এবং কৌচুর খুঁট দিয়া নিঃশব্দে চোখ মুছিতে লাগিল। শুধু গুরুচরণের জন্ত নহে, সে নিজের পিতার শোকেও আর একবার অভিভূত হইয়া পড়িল।

সন্ধ্যা হইলে ললিতা আলো জালিয়া দিয়া গেল। দূর হইতে গলায় আঁচল দিয়া তাহাকে প্রণাম করিল এবং ক্ষণকাল অপেক্ষা করিয়া ধীরে ধীরে চলিয়া গেল। শেখর সপ্তদশবর্ষীয়া পরজীবীর পানে চোখ তুলিয়া চাহিতে বা ডাকিয়া কথা কহিতে পারিল না। তথাপি আড়চোখে যতটা সে দেখিতে পাইয়াছিল, মনে হইল, ললিতা যেন আরও বড় হইয়াছে এবং অত্যন্ত কৃশ হইয়া গিয়াছে।

অনেক কাম্বাকাটির পরে গুরুচরণের বিধবা যাহা বলিলেন, তাহার মর্ম্ম এই যে, এই বাড়িটা তিনি বিক্রয় করিয়া মুন্সেরে জামাইয়ের আশ্রয়ে থাকিবেন, এই তাঁর ইচ্ছা। বাড়িটা বহুদিন হইতে শেখরের পিতার ক্রয় করিবার ইচ্ছা ছিল এখন উপযুক্ত মূল্যে তাঁহারাই ক্রয় করিলে ইহা একরকম নিজেদেরই থাকিবে, তাঁহার নিজেরও কোনরূপ ক্লেশ বোধ হইবে না এবং ভবিষ্যতে কখন তিনি এদেশে আসিলে, দুই-এক দিন বাস করিয়া যাইতেও পারিবেন—এই সব। শেখর, মাকে জিজ্ঞাসা করিয়া তাহার যথাসাধ্য করিবে বলায় তিনি চোখ মুছিয়া বলিলেন, দিদি কি এর মধ্যে আসবেন না শেখর ?

শেখর জানাইল, আজ রাত্রেই তাঁহাকে সে আনিতে যাইবে। অতঃপর তিনি একটি একটি করিয়া অগ্ন্যস্ত্র সংবাদ জানিয়া লইলেন—শেখরের কবে বিবাহ, কোথায়, কত হাজার, কত অলঙ্কার, নবীন রায় কি করিয়া মারা গেলেন, দিদি কি করিলেন ইত্যাদি অনেক কথা বলিলেন এবং শুনিলেন।

শেখর যখন ছুটি পাইল, তখন জ্যোৎস্না উঠিয়াছে। এই সময়ে গিরীন উপর হইতে নামিয়া বোধ করি তাহার দিদির রাটিতে গেল। গুরুচরণের বিধবা দেখিতে পাইয়া প্রশ্ন করিলেন, আমার জামাইয়ের সঙ্গে তোমার আলাপ নেই শেখরনাথ ? এমন ছেলে সংসারে আর হয় না।

শেখরের তাহাতে বিন্দুমাত্র সন্দেহ নাই, তাহা সে জানাইল এবং

আলাপ আছে বলিয়া দ্রুতপদে বাহির হইয়া গেল। কিন্তু বাহিরের বসিবার ঘরের স্তম্ভে আসিয়া তাহাকে সহসা থামিতে হইল।

অন্ধকার দরজার আড়ালে ললিতা দাঁড়াইয়াছিল, বলিল, শোন, মাঝে কি আজই আনতে যাবে ?

শেখর বলিল, হাঁ।

তিনি কি বড় বেশি কাতর হয়ে পড়েছেন ?

হাঁ, প্রায় পাগলের মত হয়ে পড়েছিলেন।

তোমার শরীর কেমন আছে ?

ভাল আছে, বলিয়া শেখর তাড়াতাড়ি চলিয়া গেল।

রাস্তায় আসিয়া তাহার আপাদ-মস্তক লজ্জায় ঘুণায় শিহরিয়া উঠিল। ললিতার কাছাকাছি দাঁড়াইতে হইয়াছিল বলিয়া তাহার নিজের দেহটাও যেন অপবিত্র হইয়া গিয়াছে এমন মনে হইতে লাগিল। ঘরে ফিরিয়া আসিয়া সে যেমন তেমন করিয়া তোরঙ্গ বন্ধ করিয়া ফেলিল এবং তখনও গাড়ীর বিলম্ব আছে জানিয়া আর একবার শয্যাশ্রয় করিয়া ললিতার বিধাক্ত স্মৃতিটাকে পোড়াইয়া নিঃশেষ করিয়া দিবে মনে করিয়া সে হৃদয়ের রক্তে রক্তে ঘুণার দাবানল জালিয়া দিল। দাহনের যাতনায় সে তাহাকে মনে মনে অকথ্য ভাষায় তিরস্কার করিল, এমন কি, কুলটা পর্য্যন্ত বলিতে সঙ্কোচ করিল না। তখন কথায় কথায় গুরুচরণের স্ত্রী বলিয়াছিলেন, এ স্ত্রের বিয়ে নয়, তাই শেষ পর্য্যন্ত কারো মনে ছিল না, নইলে ললিতা তখন তোমাদের সকলকেই সংবাদ দিতে বলেছিল; ললিতার এই স্পর্ধাটা যেন সমস্ত আগুনের উপরেও শিখা বিস্তার করিয়া প্রজ্জ্বলিত হইতে লাগিল।

দ্বাদশ পরিচ্ছেদ

শেখর মাকে লইয়া যখন ফিরিয়া আসিল, তখনও তাহার বিবাহের দশ-বারো দিন বিলম্ব ছিল।

দিন-তিনেক পরে, একদিন সকালে ললিতা শেখরের মায়ের কাছে বসিয়া একটা ডালায় কি কতকগুলি তুলিতেছিল। শেখর জানিত না, তাই কি একটা কাজে 'মা' বলিয়া ঘরে ঢুকিয়াই হঠাৎ থতমত খাইয়া দাড়াইল। ললিতা মুখ নীচু করিয়া কাজ করিতে লাগিল।

মা জিজ্ঞাসা করিলেন, কি রে ?

সে যেমন আসিয়াছিল, তাহা ভুলিয়া গিয়া, না, এখন থাক, বলিয়া তাড়াতাড়ি বাহির হইয়া গেল। ললিতার মুখ দেখিতে পায় নাই, কিন্তু তাহার হাত দুইটির উপর তাহার দৃষ্টি পড়িয়াছিল। তাহা সম্পূর্ণ নিরাভরণ না হইলেও দুগাছি করিয়া কাঁচের চুড়ি ছাড়া আর কিছু ছিল না। শেখর মনে মনে ক্রুর হাসি হাসিয়া বলিল, এ আর এক রকমের ভড়ং। গিরীন সঙ্গতিপন্ন তাহা সে জানিত, তাহার পত্নীর হাত একরূপ অলঙ্কারশূন্য হইবার কোন সঙ্গত হেতু সে খুঁজিয়া পাইল না।

সেই দিনই সন্ধ্যার সময় সে দ্রুতপদে নিচে নামিয়া আসিতেছিল, ললিতাও সেই সিঁড়িতে উপরে উঠিতেছিল, অত্যন্ত-সঙ্কোচের সহিত মৃদু কণ্ঠে বলিল, তোমাকে একটা কথা বলবার আছে।

শেখর এক মুহূর্ত্ত স্থির হইয়া বিশ্বয়ের স্বরে বলিল, কাকে ? আমাকে ?

ললিতা তেমনি মৃদুস্বরে বলিল, হাঁ তোমাকে ?

আমার সঙ্গে আবার কি কথা ! বলিয়া শেখর পূর্বাপেক্ষা দ্রুতপদে নামিয়া গেল।

ললিতা সেইখানে কিছুক্ষণ স্তব্ধ ভাবে দাঁড়াইয়া থাকিয়া অতি ক্ষুদ্র একটা নিশ্বাস ফেলিয়া ধীরে ধীরে চলিয়া গেল।

পরদিন সকালে শেখর তাহার বাহিরের ঘরে বসিয়া সেই দিনের সংবাদপত্র পড়িতেছিল, নিরতিশয় বিশ্বাসের সহিত চোখ তুলিয়া দেখিল, গিরীন প্রবেশ করিতেছে। গিরীন নমস্কার করিয়া নিকটে চৌকি টানিয়া লইয়া বসিল, শেখর প্রতি-নমস্কার করিয়া সংবাদপত্রটা একপাশে রাখিয়া দিয়া জিজ্ঞাসুমুখে চাহিয়া রহিল। উভয়ের চোখের পরিচয় ছিল বটে, কিন্তু আলাপ ছিল না এবং সে পক্ষে আজ পর্য্যন্ত দুজনের কেহই কিছুমাত্র আগ্রহ প্রকাশ করে নাই।

গিরীন একেবারেই কাজের কথা পাড়িল। বলিল, বিশেষ প্রয়োজনে আপনাকে একটু বিরক্ত কর্তে এসেছি। আমার শাস্ত্রভীঠাকরুণের অভিপ্রায় আপনি শুনেচেন—বাড়িটা তিনি আপনাদের কাছে বিক্রী কর'রে ফেল'তে চান। আজ আমাকে দিয়ে বলে পাঠালেন, শীঘ্র যা হোক একটা বন্দোবস্ত হ'য়ে গেলেই তাঁরা এই মাসেই মুন্সেরে ফিরে যেতে পারেন।

গিরীনকে দেখিবারমাত্রই শেখরের বুকের মধ্যে বাড় উঠিয়াছিল, কথাগুলো তাহার কিছুমাত্র ভাল লাগিল না, অপ্রসন্ন মুখে বলিল, সে ত ঠিক কথা, কিন্তু বাবার অবর্তমানে দাদাই এগন মালিক, তাঁকে বলা আবশ্যক।

গিরীন মুহূ হাসিয়া বলিল, সে আমরাও জানি। কিন্তু তাঁকে আপনি বললেই ত ভাল হয়।

শেখর তেমনিভাবেই বলিল, আপনি বললেও হ'তে পারে। ও-পক্ষের অভিভাবক

গিরীন কহিল, অসম্মত হ'লে বলতে পারি, কিন্তু কাল সেজদি বলছিলেন অসম্মত ব্যবহারে অযোগ্য করলে অতি সহজেই হ'তে পারে।

শেখর মোটা তাকিয়াটা হেলান দিয়া বসিয়া এতক্ষণ কথা কহিতেছিল, সোজা হইয়া উঠিয়া বসিয়া বলিল, কে বললেন ?

গিরীন বলিল, সেজদি—ললিতাদিদি বলছিলেন—

শেখর বিষয়ে হতবুদ্ধি হইয়া গেল। তারপর গিরীন কি যে বলিয়া গেল, তাহার একবিন্দুও তাহার কানে গেল না। খানিকক্ষণ বিহ্বল দৃষ্টিতে তাহার মুখপানে চাহিয়া থাকিয়া বলিয়া উঠিল, আমাকে মাপ করবেন গিরীনবাবু, কিন্তু ললিতার সঙ্গে কি আপনার বিবাহ হয় নি ?

গিরীন জিভ কাটিয়া বলিল, আজ্ঞে, না—ওদের সকলকেই আপনি জানেন—কালীর সঙ্গে আমার—

কিন্তু সে রকম ত কথা ছিল না।

গিরীন ললিতার মুখে সব কথা শুনিয়াছিল, কহিল, না, কথা ছিল না, সে কথা সত্য। গুরুচরণবাবু মৃত্যুকালে আমাকে অমরোষ করে গিয়েছিলেন আমি আর কোথাও যেন বিবাহ না করি। আমিও প্রতিশ্রুত হই। তাঁর মৃত্যুর পরে সেজদি আমাকে বুঝিয়ে বলেন,—অবশ্য, এসব কথা আর কেউ জানে না যে, ইতিপূর্বেই তাঁর বিবাহ হ'য়ে গেছে এবং স্বামী জীবিত আছেন। একথা আর কেউ হয়ত বিশ্বাস করত না, কিন্তু আমি তাঁর একটা কথাও অবিশ্বাস করি নি। তা ছাড়া, জ্বীলোকের একবারের অধিক বিবাহ হ'তে পারে না—ও কি ?

শেখরের দুই চক্ষু বাষ্পাকুল হইয়া উঠিয়াছিল,—এখন বাষ্প অশ্রু-ধারায় চোখের কোণ বাহিয়া গিরীনের সম্মুখেই ঝর ঝর করিয়া বরিয়া পড়িল। কিন্তু সেদিকে তাহার চৈতন্য ছিল না, তাহার মনেও পড়িল না, পুরুষের সম্মুখেই পুরুষের এই দুর্বলতা—অত্যন্ত লজ্জাকর।

গিরীন নিঃশব্দে চাহিয়া রহিল। মনে সন্দেহ ছিলই—আজ সে ললিতার স্বামীকে দেখিয়া পাবারি! শেখর চোখ মুছিয়া ভারি গলায় বলিল, কিন্তু ললিতাকে স্নেহ করেন ?

গিরীনের মুখের উপরে প্রচ্ছন্ন বেদনার গাঢ় ছায়া পড়িল, কিন্তু পরক্ষণেই সে মুহু মুহু হাসিতে লাগিল। আশ্বে আশ্বে বলিল, সে কথার জবাব দেওয়া অনাবশ্যক। তা ছাড়া মেহ যত বড়ই হোক, জেনে শুনে কেউ পরের বিবাহিত স্ত্রীকে বিবাহ করে না—যাক, গুরুজনের সম্বন্ধে ও আলোচনা আমি করতে চাই নে, বলিয়া সে আর একবার হাসিয়া উঠিয়া দাঁড়াইয়া বলিল, আজ যাই, আবার অন্য সময় দেখা হবে, বলিয়া নমস্কার করিয়া বাহির হইয়া গেল।

গিরীনকে শেখর চিরদিনই মনে মনে বিদেব করিয়াছে, এইবারে সে বিদেব নিবিড় স্তূপায় পধ্যবসিত হইয়াছিল, কিন্তু আজ সে চলিয়া যাইবা মাত্র শেখর উঠিয়া আসিয়া ভূমিতলে বারংবার মাথা ঠেকাইয়া এই অপরিচিত ব্রাহ্ম-যুবকটির উদ্দেশে প্রণাম করিতে লাগিল। মাহুষ নিঃশব্দে যে কত বড় স্বার্থতাগ করিতে পারে, হাসিমুখে কি কঠোর প্রতিশ্রুতি পালন করিতে পারে তাহা আজ সে প্রথম দেখিল।

অপরাক্ত-বেলায় ভুবনেশ্বরী নিজের ঘরে মেঝের বসিয়া ললিতার সাহায্যে নূতন বস্ত্রের রাশি থাক্ দিয়া সাজাইয়া রাখিতেছিলেন, শেখর ঘরে ঢুকিয়া মায়ের শয্যার উপর গিয়া বসিল। আজ সে ললিতাকে দেখিয়া ব্যস্ত হইয়া পলাইল না। মা চাহিয়া দেখিয়া বলিলেন, কি রে!

শেখর জবাব দিল না, চুপ করিয়া থাক দেওয়া দেখিতে লাগিল। খানিক পরে বলিল, ও কি হচ্ছে মা?

মা বলিলেন, নূতন কাপড় কাকে কি রকম দিতে হবে, হিসেব ক'রে দেখ চি—বোধ করি, আরও কিছু কিন্তে হবে, না মা?

ললিতা ঘাড় নাড়িয়া সায় দিল।

শেখর হাসি-মুখে কহিল, আর যদি বিয়ে না করি মা?

ভুবনেশ্বরী হাসিলেন। বলিলেন, তা তুমি পার, তোমার গুণে ঘাটু নেই।

শেখরও হাসিয়া বলিল, তাই বোধ করি হ'য়ে দাঁড়ায় মা।

মা গম্ভীর হইয়া বলিলেন, ও কি কথা? অমন অলক্ষণে কথা মুখে আনিব্‌ নে।

শেখর বলিল, এতদিন মুখে ত আনি নি মা, কিন্তু আর না আনলে নয়—আর চুপ করে থাকলে মহাপাতক হবে মা।

ভুবনেশ্বরী বুঝিতে না পারিয়া শঙ্কিত-মুখে চাহিয়া রহিলেন।

শেখর বলিল, তোমার এই ছেলেটার অনেক অপরাধই তুমি ক্ষমা ক'রে এসেচ, এটাও ক্ষমা কর মা, আমি সত্যই এ বিয়ে কর্তে পারব না।

পুত্রের কথা শু মুখের ভাব দেখিয়া ভুবনেশ্বরী সত্যই উদ্ভিগ্ন হইলেন, কিন্তু সে ভাব চাপা দিয়া বলিলেন, আচ্ছা, আচ্ছা, তাই হবে। এখন বা তুই এখান থেকে, আমাকে জ্বালাতন করিস্‌ নে শেখর—আমার অনেক কাজ।

শেখর আর একবার হাসিবার ব্যর্থ প্রয়াস করিয়া শুষ্ক-স্বরে বলিল, না মা, সত্যিই বল্‌চি তোমাকে, এ বিয়ে হ'তে পারবে না।

কেন, এ কি ছেলেখেলা?

ছেলেখেলা নয় বলেই ত বল্‌চি মা।

ভুবনেশ্বরী এবার রীতিমত ভীত হইয়া সরোষে বলিলেন, কি হয়েছে? আমাকে বুঝিয়ে বল্‌ শেখর। ও সব গোলমলে কথা আমার ভাল লাগে না!

শেখর মৃদু-কণ্ঠে বলিল, আর একদিন শুনো মা, আর একদিন বল্‌ব।


আর একদিন বল্‌বি! তিনি কাপড়ের গোছা একধারে ঠেলিয়া দিয়া বলিলেন, তবে আজই আমাকে কাশী পাঠিয়ে দে, এমন সংসারে আমি একটা রাতও কাটাতে চাই নে।

মা শেখর অধোমুখে বসিয়া রহিল। ভুবনেশ্বরী অধিকতর অস্থির হইয়া


বলিলেন, ললিতাও আমার সঙ্গে কাশী যেতে চায়, দেখি তুমি বন্দোবস্ত করিতে পারি।

এবার শেখর মুখ তুলিয়া বলিল, তুমি নিশ্চয় বন্দোবস্ত কার সঙ্গে করবে? কি আছে!

ছেলের হাসিমুখ হইলেন, ললিতার কথা? ও মনে পড়ি! ওর ললিতা অত্যন্ত



শরৎচন্দ্র ঠাকুরপাধ্যায়



পরিণীতা

প্রথম পরিচ্ছেদ

শক্তিশেল বুকে পড়িবার সময় লক্ষণের মুখের ভাব নিশ্চয় খুব ধারাপ হইয়া গিয়াছিল, কিন্তু গুরুচরণের চেহারাটা বোধ করি তার চেয়েও মন্দ দেখাইল—যখন প্রত্নাষেই অন্তঃপুর হইতে সংবাদ পৌছিল, গৃহিণী এইমাত্র নির্বিকল্পে পঞ্চম কন্টার জন্মদান করিয়াছেন।

গুরুচরণ ষাট টাকা বেতনের ব্যাক্সের কেরাণী। স্বতরাং দেহটি যেমন ঠিকা গাড়ীর ঘোড়ার মত গুরুশীর্ণ, চোখে মুখেও তেমনি তাহাদেরি মত একটা নিকাম নির্বিকার নিলিঙ্গ ভাব। তথাপি এই ভয়ঙ্কর শুভ-সংবাদে আজ তাঁহার চাতের হুকটা হাতেই রহিল, তিনি জীর্ণ পৈতৃক-তাকিয়াটা ঠেস্ দিয়া বসিলেন। একটা দীর্ঘ নিশ্বাস ফেলিবারও আর তাঁহার জোর রহিল না।

শুভ-সংবাদ বহিয়া আনিয়াছিল তাঁহার তৃতীয়া কন্টা দশমবর্ষীয়া আম্রাকালী। সে বলিল, বাবা, চল না দেখ্বে।

গুরুচরণ মেয়ের মুখের দিকে চাহিয়া বলিলেন, মা, এক গেলাস জল আন ত খাই।

মেয়ে জল আনিতে গেল। সে চলিয়া গেলে, গুরুচরণের সর্বাগ্রে মনে পড়িল স্মৃতি-গৃহের বকমারি খরচের কথা। তার পরে, ভিড়ের মনে ষ্টেশনে গাড়ী আসিলে দোর খোলা পাইলো থার্ড ক্লাশের যাত্রীর পোটলা-পোটলা লইয়া পাগলের মত যে ভাবে লোকজনকে দলিত করিয়া ঝাঁপাইয়া আসিতে থাকে, [redacted] আর শব্দ করিয়া

তাঁহার মগজের মধ্যে দুশ্চিন্তারশি ছুঁ করিয়া ঢুকিতে লাগিল। মনে পড়িল, গত বৎসর তাঁহার দ্বিতীয়া কন্যার শুভ-বিবাহে বোবাজারের এই দ্বিতল ভদ্রাসনটুকু বাঁধা পড়িয়াছে এবং তাহারও ছয়মাসের সুদ বাকী। দুর্গাপূজার আর মাস-খানেক মাত্র বিলম্ব আছে—মেজমেয়ের ওখানে তত্ত্ব পাঠাইতে হইবে। আফিসে কাল রাত্রি আটটা পর্যন্ত ডেবীটু ক্রেডিট মিলে নাই, আজ বেলা বারোটার মধ্যে বিলাতে হিসাব পাঠাইতেই হইবে। কাল বড় সাহেব হুকুম জারি করিয়াছেন, ময়লা বস্ত্র পরিয়া কেহ আফিসে ঢুকিতে পারিবে না, ফাইন হইবে, অথচ গত সপ্তাহ হইতে বজ্রকের সন্ধান মিলিতেছে না, সংসারের অর্ধেক কাপড়-চাপড় লইয়া সে বোধ করি নিরুদ্দেশ। গুরুচরণ আর ঠেস্ দিয়া থাকিতেও পারিলেন না, হুঁকাটা উঁচু করিয়া ধরিয়া এলাইয়া পড়িলেন। মনে মনে বলিলেন, ভগবান্, এই কলিকাতা সহরে প্রতিদিন কতলোক গাড়ী ঘোড়া চাপা পড়িয়া অপঘাতে মরে, তারা কি আমার চেয়েও তোমার পায়ে বেশি অপরাধী! দয়াময়! তোমার দয়ায় একটা ভারী-মটর-গাড়ী যদি বুকের উপর দিয়া চলিয়া যায়!

আল্লাকালী জল আনিয়া বলিল, বাবা শুঠ, জল এনেছি।

গুরুচরণ উঠিয়া সমস্তটুকু এক নিশ্বাসে পান করিয়া ফেলিয়া বলিলেন, আঃ, যা মা, গেলাসটা নিয়ে যা।

সে চলিয়া গেলে গুরুচরণ আবার শুইয়া পড়িলেন।

ললিতা ঘরে ঢুকিয়া বলিল, মামা চা এনেছি শুঠ!

চায়ের নামে গুরুচরণ আর একবার উঠিয়া বসিলেন। ললিতার মুখের পানে চাহিয়া তাঁহার অর্ধেক জ্বালা মেন-নিবিয়া গেল, বলিলেন, সারা রাত জেগে আছিস মা, আয় আমার কাছে এসে একবার বোস।

ললিতা সলজ্জভাবে ~~কথা~~ বলিয়া বলিল, আমি রাত্তিরে বেশি জাগি নি মায়া।

এই জীর্ণ শীর্ণ গুরুভারগ্রস্ত অকালবৃদ্ধ মাতুলের হৃদয়ের প্রচুর
স্বগভীর ব্যথাটা তার চেয়ে বেশি এ সংসারে আর কেহ অনুভব
করিল না।

গুরুচরণ বলিলেন, তা হোক আর, আমার কাছে আয়।

ললিতা কাছে আসিয়া বসিতেই গুরুচরণ তাহার মাথায় হাত দিয়া
সহসা বলিয়া উঠিলেন, আমার এই মাটিকে যদি রাজার ঘরে দিতে
পারতুম, তবেই জানতুম একটা কাজ কল্লুম।

ললিতা মাথা হেঁট করিয়া চা ঢালিতে লাগিল। তিনি বলিতে
লাগিলেন, হাঁ মা, তোরা দুখী আমার ঘরে এসে দিনরাত্রি খাটতে হয়, না?

ললিতা মাথা নাড়িয়া বলিল, দিনরাত্রি খাটতে হবে কেন মামা?
সবাই কাজ করে আমিও করি।

এইবার গুরুচরণ হাসিলেন। চা খাইতে খাইতে বলিলেন, হাঁ
ললিতা, আজ তবে রান্না-বান্নার কি হবে মা?

ললিতা মুখ তুলিয়া বলিল, কেন মামা, আমি রাঁধব যে?

গুরুচরণ বিস্ময় প্রকাশ করিয়া জিজ্ঞাসা করিলেন, তুই রাঁধবি কি
মা, রাঁধতে কি তুই জানিস?

জানি মামা। আমি মামিমার কাছে সব শিখে নিয়েছি।

গুরুচরণ চায়ের বাটিটা নামাইয়া ধরিয়া বলিলেন, সত্যি?

সত্যি! মামিমা দেখিয়ে দেন আমি কতদিন রাঁধি যে। বলিয়াই
সে মুখ নিচু করিল। তাহার আনত মাথার উপর হাত রাখিয়া গুরুচরণ
নিঃশব্দে আশীর্বাদ করিলেন। তাহার একটা গুরুতর দুর্ভাবনা
দূর হইল।

এই ঘরটি গলির উপরেই। চা পান করিতে করিতে জানালায়
বাহিরে দৃষ্টি পড়ায় গুরুচরণ টেচাইয়া ডাকিয়া উঠিলেন, শেখর নাকি?
শোন, শোন!

একজন দীর্ঘায়তন বলিষ্ঠ সুন্দর যুবা ঘরে প্রবেশ করিল।

গুরুচরণ বলিলেন, বোসো, আজ সকালে তোমার খুড়িমার কাণ্ডটা শুনেচ বোধ হয় ?

শেখর মুহূ হাসিয়া বলিল, কাণ্ড আর কি, মেয়ে হয়েছে তাই ?

গুরুচরণ একটা নিশ্বাস ফেলিয়া বলিলেন, তুমি ত বললে তাই, কিন্তু তাই যে কি, সে শুধু আমিই জানি যে !

শেখর কহিল, ও রকম বলবেন না কাকা, খুড়িমা শুনলে বড় কষ্ট পাবেন। তা ছাড়া ভগবান যাকে পাঠিয়েছেন তাকেই আদর-আহ্লাদ করে ডেকে নেওয়া উচিত।

গুরুচরণ মুহূর্তকাল মৌন থাকিয়া বলিলেন, আদর-আহ্লাদ করা উচিত, সে আমিও জানি ! কিন্তু বাবা, ভগবানও ত সুবিচার করেন না। আমি গরীব, আমার ঘরে এত কেন ? এই বাড়িটুকু পর্য্যন্ত তোমার বাপের কাছে বাধা পড়েচে, তা পড়ুক, সে জন্তও দুঃখ করিনে শেখর, কিন্তু এই হাতে হাতেই দেখ না বাবা, এই যে আমার ললিতা, মা-বাপ মরা সোনার পুতুল একে শুধু রাজার ঘরেই মানায়। কি করে একে প্রাণ ধ'রে যার তার হাতে দিই বল ত ? রাজার মুকুটে যে কোহিনুর জলে, তেমনি কোহিনুর রাশীকৃত ক'রে আমার এই মা'টিকে ওজন করলেও দাম হয় না। কিন্তু কে তা বুঝবে ! পয়সার অভাবে এমন রত্নকেও আমাকে বিলিয়ে দিতে হবে ! বল দেখি বাবা, সে সময়ে কি রকম শেল বৃকে বাজবে ? তেরো বছর বয়স হ'ল, কিন্তু হাতে আমার এমন তেরোটা পয়সা নেই যে একটা সম্বন্ধ পর্য্যন্ত স্থির করি।

গুরুচরণের দুই চোখ অশ্রুপূর্ণ হইয়া উঠিল। শেখর চূপ করিয়া রহিল। গুরুচরণ পুনরায় কহিলেন, শেখরনাথ, দেখো ত বাবা, তোমার বন্ধু-বান্ধবের মধ্যে যদি এই মেয়েটার কোন গতি ক'রে দিতে পার।

আজকাল অনেক ছেলে শুনেছি টাকা-কড়ির দিকে চেয়ে দেখে না, শুধু দেখেই পছন্দ করে। তেমনি যদি দৈবাৎ একটি মিলে যায় শেখর, তা হলে বলচি আমি, আমার আশীর্বাদে তুমি রাজা হবে! আর কি বলব বাবা, এ পাড়ায় তোমাদেরই আশ্রয়ে আমি আছি, তোমার বাবা আমাকে ছোট ভায়ের মতই দেখেন।

শেখর মাথা নাড়িয়া বলিল, আচ্ছা তা দেখব।

গুরুচরণ বলিলেন, ভুলো না বাবা, দেখো; ললিতা ত আটবছর বয়স থেকে তোমার কাছেই লেখা-পড়া শিখে মানুষ হচ্ছে, তুমিও ত দেখতে পাচ্ছ ও কেমন বুদ্ধিমতী, কেমন শিষ্ট শাস্ত। এক ফোঁটা মেয়ে, আজ থেকে ওই আমাদের রঁধাবাড়া করবে, দেবে খোবে, সমস্তই এমনি ওর মাথায়।

এই সময়ে ললিতা একটিবার চোখ তুলিয়াই নামাইয়া ফেলিল। তাহার গুষ্ঠাধরের উভয় প্রান্ত ঈষৎ প্রসারিত হইল মাত্র। গুরুচরণ একটা নিশ্বাস ফেলিয়া বলিলেন, ওর বাপই কি কিছু কম রোজগার করেছে, কিন্তু সমস্তই এমন ক'রে দান ক'রে গেল যে এই একটা মেয়ের জন্তেও কিছু রেখে গেল না।

শেখর চুপ করিয়া রহিল, গুরুচরণ নিজেই আবার বলিয়া উঠিলেন, আর রেখে গেল না-ই বা বলি কি ক'রে? *সে যত লোকের যত দুঃখ ঘুচিয়েছে, তার সমস্ত ফলটুকুই আমার এই মা'টিকে দিয়ে গেছে, তা নইলে কি এতটুকু মেয়ে এমন অন্নপূর্ণা হ'তে পারে! তুমিই বল না শেখর সত্য কি না?

শেখর হাসিতে লাগিল। জবাব দিল না।

সে উঠিবার উপক্রম করিতেই গুরুচরণ জিজ্ঞাসা করিয়া উঠিলেন, এমন সকালেই কোথা যাচ্ছ?

শেখর বলিল, ব্যারিষ্টারের বাড়ি—একটা কেস আছে। বলিয়া

উঠিয়া দাঁড়াইতেই গুরুচরণ আর একবার স্মরণ করাইয়া বলিলেন, কথাটা একটু মনে রেখো বাবা ! ও একটু শ্রামবর্ণ বটে, কিন্তু চোখ মুখ, এমন হাসি, এত দয়া-মায়া পৃথিবী খুঁজে বেড়ালেও কেউ পাবে না ।

শেখর মাথা নাড়িয়া হাসিমুখে বাহির হইয়া গেল । এই ছেলেটির • বয়স পঁচিশ ছাব্বিশ । এম, এ, পাশ করিয়া এতদিন শিক্ষানবিশি করিতেছিল, গত বৎসর হইতে এটর্নি হইয়াছে । তাহার পিতা নবীন রায় গুড়ের কারবারে লক্ষপতি হইয়া কয়েক বৎসর হইতে ব্যবসা ছাড়িয়া দিয়া ঘরে বসিয়া তেজ্জারতি করিতেছিলেন ; বড় ছেলে অধিনাশ উকিল—ছোট ছেলে এই শেখরনাথ । তাহার প্রকাণ্ড তেতলা বাড়ি পাড়ার স্বাধায় উঠিয়াছিল এবং ইহার একটা খোলা ছাদের সহিত গুরুচরণদের ছাদটা মিশিয়া থাকায় উভয় পরিবারে অত্যন্ত আত্মীয়তা জন্মিয়াছিল । বাড়ির মেয়েরা এই পথেই যাতায়াত করিত ।



শ্রামবাজারের এক বড়লোকের ঘরে বহুদিন হইতে শেখরের বিবাহের কথাবার্তা চলিতেছিল। সেদিন তাঁহারা দেখিতে আসিয়া আগামী মাসের কোন শুভদিন স্থির করিয়া যাইতে চাহিলেন। কিন্তু শেখরের জননী স্বীকার করিলেন না। ঝিকে দিয়া বাহিরে বলিয়া পাঠাইলেন, ছেলে নিজে দেখিয়া পছন্দ করিলে, তবে বিবাহ দিব।

নবীন রায়ের চোখ ছিল শুধু টাকার দিকে, তিনি গৃহিণীর এই গোলমালে কথায় অগ্রসর হইয়া বলিলেন, এ আবার কি কথা? মেয়ে ত দেখাই আছে। কথাবার্তা পাকা হ'য়ে যাক, তার পরে আশীর্বাদ করবার দিন ভাল ক'রে দেখলেই হবে।

তথাপি গৃহিণী সম্মত হইলেন না, পাকা কথা কহিতে দিলেন না। নবীন রায় সে দিন রাগ করিয়া অনেক বেলায় আহার করিলেন এবং দিবানিদ্ৰাটা বাহিরের ঘরেই দিলেন।

শেখরনাথ লোকটা কিছু সৌখীন। সে তেতলায় যে ঘরটিতে থাকে, সেটি অতিশয় সুসজ্জিত। দিন পাঁচ-ছয় পরে একদিন অপরাহ্ন-বেলায় সে সেই ঘরের বড় আয়নার সম্মুখে দাঁড়াইয়া মেয়ে দেখিতে যাইবার জন্ত প্রস্তুত হইতেছিল, ললিতা ঘরে ঢুকিল। ক্ষণকাল নিঃশব্দে চাহিয়া থাকিয়া জিজ্ঞাসা করিল, বৌ দেখতে যাবে না?

শেখর ফিরিয়া চাহিয়া বলিল, এই যে! কৈ, বেশ ক'রে সাজিয়ে দাও দেখি, বৌ যাতে পছন্দ করে।

ললিতা হাসিল। বলিল, এখন ত আমার সময় নেই শেখরনাথ— আমি টাকা নিতে এসেছি, বলিয়া কুলিশের তলা হইতে চাবি লইয়া একটা

দেবাজ খুলিয়া গণিয়া গণিয়া গুটিকয়েক টাকা আঁচলে বাঁধিয়া ঘেন কতকটা নিজের মনেই বলিল, টাকা ত দরকার হলেই নিয়ে যাচ্ছি, কিন্তু এ শোধ হবে কি করে ?

শেখর চুলের একপাশে বুরুশ দিয়া সমস্ত উপরের দিকে তুলিয়া দিয়া ফিরিয়া দাঁড়াইয়া বলিল, শোধ হবে না, হচ্ছে ।

ললিতা বুঝিতে পারিল না, চাহিয়া রহিল ।

শেখর বলিল, চেয়ে রইলে বুঝতে পারলে না ?

ললিতা মাথা নাড়িয়া বলিল, না ।

আরও একটু বড় হও, তখন বুঝতে পারবে, বলিয়া শেখর জুতা পায়ে দিয়া বাহির হইয়া গেল ।

রাত্রে শেখর একটা কোচের উপর চুপ করিয়া শুইয়াছিল, মা আসিয়া ঘরে ঢুকিলেন । সে তাড়াতাড়ি উঠিয়া বসিল । মা একটা চৌকির উপর বসিয়া পড়িয়া বলিলেন, মেয়ে কি রকম দেখে এলি রে ।

শেখর মায়ের মুখের দিকে চাহিয়া বলিল, বেশ ।

শেখরের মায়ের নাম ভুবনেশ্বরী । বয়স প্রায় পঞ্চাশের কাছে আসিয়া ছিল, কিন্তু এমনি সুন্দর তাঁহার দেহের বাঁধন যে দেখিলে পঁয়ত্রিশ-ছত্রিশের অধিক মনে হইত না । আবার এই সুন্দর আবরণের মধ্যে যে মাতৃদেহটি ছিল তাহা আরও নবীন আরও কোমল । তিনি পাড়াগাঁয়ের মেয়ে ; পাড়াগাঁয়ে জন্মিয়া সেইখানেই বড় হইয়াছিলেন বটে, কিন্তু সহরের মধ্যেও তাঁহাকে এক দিনের জন্ত বে-মানান দেখায় নাই । সহরের চাকলা-সজীবতা এবং আচার-ব্যবহারও যেমন তিনি স্বচ্ছন্দে গ্রহণ করিতে পারিয়াছিলেন, জন্মভূমির নিবিড় নিস্তরতা ও মাধুর্য্যও তেমনি হারাইয়া ফেলেন নাই । এমন মাটি যে শেখরের কত বড় গর্বের বস্তু ছিল সে কথা তাহার মাও জানিতেন না । জগদীশ্বর শেখরকে অনেক বস্তু দিয়াছিলেন । অনন্তসাধারণ স্বাস্থ্য, রূপ, ঐশ্বর্য্য, বুদ্ধি—কিন্তু এই জননী

সন্ধান হইতে পারার ভাগ্যটাকেই সে কায়মনে ভগবানের সব চেয়ে বড় দান বলিয়া মনে করিত।

মা বলিলেন, বেশ—ব'লে চুপ ক'রে রইলি যে রে!

শেখর আবার হাসিয়া মুখ নিচু করিয়া বলিল, যা জিজ্ঞেস করলে তাই ত বললুম।

মাও হাসিলেন, বলিলেন, কই বল্লি? রঙ কেমন ফস? কায় মত হবে? আমাদের ললিতার মত?

শেখর মুখ তুলিয়া বলিল, ললিতা ত কালো মা, ওর চেয়ে ফস!

মুখ চোখ কেমন?

তাও মন্দ নয়।

তবে কর্তাকে বলি?

এবার শেখর চুপ করিয়া রহিল।

মা ক্ষণকাল পুত্রের মুখের দিকে চাহিয়া থাকিয়া হঠাৎ জিজ্ঞাসা করিয়া উঠিলেন, হাঁ রে, মেয়েটি লেখাপড়া শিখেছে কেমন?

শেখর বলিল, সে ত জিজ্ঞেস করি নি মা!

অতিশয় আশ্চর্য্য হইয়া মা বলিলেন, জিজ্ঞেস করিস নি কি রে! যেটা আজকাল তোদের সব চেয়ে দরকারি জিনিস সেইটেই জেনে আসিস্ নি?

ছেলের কথা শুনিয়া একবার তিনি অতিশয় বিস্মিত হইয়া ক্ষণকাল তাহার মুখপানে চাহিয়া থাকিয়া হাসিয়া উঠিয়া বলিলেন, তবে তুই ওখানে বিয়ে করবি নে দেখচি।

শেখর কি একটা বলিতে যাইতেছিল, কিন্তু এই সময় ললিতাকে ঘরে ঢুকিতে দেখিয়া চুপ করিয়া গেল। ললিতা ধীরে ধীরে ভুবনেশ্বরীর পিছনে আসিয়া দাঁড়াইল, তিনি বাঁ হাত দিয়া তাহাকে স্নুখের দিকে টানিয়া আনিয়া বলিলেন, কি মা?

ললিতা চুপি চুপি বলিল, কিছু না মা।

ললিতা পূর্বে ইহাকে মাসিমা বলিত, কিন্তু তিনি নিষেধ করিয়া দিয়া বলিয়াছিলেন, তোর আমি ত মাসি হইনে ললিতে, মা হই। তখন হইতে সে মা বলিয়া ডাকিত। ভুবনেশ্বরী তাহাকে বুকের আরো কাছে টানিয়া লইয়া আদর করিয়া বলিলেন, কিছু না? তবে বুঝি আমাকে শুধু একবার দেখতে এসেছিস?

ললিতা চুপ করিয়া রহিল।

শেখর কহিল, দেখতে এসেচ, রাঁধ্বে কখন?

মা বলিলেন, রাঁধ্বে কেন?

শেখর আশ্চর্য হইয়া জিজ্ঞাসা করিল, কে তবে ওদের রাঁধ্বে মা? ~~কিন্তু~~ মামাও ত সেদিন বল্লেন, ললিতাই রাঁধা-বাড়া সব কাজ করবে।

মা হাসিয়া উঠিলেন। বলিলেন, ওর মামার কি, যা হোক একটা বল্লেই হল! ওর বিয়ে হয় নি, ওর হাতে থাকে কে? আমাদের বামুন-ঠাকুরগণকে পাঠিয়ে দিয়েচি, তিনি রাঁধবেন। বড়বোমা আমাদের রান্নাবান্না করচেন—আমি দুপুর-বেলা ওদের বাড়িতেই আজকাল থাই।

শেখর বুঝিল, মা এই দুঃখী পরিবারের গুরুভার হাতে তুলিয়া লইয়াছেন; সে একটা তৃপ্তির নিশ্বাস ফেলিয়া চুপ করিল।

মাস-খানেক পরে একদিন সন্ধ্যার পর শেখর-নিজের ঘরে কোচের উপর কাৎ হইয়া একখানি ইংরাজী নভেল পড়িতেছিল। বেশ মন লাগিয়া গিয়াছিল, এমন সময় ললিতা ঘরে ঢুকিয়া বালিশের তলা হইতে চাবি লইয়া শব্দ-মাড়া করিয়া দেরাজ খুলিতে লাগিল। শেখর বই হইতে মুখ না তুলিয়াই বলিল, কি!

ললিতা বলিল, টাকা নিচ্ছি।

হঁ, বলিয়া শেখর পড়িতে লাগিল। ললিতা আঁচলে টাকা বাধিয়া

উঠিয়া দাঁড়াইল। আজ সাজিয়া-গুজিয়া আসিয়াছিল, তাহার ইচ্ছা শেখর চাহিয়া দেখে। কহিল, দশটা টাকা নিলুম শেখরদা।

শেখর 'আচ্ছা' বলিল, কিন্তু চাহিয়া দেখিল না। অগত্যা সে এটা ওটা নাড়িতে লাগিল, মিছামিছি দেরি করিতে লাগিল, কিন্তু কিছুতেই কোন ফল হইল না, তখন ধীরে ধীরে বাহির হইয়া গেল। কিন্তু গেলেই ত চলে না, আবার তাহাকে কিরিয়া আসিয়া দোরগোড়ায় দাঁড়াইতে হইল। আজ তাহারা থিয়েটার দেখিতে যাইবে।

শেখরের বিনা হুকুমে সে যে কোথাও যাইতে পারে না, ইহা সে জানিত। কেহই তাহাকে ইহা বলিয়া দেয় নাই, কিংবা কেন, কি জন্য, এ সব তর্কও কোন দিন মনে উঠে নাই। কিন্তু জীবমাত্রেরই যে একটা স্বাভাবিক সহজ বুদ্ধি আছে, সেই বুদ্ধিই তাহাকে শিখাইয়া দিয়াছিল; অপরে যাহা ইচ্ছা করিতে পারে, যেখানে খুসী যাইতে পারে, কিন্তু সে পারে না। সে স্বাধীনও নয় এবং মামা-মামির অশ্রমতিই তাহার পক্ষে যথেষ্ট নয়। সে দ্বারের অন্তরালে দাঁড়াইয়া আস্তে আস্তে বলিল, আমরা যে থিয়েটার দেখতে যাচ্ছি।

তাহার মুহূর্ত্ত শেখরের কানে গেল না—সে জবাব দিল না।

ললিতা তখন আরো একটু গলা-চড়াইয়া বলিল, সবাই আমার জন্তে দাঁড়িয়ে রয়েছে যে!

এবার শেখর শুনিতে পাইল, বইখানা একপাশে নামাইয়া রাখিয়া জিজ্ঞাসা করিল, কি হয়েছে?

ললিতা একটুখানি রুষ্টভাবে বলিল, এতক্ষণে বুঝি কানে গেল! আমরা থিয়েটারে যাচ্ছি যে।

শেখর বলিল, আমরা কারা?

আমি, আম্মাকালী, চারুবালা, তার মামা।

মামাটি কে?

ললিতা বলিল, তাঁর নাম গিরীনবাবু। পাঁচ-ছ দিন হ'ল মুন্সেরের বাড়ি থেকে এসেছেন, এখানে বি, এ, পড়বেন—বেশ লোক সে—

বাঃ—নাম, ধর্ম, পেশা—এই যে দিবিয়া আলাপ হু'য়ে গেছে দেখচি। তাতেই চার-পাঁচ দিন মাথার টিকিটি পর্য্যন্ত দেখতে পাই নি—তাস খেলা হচ্ছিল বোধ করি ?

হঠাৎ শেখরের কথা বলার ধরণ দেখিয়া ললিতা ভয় পাইয়া গেল। সে মনেও করে নাই, এরূপ একটা প্রশ্নও উঠিতে পারে। সে চুপ করিয়া রহিল।

শেখর বলিল, এ ক'দিন খুব তাস চলছিল, না ?

ললিতা ঢোক গিলিয়া মুহূর্ত্তেরে কহিল, চাক্ষু বললে যে।

চাক্ষু বললে ? কি বললে ? বলিয়া শেখর মাথা তুলিয়া একবার চাহিয়া দেখিয়া কহিল, একেবারে কাপড় পরে তৈরি হু'য়ে আসা হু'য়েছে, —আচ্ছা যাও।

ললিতা গেল না, সেইখানেই চুপ করিয়া দাঁড়াইয়া রহিল।

পাশের বাড়ির চাক্ষুবালা তাহার সমবয়সী এবং সহী। তাহারা ব্রাহ্ম। শেখর ঐ গিরীনকে ছাড়া তাহাদের সকলকেই চিনিত। গিরীন পাঁচ-সাত বৎসর পূর্বে কিছু দিনের জন্ত একবার এদিকে আসিয়াছিল। এত দিন বাকিপুরে পড়িত, কলিকাতায় আসিবার প্রয়োজনও হয় নাই, আসেও নাই। তাই শেখর তাহাকে চিনিত না; ললিতা তথাপি দাঁড়াইয়া আছে দেখিয়া বলিল, মিছে দাঁড়িয়ে রইলে কেন, যাও। বলিয়া মুখের স্রুখে বই তুলিয়া লইল।

মিনিট-পাঁচেক চুপ করিয়া থাকার পর ললিতা আবার আস্তে আস্তে জিজ্ঞাসা করিল, যাব ?

যেতেই ত বললুম ললিতা।

শেখরের ভাব দেখিয়া ললিতার খিয়েটার দেখিবার সাধ লোপ পাইল, কিন্তু তাহার না গেলেও যে নয়।

কথা হইয়াছিল, সে অর্ধেক খরচ দিবে এবং চাকর মামা অর্ধেক দিবে।

চাকরদের ওখানে সকলেই তাহার জন্য অধীর হইয়া অপেক্ষা করিতেছে এবং যত বিলম্ব হইতেছে তাহাদের অধৈর্য্যও তত বাড়িতেছে ইহা সে চোখের উপর দেখিতে লাগিল কিন্তু উপায়ও খুঁজিয়া পাইল না। অল্পমতি না পাইয়া ঘাইবে এত সাহস তাহার ছিল না। আবার মিনিট দুই-তিন নিঃশব্দে থাকিয়া বলিল, শুধু আজকের দিনটি—যাব ?

শেখর বইটা একপাশে ফেলিয়া দিয়া ধমকাইয়া উঠিল, বিরক্ত ক'রো না ললিতা, যেতে ইচ্ছে হয় যাও, ভাল মন্দ বোঝবার তোমার যথেষ্ট বয়স হয়েছে।

ললিতা চমকাইয়া উঠিল। শেখরের কাছে বকুনি খাওয়া তাহার নূতন নহে; অভ্যাস ছিল বটে, কিন্তু দু-তিন বৎসরের মধ্যে এরকম শুনে নাই। ওদিকে বন্ধুরা অপেক্ষা করিয়া আছে, সেও কাপড় পরিয়া প্রস্তুত হইয়াছে, ইতিমধ্যে টাকা আনিতে আসিয়া এই বিপত্তি ঘটিয়াছে। এখন তাহাদের কাছেই বা সে কি বলিবে ?

কোথাও যাওয়া-আসা সম্বন্ধে আজ পর্য্যন্ত তাহার শেখরের তরফ হইতে অবাধ স্বাধীনতা ছিল, সেই জোরেই সে একেবারে কাপড় পরিয়া সাজিয়া আসিয়াছিল, এখন শুধু যে সেই স্বাধীনতাই এমন রুঢ়ভাবে খর্ব্ব হইয়া গেল তাহা নহে, যে জন্য হইল সে কারণটা যে কত বড় লজ্জার তাহাই আজ তাহার তেরো বছর বয়সে প্রথম উপলব্ধি করিয়া সে মরমে মরিয়া ঘাইতে লাগিল। অভিমানে চোখ অশ্রুপূর্ণ করিয়া সে, আরো মিনিট-পাঁচেক নিঃশব্দে দাঁড়াইয়া থাকিয়া চোখ মুছিতে মুছিতে চলিয়া গেল। নিজের ঘরে গিয়া ঝিকে দিয়া আল্মাকালীকে ডাকাইয়া আনিয়া তাহার হাতে দশটা টাকা দিয়া কহিল, তোরা আজ যা কালী, আমার বড় অস্থখ কচ্চে, সইকে বল গে আমি যেতে পারুব না।

কালী জিজ্ঞাসা করিল, কি অস্থখ সের্জদি ?

মাথা ধরেচে, গা বমি বমি কচ্ছে—ভারি অসুখ কচ্ছে, বলিয়া সে বিছানায় পাশ ফিরিয়া শুইল। তার পর চাকু আসিয়া সাধাসাধি করিল, পীড়াপীড়ি করিল, মামিমাকে দিয়া সুপারিশ করাইল কিন্তু কিছুতে তাহাকে রাজী করিতে পারিল না। আল্লাকালী হাতে দশটা টাকা পাইয়া যাইবার জন্ত ছটফট করিতেছিল। পাছে, এই সব হাদ্দামায় পড়িয়া যাওয়া না ঘটে এই ভয়ে সে চাকুকে আড়ালে ডাকিয়া টাকা দেখাইয়া বলিল, সেজ্জদির অসুখ কচ্ছে সে নাই গেল চাকুদি! আমাকে টাকা দিচ্ছে, এই জাখো—আমরা যাই চল। চাকু বুঝিল, আল্লাকালী বয়সে ছোট হইলেও বুদ্ধিতে কাহারো চেয়ে খাটো নয়। সে সম্মত হইয়া তাহাকে সঙ্গে করিয়া চলিয়া গেল।

তৃতীয় পরিচ্ছেদ

চাকরবালার মা মনোরমার তাস খেলার চেয়ে প্রিয় বস্তু আর কিছুই ছিল না। কিন্তু খেলার বৌক যতটা ছিল দক্ষতা ততটা ছিল না। তাঁহার এই ক্রটি শুধরাইয়া যাইত ললিতাকে পাইলে। সে খুব ভাল খেলিতে পারিত। মনোরমার মামাত ভাই গিরীন আসা পর্যন্ত একদিন সমস্ত দুপুর-বেলা তাঁহার ঘরে তাসের বিরাট আড্ডা বসিতেছিল। গিরীন পুরুষমানুষ, খেলে ভাল, সুতরাং তার বিপক্ষে বসিতে গেলে মনোরমার ললিতাকে চাই-ই।

খিয়েটার দেখার পরের দিন যথা সময়ে ললিতা উপস্থিত হইল না দেখিয়া মনোরমা ঝিকে পাঠাইয়া দিলেন। ললিতা তখন একটা মোটা খাতায় একখানা ইংরাজী বই হইতে বাঙ্গালা তর্জমা করিতেছিল, গেল না।

তাহার সই আসিয়াও কিছু করিতে পারিল না, তখন মনোরমা নিজে আসিয়া তাহার খাতাপত্র একদিকে টান মারিয়া সরাইয়া দিয়া বলিলেন, নে, ওঠ। বড় হ'য়ে তোকে জজিয়তি করিতে হবে না, বরং তাস খেলতেই হবে—চল।

ললিতা মনে মনে অত্যন্ত বিপদগ্রস্ত হইয়া কঁাদ কঁাদ হইয়া জানাইল, আজ তাহার কিছুতেই যাইবার ঘো নাই, বরং কাল যাইবে। মনোরমা কিছুতেই শুনিলেন না, অবশেষে মামিমাকে জানাইয়া তুলিয়া লইয়া গেলেন। সুতরাং তাহাকে আজও গিয়া গিরীনের বিপক্ষে বলিয়া তাস খেলিতে হইল। কিন্তু খেলা জমিল না। এদিকে সে এতটুকু মন দিতে পারিল না। সমস্ত সময়টা আড় হইয়া রহিল এবং বেলা না পড়িতেই উঠিয়া পড়িল। যাইবার সময় গিরীন বলিল, রাত্রে আপনি টাকা পাঠিয়ে দিলেন কিন্তু গেলেন না, কাল আবার যাই চলুন।

ললিতা মাথা নাড়িয়া মৃদুকণ্ঠে বলিল, না, আমার বড় অসুখ করেছিল।

গিরীন হাসিয়া বলিল, এখন ত অসুখ সেরেচে, চলুন কাল যেতে হবে।

না না, কাল আমার সময় হবে না, বলিয়া ললিতা দ্রুতপদে প্রস্থান করিল। আজ শুধু যে শেখরের ভয়ে তাহার খেলায় মন লাগে নাই, তাহা নহে, তাহার নিজেদের ভারি লজ্জা করিতেছিল।

শেখরের বাটির মত, এই বাটিতেও সে ছেলে-বেলা হইতে আসা-যাওয়া করিয়াছে এবং ঘরের লোকের মতই সকলের স্নমুখে বাহির হইয়াছে। তাই চাকুর মামার স্নমুখেও বাহির হইতে, কথা বলিতে, প্রথম হইতেই তাহার কোনও দ্বিধা হয় নাই। কিন্তু আজ গিরীনের স্নমুখে বসিয়া সমস্ত খেলার সময়টা কেমন করিয়া যেন তাহার কেবলি মনে হইতেছিল, এই কয়দিনের পরিচয়েই গিরীন তাহাকে একটু বিশেষ প্রীতির চোখে দেখিতেছে। পুরুষের প্রীতির চক্ষু যে এত বড় লজ্জার বস্ত্র তাহা সে ইতিপূর্বে কল্পনাও করে নাই।

বাড়িতে একবার দেখা দিয়াই সে তাড়াতাড়ি ও-বাড়িতে শেখর-ঘরে গিয়া ঢুকিল এবং একেবারে কাজে লাগিয়া গেল। ছেলে-বেলা হইতে এ ঘরের ছোটোখাটো কাজগুলো তাহাকেই করিতে হইত। বড় প্রভৃতি গুছাইয়া তুলিয়া রাখা, টেবিল সাজাইয়া দেওয়া, দোয়াত কলম ঝাড়িয়া মুছিয়া ঠিক করিয়া রাখা, এ সমস্ত না করিলে আর কেহ করিত না। ছয়-সাত দিনের অবহেলায় অনেক কাজ জমিয়া গিয়াছিল, সেই সমস্ত দ্রুত সে শেখরের ফিরিয়া আসিবার পূর্বেই নিঃশেষ করিয়া ফেলিতে কোমর বাঁধিয়া লাগিয়া গেল।

ললিতা সময় পাইলেই কাছে কাছে থাকিত এবং সে নিজে কাহাকেও পর মনে করিত না বলিয়া এ-বাড়িতে তাহাকেও কেহ পর মনে করিত

না। আট বছর বয়সে মা-বাপ হারাইয়া আমার বাড়িতে প্রবেশ করিয়াছিল, তখন হইতে সে ছোট বোনটির মত শেখরের আশেপাশে ঘুরিয়া তাহার কাছে লেখাপড়া শিখিয়া মানুষ হইতেছে।

সে যে শেখরের বিশেষ স্নেহের পাত্রী তাহা সবাই জানিত, শুধু সেই স্নেহ যে এখন কোথায় উঠিয়াছে তাহাই কেহ জানিত না, ললিতাও না। শিশুকাল হইতে শেখরের কাছে তাহাকে একই ভাবে এত অপরিপাক আদর পাইতে সবাই দেখিয়া আসিয়াছে যে, আজ পর্যন্ত তাহার কোন আদরই কাহার চোখে বিসদৃশ বোধ হয় না, কিংবা কোন ব্যবহারই কাহারও দৃষ্টি আকর্ষণ করে না। করে না বলিয়াই সে যে কোনও দিন বধুরূপে এই গৃহে প্রতিষ্ঠিত হইতে পারে সে সম্ভাবনাও কাহারও মনে উদয় হয় নাই। ললিতাদের বাড়িতেও হয় নাই, ভুবনেশ্বরীর মনেও হয় নাই।

ললিতা ভাবিয়া রাখিয়াছিল কাজ শেষ করিয়া শেখর আসিবার পূর্বেই চলিয়া যাইবে, কিন্তু অকস্মাতক্ ছিল বলিয়া ঘড়ির দিকে নজর করে নাই। হঠাৎ দ্বারের বাহিরে জুতার মস্ মস্ শব্দ শুনিয়া মুখ তুলিয়াই একপাশে সরিয়া দাঁড়াইল।

শেখর ঘরে ঢুকিয়াই বলিল, এই যে! কাল তা হ'লে ফিরতে কত রাত হ'ল?

ললিতা জবাব দিল না।

শেখর একটা গদি-আঁটা আরাম-চৌকির উপর হেলান দিয়া শুইয়া পড়িয়া বলিল, ফেরা হ'ল কখন? দু'টো? তিনটে? মুখে কথা নেই কেন? ললিতা ভেমনি চূপ করিয়া দাঁড়াইয়া রহিল।

শেখর বিরক্ত হইয়া বলিল, নিচে যাও, মা ডাকছেন।

ভুবনেশ্বরী ভাঁড়ারের স্নমুখে বসিয়া জলখাবার সাজাইতেছিলেন, ললিতা কাছে আসিয়া বসিয়া বলিল, ডাকছিলে মা?

কৈ ডাকি নি ত, বলিয়া তিনি মুখ তুলিয়া তাহার মুখের পানে চাহিয়া বলিলেন, মুখখানি এমন শুকনো কেন ললিতে? কিছু খাস্ নি বুঝি এখনো?

ললিতা ঘাড় নাড়িল।

ভুবনেশ্বরী বলিলেন, আচ্ছা যা তোঁর দাদাকে খাবার দিয়ে আমার কাছে আয়!

ললিতা খাবার হাতে করিয়া খানিক পরে, উপরে আসিয়া দেখিল, তখনো শেখর তেমনি ভাবে চোখ বুজিয়া পড়িয়া আছে, আফিসের পোষাকও ছাড়ে নাই, হাতমুখও ধোয় নাই। কাছে আসিয়া আস্তে আস্তে বলিল, খাবার এনেচি।

শেখর চাহিয়া দেখিল না। বলিল, কোথাও রেখে দিয়ে যাও।

ললিতা রাখিয়া দিল না, হাতে করিয়া চুপ করিয়া দাঁড়াইয়া রহিল।

শেখর না চাহিয়াও বুঝিতেছিল, ললিতা যায় নাই দাঁড়াইয়া আছে, মিনিট দুই-তিন নিঃশব্দে থাকিয়া বলিল, কতক্ষণ দাঁড়িয়ে থাক্বে ললিতা, আমার দেরি আছে, রেখে নিচে যাও।

ললিতা চুপ করিয়া দাঁড়াইয়া মনে মনে রাগিতেছিল, মৃহ স্বরে বলিল, থাক্ দেরি, আমায়ো নিচে কোন কাজ নেই।

শেখর চোখ চাহিয়া হাসিয়া বলিল, এই যে কথা বেরিয়েচে! নিচে কাজ না থাকে ও-বাড়িতে আছে ত? তাও-না থাকে তার পরের বাড়িতেও আছে ত? বাড়ি ত তোমার একটি নয় ললিতে!

নয়ই ত! বলিয়া রাগ করিয়া ললিতা খাবারের থালাটা হুম্ করিয়া টেবিলে রাখিয়া দিয়া হন্ হন্ করিয়া বাহির হইয়া গেল।

শেখর চেঁচাইয়া বলিল, সন্ধ্যার পরে একবার এসো।

একশবার আমি ওপর নিচে কর্ত্তে পারি নে, বলিয়া ললিতা চলিয়া গেল।


নিচে আসিবাঁমাড়ই মা বলিলেন, দাদাকে তোঁর খাবার দিয়ে এলি, পান দিয়ে এলি নে রে !

আমার ক্ষিদে পেয়েছে মা, আমি আর পারি নে, আর কেউ দিয়ে আসুক, বলিয়া ললিতা বসিয়া পড়িল ।

মা তাহার কষ্ট মুখের পানে চাহিয়া একটুখানি হাসিয়া বলিলেন, আচ্ছা, তুই খেতে বোস, ঝিকে পাঠিয়ে দিচ্ছি ।

ললিতা প্রত্যুত্তর না করিয়া খাইতে বসিয়া গেল ।

সে থিয়েটার দেখিতে যায় নাই—তবু শেখর তাহাকে বকিয়াছিল, এই রাগে সে চার-পাঁচ দিন শেখরকে দেখা দেয় নাই, অথচ সে আফিসে চলিয়া গেলে দুপুর-বেলা গিয়া ঘরের কাজ করিয়া দিত । শেখর নিজের ভুল বুঝিতে পারিয়া তাহাকে দুদিন ডাকিয়া পাঠাইয়াছিল তথাপি সে যায় নাই ।



চতুর্থ পরিচ্ছেদ

এ পাড়ার একজন অতিবৃদ্ধ ভিক্ষুক মাঝে মাঝে ভিক্ষা করিতে আসিত, তাহার উপর ললিতার বড় দয়া ছিল, আসিলেই তাহাকে একটি করিয়া টাকা দিত। টাকাটি হাতে পাইয়া সে যে সমস্ত অপূৰ্ণ এবং অসম্ভব আশীর্বাদ উচ্চারণ করিতে থাকিত, সেইগুলি শুনিতে সে অতিশয় ভালবাসিত। সে বলিত, ললিতা পূৰ্ব্বজন্মে তাহার আপনার মা ছিল, এবং ইহা সে ললিতাকে দেখিবামাত্রই কেমন করিয়া চিনিতে পারিয়াছিল। সেই বৃদ্ধা ছেলেটি তাহার আজ সকালেই দ্বারে আসিয়া উচ্চকণ্ঠে ডাক দিল, আমার মা-জননী কোথায় গো?

সন্তানের আহ্বানে আজ ললিতা কিছু বিব্রত হইয়া পড়িল। এখন শেখর ঘরে আছে, সে টাকা আনিতে যায় কিরূপে? এদিক্ সেদিক্ চাহিয়া মামির কাছে গেল। মামি এইমাত্র ঝির সহিত বকা-বকি করিয়া বিরক্ত-মুখে রান্ধিতে বসিয়াছিলেন, তাঁহাকে কিছু না বলিতে পারিয়া সে কিরিয়া আসিয়া মুখ বাড়াইয়া দেখিল, ভিক্ষুক দোরগোড়ায় লাঠিটি ঠেস্ দিয়া রাখিয়া বেশ চাপিয়া বসিয়াছে। ইতিপূর্বে ললিতা কখনও তাহাকে নিরাশ করে নাই, আজ শুধু হাতে কিরাইয়া দিতে তাহার মন সরিল না।

ভিক্ষুক আবার ডাক দিল।

আগ্নাকালী ছুটিয়া আসিয়া সংবাদ দিল, সেজদি, তোমার সেই ছেলে এসেচে।

ললিতা বলিল, কালী, একটা কাজ কর্ না ভাই। আমার হাত জোড়া, তুই একটবার ছুটে গিয়ে শেখরদার কাছ থেকে একটা টাকা নিয়ে আয়!

কালী ছুটিয়া চলিয়া গেল, খানিক পরে তেমনি ছুটিয়া আসিয়া ললিতার হাতে একটা টাকা দিয়া বলিল, এই নাও।

ললিতা জিজ্ঞাসা করিল, শেখরদা কি বললে রে ?

কিছু না! আমাকে বললে চাপকানের পকেট থেকে নিতে, আমি নিয়ে এলুম!

আর কিছু বললে না ?

না, আর কিছু না, বলিয়া আন্না কালী ঘাড় নাড়িয়া খেলা করিতে চলিয়া গেল।

ললিতা ভিক্ষুক বিদায় করিল; কিন্তু অল্প দিনের মত দাঁড়াইয়া থাকিয়া তাহার বাক্যচ্ছটা শুনিতে পারিল না—ভালই লাগিল না।

এ-কয়দিন তাহাদের আড্ডা পূর্ণ-তেজে চলিতেছিল, আজ দুপুর-বেলা ললিতা গেল না, মাথা ধরিয়াছে বলিয়া শুইয়া রহিল। আজ সত্য-সত্যই তাহার ভারী মন খারাপ হইয়া গিয়াছিল। বিকাল-বেলা কালীকে কাছে ডাকিয়া বলিল, কালী তুই পড়া ব'লে নিতে শেখরদার ঘর আর যাস নে ?

কালী মাথা নাড়িয়া বলিল, হাঁ যাই ত ?

আমার কথা শেখরদা জিজ্ঞেস করে না ?

না। হাঁ, হাঁ, পরশু করেছিল—তুমি দুপুর-বেলা তাস খেল কি না ?

ললিতা উদ্বিগ্ন হইয়া প্রশ্ন করিল, তুই কি বললি ?

কালী বলিল, তুমি দুপুর-বেলা চারুদিদিদের বাড়ি তাস খেলতে যাও, তাই বললুম। শেখরদা বললে, কে কে খেলে ? আমি বললুম, তুমি আর সইমা, চারুদিদি আর তার মামা, আচ্ছা, তুমি ভাল খেলো না চারুদিদির মামা ভাল খেলে সেজদি ? সইমা বলে তুমি ভালো খেলো, না ?

ললিতা সে কথার জবাব না দিয়া হঠাৎ অত্যন্ত বিরক্ত হইয়া

বলিল, তুই অত কথা বলতে গেলি কেন? সব কথায় তোর কথা কওয়া চাই, আর কোন দিন তোকে আমি কিছু দেব না, বলিয়া রাগ করিয়া চলিয়া গেল।

কালী অবাক হইয়া গেল। তাহার এই আকস্মিক ভাবপরিবর্তনের হেতু সে কিছুই বুঝিল না।

মনোরমার তাস খেলা দুদিন বন্ধ হইয়াছে—ললিতা আসে না। তাহাকে দেখিয়া অবধি গিরীন যে আকুষ্ট হইয়াছিল, তাহা প্রথম হইতেই মনোরমা সন্দেহ করিয়াছিলেন, তাহার সেই সন্দেহ আজ স্ফুট হইল।

এই দুই দিন গিরীন কি এক রকম উৎসুক ও অন্তমনস্ক হইয়াছিল। অপরাহ্নে বেড়াইতে বাইত না, যখন তখন বাড়ির ভিতরে আসিয়া এঘর ওঘর করিত, আজ দুপুর-বেলা আসিয়া বলিল, দিদি, আজও খেলা হবে না?

মনোরমা বলিলেন, কি ক'রে হবে গিরীন, লোক কৈ? না হয়, আর আমরা তিনজনেই খেলি।

গিরীন নিরুৎসাহভরে বলিল, তিনজনে খেলা হয় দিদি? ও-বাড়ির ললিতাকে একবার ডাকতে পাঠাও না।

সে আসবে না।

গিরীন বিষম্ব হইয়া কহিল, কেন আসবে না, ওদের বাড়িতে মানা ক'রে দিচ্ছে বোধ হয়, না?

মনোরমা ঘাড় নাড়িয়া বলিলেন, না, ওর মামা মামি সে রকম মানুষ নয়—সে নিজেই আসে না।

গিরীন হঠাৎ খুসি হইয়া বলিল, তা হ'লে তুমি নিজে আর একবার গেলেই আসবে, কথাটা বলিয়া ফেলিয়া সে নিজের মনেই ভারী অপ্রতিভ হইয়া গেল।

মনোরমা হাসিয়া ফেলিলেন—আচ্ছা তাই যাই, বলিয়া চলিয়া গেলেন এবং খানিক পরে ললিতাকে ধরিয়া আনিয়া তাস পাড়িয়া বসিলেন।

দুদিন খেলা হয় নাই, আজ অল্প সময়ের মধ্যেই বেশ জমিয়া গেল। ললিতারা জ্বিতিতেছিল।

ঘণ্টা-দুই পরে সহসা কালী আসিয়া দাঁড়াইয়াই বলিল, সেজদি, শেখরদা ডাক্‌চেন—জল্‌দি!

ললিতার মুখ পাণ্ডুর হইয়া গেল, তাস দেওয়া বন্ধ করিয়া বলিল, শেখরদা আফিসে যান্‌ নি?

কি জানি, চলে এসেচেন, বলিয়া সে ঘাড় নাড়িয়া প্রস্থান করিল।

ললিতা তাস রাখিয়া দিয়া, মনোরমার মুখ পানে চাহিয়া কুণ্ঠিতভাবে বলিল, যাই সইমা।

মনোরমা তাহার হাত ধরিয়া বলিলেন, সে কিরে, আর দুহাত দেখে যা!

ললিতা ব্যস্ত হইয়া উঠিয়া দাঁড়াইয়া বলিল, না সইমা, ইনি তা' হ'লে বড় রাগ করবেন, বলিয়া দ্রুতপদে চলিয়া গেল।

গিরীন প্রস্থ করিল, শেখরদা আবার কে দিদি?

মনোরমা বলিলেন, ঐ যে হুমুখের ফটকওয়ালা বাড়িটা।

গিরীন ঘাড় নাড়িয়া বলিল, ও—ওই বাড়ির নবীনবাবু ঠুন্দের আত্মীয় বুঝি?

মনোরমা মেয়ের মুখের পানে চাহিয়া একটুখানি হাসিয়া বলিলেন, আত্মীয় কেমন? ললিতাদের ঐ ভিটেটুকু পর্য্যন্ত বুড়ো আত্মসাৎ করবার ফিকিরে আছেন। গিরীন আশ্চর্য্য হইয়া চাহিয়া রহিল।

মনোরমা তখন গল্প করিতে লাগিলেন, কেমন করিয়া গত বৎসর টাকার অভাবে গুরুচরণবাবুর সেজ মেয়ের বিবাহ হইতেছিল না, পরে অসম্ভব হুদে নবীন রায় টাকা ধার দিয়া বাড়িখানি বাঁধা রাখিয়াছেন।

এ টাকা কোন দিন শোধ হইবে না এবং অবশেষে বাড়িটা নবীন রায়ই গ্রহণ করিবেন।

মনোরমা সমস্ত কথা বলিয়া পরিশেষে মন্তব্য প্রকাশ করিলেন, বুড়ার আন্তরিক ইচ্ছা গুরুচরণবাবুর ভাড়া বাড়িটি ভাঙিয়া ফেলিয়া ঐখানে ছোট ছেলে শেখরের জন্য একটি বড় রকমের বাড়ি তৈরি করেন—তুই ছেলের তুই আলাদা বাড়ি—মংলব মন্দ নয়।

ইতিহাস শুনিয়া গিরীনের ক্রেশ বোধ হইতেছিল, জিজ্ঞাসা করিল, আচ্ছা দিদি, গুরুচরণবাবুর আরও ত মেয়ে আছে, তাদেরি বা বিয়ে কি ক'রে দেবেন ?

মনোরমা বলিলেন, নিজের ত আছেই, তা ছাড়া ললিতা। ওর বাপ-মা নেই, সমস্ত ভার ঐ গরীবের ওপর। বড় হ'য়ে উঠেচে, এই বছরের মধ্যে বিয়ে না দিলেই নয়। ওদের সমাজে সাহায্য করতে কেউ নেই, জাত নিতে সবাই আছে—আমরা বেশ আছি গিরীন।

গিরীন চূপ করিয়া রহিল, তিনি বলিতে লাগিলেন, সেদিন ললিতার কথা নিয়েই ওর মামি আমার কাছে কৈদে ফেললে—কি ক'রে যে কি হবে তার কিছুই স্থির নেই—ওর ভাবনা ভেবেই গুরুচরণবাবুর পেটে অন্ন-জল যায় না—হাঁ গিরীন, মুন্সেরে তাদের কোন বন্ধু-বান্ধব এমন নেই যে, শুধু মেয়ে দেখে- বিয়ে করে ? অমন মেয়ে কিন্তু পাওয়া শক্ত।

গিরীন বিষণ্ণভাবে মুহূ হাসিয়া বলিল, বন্ধু-বান্ধব আর পাব কোথায় দিদি, তবে টাকা দিয়ে আমি সাহায্য করতে পারি।

গিরীনের পিতা ডাক্তারি করিয়া অনেক টাকা এবং বিষয়-সম্পত্তি রাখিয়া গিয়াছেন সে সমস্তই এখন সে মালিক।

মনোরমা বলিলেন, টাকা তুই ধার দিবি ?

ধার আর কি দেব দিদি—ইচ্ছে হয়, উনি শোধ দেবেন; না হয় নাই দেবেন।

মনোরমা বিস্মিত হইলেন। বলিলেন, তোর টাকা দিয়ে লাভ ? ওরা আমাদের আত্মীয়ও নয়, সমাজের লোকও নয়—এমনি কে কাকে টাকা দেয় ?

গিরীন তাহার বোনের মুখের পানে চাহিয়া হাসিতে লাগিল, তার পরে কহিল, সমাজের লোক নাই হলেন, বান্ধালী ত ? ওঁর একান্ত অভাব, আর আমার বিস্তর রয়েছে—তুমি একবার ব'লে দেখো না দিদি, উনি যদি নিতে রাজী হন আমি দিতে পারি। ললিতা তাঁদেরও কেউ নয়, আমাদেরও কেউ নয়—তার বিয়ের সমস্ত খরচ না হয় আমিই দেব।

তাহার কথা শুনিয়া মনোরমা বিশেষ সন্তুষ্ট হইলেন না; ইহাতে তাঁহার নিজের ক্ষতিবৃদ্ধি কিছুই নাই বটে, তথাপি এত টাকা একজন আর একজনকে দিতেছে দেখিলে অনেক জ্বীলোকই প্রসন্ন-চিত্তে গ্রহণ করিতে পারে না।

চারু এতক্ষণ চুপ করিয়া শুনিতেছিল, সে মহা খুসী হইয়া লাফাইয়া উঠিল, বলিল, তাই দাও মামা, আমি সহীমাকে বলে আসচি !

তাহার মা ধমক্ দিয়া বলিলেন, তুই খাম্ চারু, ছেলেমানুষ এ-সব কথায় থাকিস্ নে ! বলতে হয় আমিই বলব।

গিরীন কহিল, তাই ব'লো দিদি। পরশু রাস্তার উপর দাঁড়িয়েই গুরুচরণবাবুর সঙ্গে একটুখানি আলাপ হয়েছিল, কথায়-বার্তায় মনে হ'ল—বেশ সরল লোক; তুমি কি বল ?

মনোরমা বলিলেন, আমিও তাই বলি, সবাই তাই বলে। ওঁরা আমি-জ্বী ছ'জনেই বড় সাদা-সিদে মানুষ ? সেই জগাই ত দুঃখ হয় গিরীন, অমন লোকটাকে হয় ত বাড়ি-ঘর ছেড়ে নিরাশ্রয় হ'তে হবে। তার সাক্ষী দেখ'লি নে গিরীন, শেখরবাবু ডাকচেন বলতেই ললিতা

কি রকম তাড়াতাড়ি উঠে পালানো ; বাড়ি-স্বদ্ধ লোক ওদের কাছে যেন বিক্রী হয়ে আছে। কিন্তু যত খোসামোদই করুক না কেন নবীন রায়ের হাতে গিয়ে একবার যখন পড়েচে রেহাই পাবে এ ভরসা কেউ করে না !

গিরীন জিজ্ঞাসা করিল, তা হ'লে বলবে ত দিদি ?

“ আচ্ছা, জিজ্ঞাসা করুব। দিয়ে যদি তুই উপকার করতে পারিস, ভালই ত। বলিয়াই একটুখানি হাসিয়া বলিলেন, আচ্ছা, তোরই বা এত চাড়া কেন গিরীন ?

চাড়া আর কি দিদি, দুঃখে-কষ্টে পরস্পরের সাহায্য করতেই হয়, বলিয়া সে ঈষৎ সলজ্জ-মুখে প্রশ্ন করিল। দ্বারের বাহিরে গিয়াই আবার ফিরিয়া আসিয়া বসিল।

তাহার দিদি বলিলেন, আবার বসলি যে !

গিরীন হাসিমুখে বলিল, অত যে কাঁহুনি গাইলে দিদি, হয় ত সব সত্যি নয়।

মনোরমা বিস্মিত হইয়া বলিলেন, কেন ?

গিরীন বলিতে লাগিল, ওদের ললিতা যে রকম টাকা খরচ করে সে ত দুঃখীর মত মোটেই নয় দিদি ! সেদিন আমরা থিয়েটার দেখতে গেলুম, ও নিজে গেল না তবু দশ টাকা ওর বোনকে দিয়ে পাঠিয়ে দিলে। চাককে জিজ্ঞেস কর না, কি রকম খরচ করে ; মাসে কুড়ি-পঁচিশ টাকার কম ওর নিজের খরচই চলে না যে।

মনোরমা বিশ্বাস করিলেন না।

চাক বলিল, সত্যি মা। ও-সব শেখরবাবুর টাকা, শুধু এখন নয়, ছেলে-বেলা থেকে ওই শেখরদার আলমারি খুলে টাকা নিয়ে আসে—কেউ কিছু বলে না।

মনোরমা মেয়ের দিকে চাহিয়া সন্দেহভাবে জিজ্ঞাসা করিলেন, টাকা আনে শেখরবাবু জানেন ?

চারু মাথা নাড়িয়া বলিল, জানেন, স্ত্রুমুখেই চাবি খুলে নিয়ে আসে।
গেল মাসে আন্নাকালীর পুতুলের বিয়েতে অত টাকা কে দিলে? সবই
ত সই দিলে?

মনোরমা ভাবিয়া বলিলেন, কি জানি। কিন্তু এ কথাও ঠিক বটে
বুড়োর মত ছেলেরা চামার নয়—ওরা সব মায়ের ধাত পেয়েছে—তাই
দয়া-ধর্ম আছে। তা ছাড়া, ললিতা মেয়েটি খুব ভাল, ছেলে-বেলা থেকে
কাছে কাছে থাকে, দাদা বলে ডাকে; তাই ওকে মায়া-মমতাও সবাই
করে। হাঁ চারু, তুই ত যাওয়া আসা করিস, ওদের শেখরের এই মাঘ
মাসে নাকি বিয়ে হবে? শুনেচি, বুড়ো অনেক টাকা পাবে।

চারু বলিল, হাঁ মা, এই মাঘ মাসেই হবে—সব ঠিক হ'য়ে গেছে।

পঞ্চম পরিচ্ছেদ

গুরুচরণ লোকটি সেই ধাতের মানুষ—বাহার সহিত যে কোনও বয়সের লোক অসঙ্কোচে আলাপ করিতে পারে। দুই-চারি দিনের আলাপে গিরীনের সহিত তাহার একটা স্থায়ী সখ্যতা জন্মিয়া গিয়াছিল। গুরুচরণের চিন্তের বা মনের কিছুমাত্র দৃঢ়তা ছিল না বলিয়া তর্ক করিতেও তিনি যেমন ভালবাসিতেন, তর্কে পরাজিত হইলেও তেমন কিছুমাত্র অসন্তোষ প্রকাশ করিতেন না।

সন্ধ্যার পর চা খাইবার নিমন্ত্রণ তিনি গিরীনকে করিয়া রাখিয়াছিলেন। আফিস হইতে ফিরিতেই তাহার দিবা অবসান হইয়া যাইত। হাত-মুখ ধুইয়াই বলিতেন, ললিতে, চা তৈরি হ'ল মা? কালী যা যা, তোমার গিরীনমামাকে এইবার ডেকে আন। তার পর উভয়ের চা খাওয়া এবং তর্ক চলিতে থাকিত।

ললিতা কোন কোন দিন মামার আড়ালে বলিয়া চুপ করিয়া শুনিত। সেদিন গিরীনের যুক্তি-তর্ক শতমুখে উৎসারিত হইতে থাকিত। তর্কটা প্রায়ই আধুনিক সমাজের বিরুদ্ধেই হইত। সমাজের হৃদয়হীনতা, অসঙ্গত উপদ্রব এবং অত্যাচার—এ সমস্তই সত্য কথা।

একে ত সমর্থন না করিবার বাস্তবিক কিছু নাই, তাহাতে গুরুচরণের উৎপীড়িত অশান্ত হৃদয়ের সহিত গিরীনের কথাগুলো বড়ই খাপ খাইত। তিনি শেষকালে ঘাড় নাড়িয়া বলিতেন, ঠিক কথা গিরীন, কার ইচ্ছে আর না করে নিজের মেয়েদের স্বথাসময়ে ভাল বায়গায় বিয়ে দিতে, কিন্তু দিই কি ক'রে? সমাজ বল্চেন দাও বিয়ে—মেয়ের বয়স হয়েছে, কিন্তু দেবার বন্দোবস্ত ক'রে ত দিতে পারেন না। যা বলেচ গিরীন, এই আমাকে দিয়েই জাখো না কেন, বাড়িটুকু পর্যন্ত বন্ধক পড়েচে, ছদ্ম পথে

ছেলে-মেয়ের হাত ধরে পথে গিয়ে দাঁড়াতে হবে—সমাজ তখন ত
বলবেন না, এসো, আমার বাড়িতে আশ্রয় নাও। কি বল হে?

গিরীন হয় ত চুপ করিয়া থাকিত, গুরুচরণ নিজেই বলিতেন, খুব
সত্য কথা। এমন সমাজ থেকে জাত যাওয়াই মঙ্গল। খাই না খাই,
শান্তিতে থাকা যায়। যে সমাজ দুঃখীর দুঃখ বোঝে না, বিপদে সাহস
দেয় না, শুধু চোখ রাঙায় আর গলা চেপে ধরে সে সমাজ আমার নয়,
আমার মত গরীবেরও নয়—এ সমাজ বড়লোকের জন্তে। ভাল, তাগ্রাই
থাক আমাদের কাজ নাই। বলিয়া গুরুচরণ সহসা চুপ করিতেন।

যুক্তিতর্কগুলি ললিতা শুধুই মন দিয়া শুনিত না, বাত্রে বিছানায় শুইয়া
যতক্ষণ ঘুম না আসিত নিজের মনে বিচার করিয়া দেখিত। প্রতি
কথাটি তাহার মনের উপর গভীরভাবে মুদ্রিত হইয়া উঠিতেছিল।
সে মনে মনে বলিত, ষথার্থ-ই গিরীনবাবুর কথাগুলি অতিশয় জ্ঞানসঙ্গত।

মামাকে সে অত্যন্ত ভালবাসিত, সেই মামার স্বপক্ষে টানিয়া গিরীন
যাহাই কিছু বলিত, সমস্তই তাহার কাছে অস্বাস্ত সত্য বলিয়া মনে
হইত। তাহার মামা, বিশেষ করিয়া তাহারি জ্ঞান ব্যতিব্যস্ত হইয়া
উঠিতেছে, অন্ন-জল পরিত্যাগ করিতেছে—তাহার নির্বিরোধী দুঃখী
মামা, তাহাকে আশ্রয় দিয়াই—এত ক্লেশ পাইতেছে! কিন্তু কেন?
কেন মামার জাত যাবে?—আজ আমার বিয়ে দিয়ে কাল যদি
বিধবা হ'য়ে ঘরে ফিরে আসি, তা হ'লে ত জাত যাবে না। অথচ তফাত
কিসের! গিরীনের এই সমস্ত কথার প্রতিধ্বনি সে তাহার ভারত্বের
হৃদয় হইতে বাহির করিয়া আর একবার তন্ন তন্ন করিয়া আলোচনা
করিতে করিতে ঘুমাইয়া পড়িত।

তাহার মামার হইয়া মামার দুঃখ বুঝিয়া যে কেহ কথা কহিত
তাহাকে শ্রদ্ধা না করিয়া, তাহার মতের সহিত মত না মিলাইয়া ললিতার
অস্ত পথ ছিল না। সে গিরীনকে আন্তরিক শ্রদ্ধা করিতে লাগিল।

ক্রমশঃ গুরুচরণের মত সেও সন্ধ্যার চা-পানের সময়টির জন্য অপেক্ষা করিয়া থাকিত ।

পূর্বে গিরীন ললিতাকে ‘আপনি’ বলিয়া ডাকিত । গুরুচরণ নিষেধ করিয়া বলিয়াছিলেন, ওকে আবার ‘আপনি’ কেন গিরীন, ‘তুমি’ বলে ডেকো । তখন হইতে সে ‘তুমি’ বলিয়া ডাকিতে সুরু করিয়াছিল ।

একদিন গিরীন জিজ্ঞাসা করিয়াছিল, তুমি চা খাও না ললিতা ?

ললিতা মুখ নীচু করিয়া ঘাড় নাড়িলে, গুরুচরণ বলিয়াছিলেন, ওর শেখরদার বারণ আছে । মেয়েমানুষের চা খাওয়া সে ভালবাসে না ।

হেতু শুনিয়া যে গিরীন স্তব্ধ হইতে পারে নাই ললিতা সেটুকু বুঝিতে পারিয়াছিল ।

আজ শনিবার । অল্প দিনের অপেক্ষা এই দিনটাই সভা ভাঙিতে বিলম্ব হইত ।

চা খাওয়া শেষ হইয়া গিয়াছিল, গুরুচরণ আজ আলোচনায় তেমন উৎসাহের সহিত যোগ দিতে পারিতেছিলেন না, মাঝে মাঝে কি এক রকম অন্তমনস্ক হইয়া পড়িতেছিলেন ।

গিরীন সহজেই তাহা লক্ষ্য করিয়া প্রশ্ন করিল, আজ আপনার দেহটা বোধ করি তেমন ভাল নাই ?

গুরুচরণ হুঁকাটা মুখ হইতে সরাইয়া লইয়া বলিলেন, কেন ? দেহ ত বেশ ভালই আছে ।

গিরীন লক্ষ্যোচের সহিত বলিল, তাহ’লে আফিসে কি কিছু—

না, তাও ত কিছু নয়, বলিয়া গুরুচরণ একটু বিষয়ের সহিত গিরীনের মুখের দিকে চাহিলেন । তাঁহার ভিতরের উদ্বেগ যে বাহিরে প্রকাশ পাইতেছিল তাহা এই নিতান্ত সরল-প্রকৃতির মানুষটি বুঝিতেই পারেন নাই ।

ললিতা পূর্বে একেবারেই চুপ করিয়া থাকিত, কিন্তু আজ-কাল

দু-একটা কথায় মাঝে মাঝে যোগ দিতেছিল। সে বলিল, হাঁ মামা, আজ তোমার হয় ত মন ভাল নেই।

গুরুচরণ হাসিয়া উঠিয়া বলিলেন, ও সেই কথা? হাঁ মা ঠিক ধরেছিল বটে, আজ আমার সত্যিই মন ভাল নেই।

ললিতা ও গিরীন উভয়েই তাঁহার মুখপানে চাহিয়া রহিল।

গুরুচরণ বলিলেন, নবীনদা সমস্ত জেনে-শুনে গোটা-কতক শক্ত কথা পথে দাঁড়িয়েই শুনিয়া দিলেন। আর তাঁরই বা দোষ কি, ছমাস হ'য়ে গেল একটা পয়সা স্তদ দিতে পারলুম না তা আসল দূরে থাক।

ব্যাপারটা ললিতা বুঝিয়াই চাপা দিয়া ফেলিবার জন্য ব্যস্ত হইয়া উঠিল। তাহার কাণ্ডজ্ঞানহীন মামা পাছে ঘরের লজ্জাকর কথাগুলো পরের কাছে ব্যক্ত করিয়া ফেলে এই ভয়ে সে তাড়াতাড়ি বলিয়া উঠিল, তুমি ভেবো না মামা, সে সব পরে হবে।

কিন্তু গুরুচরণ সেদিক্ দিয়াও গেলেন না। বরং বিষন্ন-ভাবে হাসিয়া বলিলেন, পরে আর কি হবে মা? তা নয় গিরীন, আমার এই মা'টি চায় তার বুড়ো ছেলেটি যেন কিছু ভাবনা-চিন্তা না করে। কিন্তু বাইরের লোকে যে তোর দুঃখী মামার দুঃখটা চেয়ে দেখতেই চায় না ললিতে!

গিরীন জিজ্ঞাসা করিল, নবীনবাবু আজ কি বললেন?

গিরীন যে সমস্ত কথাই জানে ললিতা জানিত না, তাই তাহার প্রশ্নটাকে অসঙ্গত কোতূহল মনে করিয়া মনে মনে অত্যন্ত ক্রুদ্ধ হইয়া উঠিল।

গুরুচরণ খুলিয়া বলিলেন। নবীন রায়ের স্ত্রী বহুদিন হইতে অজীর্ণ রোগে ভুগিতেছিলেন, সম্প্রতি রোগ কিছু বৃদ্ধি হওয়ায় চিকিৎসকেরা বায়ু পরিবর্তনের ব্যবস্থা করিয়াছেন। অর্থের প্রয়োজন, অতএব এই সময়ে গুরুচরণের সমস্ত স্তদ এবং কিছু আসল দিতে হইবে।

গিরীন ক্ষণকাল স্থির থাকিয়া মুহূর্তে বলিল, একটা কথা আপনাকে বলি বলি করেও বলতে পারি নি, যদি কিছু না মনে করেন আজ তা হ'লে বলি।

গুরুচরণ হাসিয়া উঠিলেন, বলিলেন, আমাকে কোন কথা বলতে কেউ কখন ত সঙ্কোচ করে না গিরীন—কি কথা?

গিরীন বলিল, দিদির কাছে শুনেচি নবীনবাবুর খুব বেশি সুন্দর, তাই বলি, আমার অনেক টাকাই ত অমনি পড়ে রয়েছে কোনও কাজেই আসে না, আর, তাঁরও দরকার, না হয়, এই ঋণটা শোধ করে দিন না।

ললিতা, গুরুচরণ উভয়েই আশ্চর্য হইয়া তাহার দিকে চাহিয়া রহিলেন। গিরীন অত্যন্ত সঙ্কোচের সহিত বলিতে লাগিল, আমার এখন ত টাকার বিশেষ কোন আবশ্যকই নাই, তাই যখন আপনার সুবিধা হবে, ফিরিয়ে দিলেই চলবে, ওদের আবশ্যক, সেই জন্তে বল্ছিলাম যদি—

গুরুচরণ ধীরে ধীরে বলিলেন, সমস্ত টাকাটা তুমি দেবে?

গিরীন মুখ নিচু করিয়া বলিল, বেশ ত, তাঁদের উপকার হয়—

গুরুচরণ প্রত্যুত্তরে কি একটা বলিতে যাইতেছিলেন, ঠিক এই সময়ে আম্মাকালী ছুটিয়া আসিয়া পড়িল। সেজ্জি, জলদি—শেখরদা কাপড় পরে নিতে বল্লেন—থিয়েটার দেখতে যেতে হবে, বলিয়াই যেমন করিয়া আসিয়াছিল তেমনি করিয়াই চলিয়া গেল। তাহার ব্যগ্রতা দেখিয়া গুরুচরণ হাসিলেন। ললিতা স্থির হইয়া রহিল।

আম্মাকালী মুহূর্ত পরেই ফিরিয়া আসিয়া বলিল, কৈ, উঠলে না সেজ্জি, সবাই দাঁড়িয়ে রয়েছে যে।

তথাপি ললিতা উঠিবার কোন লক্ষণ প্রকাশ করিল না। সে শেষ

পর্যন্ত শুনিয়া যাইতে চায়, কিন্তু গুরুচরণ কালীর মুখের দিকে চাহিয়া একটুখানি হাসিয়া ললিতার মাথায় একটা হাত দিয়া বলিলেন, তা হ'লে যা মা দেরি করিস্ নে—তোরা জগ্রে বুঝি সবাই অপেক্ষা ক'রে আছে।

অগত্যা ললিতাকে উঠিতে হইল। কিন্তু যাইবার পূর্বে গিরীনের মুখের পানে সে যে গভীর কৃতজ্ঞ দৃষ্টি নিক্ষেপ করিয়া ধীরে ধীরে বাহির হইয়া গেল গিরীন তাহা দেখিতে পাইল।

মিনিট-দশেক পরে কাপড় পরিয়া প্রস্তুত হইয়া সে পান দিবার ছুতা করিয়া আর একবার বাহিরের ঘরে নিঃশব্দ-পদক্ষেপে আসিয়া প্রবেশ করিল।

গিরীন চলিয়া গিয়াছে। একাকী গুরুচরণ মোটা বালিশটা মাথায় দিয়া চোখ বুজিয়া শুইয়া আছেন, তাঁহার মুদ্রিত চক্ষুর দুইপাশ বাহিয়া জল ঝরিতেছে। এ যে আনন্দাশ্রু ললিতা তাহা বুঝিল। বুঝিল বলিয়াই তাঁহার ধ্যান ভাঙিয়া দিল না, যেমন নিঃশব্দে প্রবেশ করিয়াছিল তেমনি নিঃশব্দে বাহির হইয়া গেল।

অনতিকাল পরে সে যখন শেখরের ঘরে আসিয়া উপস্থিত হইল, তখন তাহার নিজের চোখ দুটিও অশ্রুভারে ছল্ ছল্ করিতেছিল। কালী ছিল না, সে সকলের আগে গাড়ীতে গিয়া বসিয়াছিল, একাকী শেখর তাহার ঘরের মাঝখানে চুপ করিয়া দাঁড়াইয়া বোধ করি ললিতার অপেক্ষাতেই ছিল, মুখ তুলিয়া তাহার জলভারাক্রান্ত চোখ দুটি লক্ষ্য করিল।

সে আট-দশ দিন ললিতাকে দেখিতে না পাইয়া মনে মনে অতিশয় বিরক্ত হইয়াছিল, কিন্তু এখন সে তাহা ভুলিয়া উদ্বিগ্ন হইয়া বলিয়া উঠিল, ও কি, কাঁদচ নাকি?

ললিতা ঘাড় হেঁট করিয়া প্রবল বেগে মাথা নাড়িল।

এই কয়দিনের একান্ত অদর্শনে শেখরের মনের মধ্যে একটা পরিবর্তন ঘটিতেছিল, তাই সে কাছে সরিয়া আসিয়া দুই হাত দিয়া সহসা ললিতার মুখ তুলিয়া ধরিয়া বলিল, সত্যিই কঁাদুচ যে! হ'ল কি?

ললিতা এবার নিজেকে আর সামলাইয়া রাখিতে পারিল না, সেইখানে বসিয়া পড়িয়া আঁচলে মুখ ঢাকিয়া কঁাদিয়া ফেলিল।

ষষ্ঠ পরিচ্ছেদ

নবীন রায় সমস্ত হৃদ আসল কড়াক্রান্তি গণিয়া লইয়া বন্ধকী কাগজখানা ফিরাইয়া দিয়া বলিলেন, বলি, টাকাটা দিলে কে হে ?

গুরুচরণ নম্রভাবে কহিলেন, সেটা জিজ্ঞেসা করবেন না দাদা, বলতে নিষেধ আছে।

টাকাটা ফেরত পাইয়া নবীন কিছুমাত্র সন্তুষ্ট হন নাই, এটা আশাও করেন নাই, ইচ্ছাও করেন নাই। বরং বাড়িটা ভাঙিয়া ফেলিয়া কিরূপ নূতন অট্টালিকা প্রস্তুত করিবেন তাহাই ভাবিয়া রাখিয়াছিলেন। শ্লেষ করিয়া বলিলেন, তা এখন নিষেধ ত হবেই। ভায়া, দোষ তোমার নয়, দোষ আমার। দোষ, টাকাটা ফিরে চাওয়ার, নইলে কলিকাল বলেচে কেন !

গুরুচরণ অত্যন্ত ব্যথিত হইয়া বলিলেন, সে কি কথা দাদা। আপনার টাকার ঋণটাই শোধ করেচি, কিন্তু আপনার দয়ার ঋণ ত শোধ করতে পারি নি।

নবীন হাসিলেন। তিনি পাকা লোক, এ সকল কথা বিশ্বাস করিলে গুড় বেচিয়া এত টাকা করিতে পারিতেন না। বলিলেন, সে যদি সত্যিই ভাবতে ভায়া, তা হ'লে এমনক'রে শোধক'রে দিতে না। না হয়, একবার টাকাটাই চেয়েছিলাম, সেও তোমারি বোঁঠানের অস্থখের জন্তে, আমার নিজের জন্তে কিছু নয়—বলি কত হৃদে বন্ধক রাখলে বাড়িটা ?

গুরুচরণ ঘাড় নাড়িয়া কহিলেন, বন্ধক রাখি নি—হৃদের কথাও কিছু হয় নি।

নবীন বিশ্বাস করিলেন না, বলিলেন, বল কি, শুধু হাতে ?

হাঁ দাদা, এক বকম তাই বটে। ছেলেটি বড় সৎ, বড় দম্মার শরীর।

ছেলেটি ? ছেলেটি কে ?

গুরুচরণ এ প্রশ্নের আর জবাব দিলেন না মৌন হইয়া রহিলেন।
যতটা বলিয়া ফেলিয়াছিলেন এতটাও তাঁহার বলা উচিত ছিল না।

নবীন তাঁহার মনের ভাব বুঝিয়া মুচু হাসিয়া কহিলেন, যখন নিষেধ আছে তখন কাজ নেই, কিন্তু সংসারের অনেক জিনিষই দেখেচি ব'লে এইটুকু সাবধান ক'রে দিই ভায়া, তিনি যেই হোন, এত ভাল করুতে গিয়ে শেষকালে যেন ফ্যাসাদে না ফেলেন।

গুরুচরণ সে কথার আর জবাব না দিয়া নমস্কার করিয়া কাগজখানি হাতে করিয়া বাড়ি ফিরিয়া আসিলেন।

প্রায় প্রতি বৎসরেই ভুবনেশ্বরী এই সময়টায় কিছুদিনের জন্ত পশ্চিম ঘুরিয়া আসিতেন। তাঁহার অজীর্ণ রোগ ছিল, ইহাতে উপকার হইত। রোগ বেশি নয়। নবীন গুরুচরণের কাছে সেদিন কার্যোদ্ধারের জন্তই বাড়াইয়া বলিয়াছিলেন। যাই হোক, যাত্রার আয়োজন হইতেছিল।

সেদিন সকাল-বেলা একটা চামড়ার তোরঙ্গে শেখর তাহার আবশ্যকীয় সৌখীন জিনিষ-পত্র গুছাইয়া লইতেছিল।

আম্বাকালী ঘরে ঢুকিয়া বলিল, শেখরদা, তোমরা কাল যাবে না ? শেখর তোরঙ্গ হইতে মুখ তুলিয়া বলিল, কালী, তোম সেজদিকে ডেকে দে, সে কি সঙ্গে নেবে-টেবে এই সময়ে দিয়ে যাক্। ললিতা প্রতি বৎসর মায়ের সঙ্গে যাইত, এবারেও যাইবে-তাহাই শেখর জানিত।

কালী ঘাড় নাড়িয়া বলিল, এবার সেজদি ত যাবে না।

কেন যাবে না ?

কালী কহিল, বাঃ কি করে যাবে। মাঘ ফাল্গুন মাসে ওর বিয়ে হবে, বাবা বর খুঁজে বেড়াচ্ছেন যে।

শেখর নির্নিমেষ-চোখে স্তব্ধ হইয়া চাহিয়া রহিল।

কালী বাড়ির ভিতরে যাহা শুনিয়াছিল উৎসাহের সহিত ফিস্ ফিস্ করিয়া বলিতে লাগিল, গিরীনবাবু বলেচেন যতটাকা লাগে ভাল পান্তরু, চাই! বাবা আজও আফিসে যাবেন না, খেয়ে-দেয়ে কোথায় ছেলে দেখতে যাবেন; গিরীনবাবুও সঙ্গে যাবেন।

শেখর স্থির হইয়া শুনিতে লাগিল এবং কেন যে ললিতা আর আসিতে চাহে না তাহারও যেন কতকটা কারণ বুঝিতে পারিল।

কালী বলিতে লাগিল, গিরীনবাবু খুব ভাল মানুষ শেখরদা! মেজদির বিয়ের সময় আমাদের বাড়ি জ্যাঠামশায়ের কাছে বাধা ছিল ত, বাবা বলছিলেন, আর দুমাস তিনমাস পরেই আমাদের সবাইকে পথে পথে ভিক্ষে ক'রে বেড়াতে হ'ত, তাই গিরীনবাবু টাকা দিলেন। কাল সব টাকা জ্যাঠামশায়কে বাবা ফিরিয়ে দিয়েচেন। সেজদি বলছিল, আর আমাদের কোন ভয় নেই, সত্যি না শেখরদা?

প্রত্যুত্তরে শেখর কিছুই বলিতে পারিল না, তেমনি চাহিয়া রহিল।

কালী জিজ্ঞাসা করিল, কি ভাবছ শেখরদা?

এইবার শেখরের চমক ভাঙিল, তাড়াতাড়ি বলিয়া উঠিল, কিছু না রে! কালী, তোর সেজদিকে একবার শিগ'গির ডেকে দে, বল আমি ভাকুচি, ছুটে যা।

কালী ছুটিয়া চলিয়া গেল।

শেখর খোলা তোরঙ্গের দিকে দৃষ্টি নিবদ্ধ করিয়া বসিয়া রহিল। কোন দ্রব্যে তাহার প্রয়োজন, কোন দ্রব্যে প্রয়োজন নাই, সমস্তই এখন তাহার চোখের সম্মুখে একাকার হইয়া গেল।

ভ্রাক শুনিয়া ললিতা উপরে আসিয়া প্রথমে জানালার ফাঁক দিয়া

দেখিল, তাহার শেখরদা মেঝের উপরে একদৃষ্টে মাটির দিকে চাহিয়া স্থির হইয়া বসিয়া আছে। তাহার এ রকম মুখের ভাব সে পূর্বে কখনও দেখে নাই। ললিতা আশ্চর্য্য হইল, ভয় পাইল! ধীরে ধীরে কাছে আসিয়া দাঁড়াইতেই শেখর, 'এসো' বলিয়া ব্যস্ত হইয়া উঠিয়া দাঁড়াইল।

ললিতা আশ্বে আশ্বে জিজ্ঞাসা করিল, আমাকে ডাকছিলে ?

হাঁ, বলিয়া শেখর ক্ষণকাল স্থির হইয়া থাকিয়া কহিল, কাল সকালের গাড়ীতেই আমি মাকে নিয়ে পশ্চিমে যাচ্ছি এবার ফিরতে হয় ত দেবি হবে। এই চাবি নাও, তোমার খরচের টাকা-বড়ি ওই দেবাজের মধ্যেই রইল।

প্রতিবার ললিতাও সঙ্গে যায়। গতবারে এই উপলক্ষে সে কি আনন্দে জিনিস-পত্র গুছাইয়া লইয়াছিল, এবার সে কাজটা শেখরদা একা করিতেছে, খোলা ভোরঙ্গের দিকে চাহিবামাত্রই ললিতার তাহা মনে পড়িল।

শেখর তাহার দিক্ হইতে মুখ ফিরাইয়া লইয়া একবার কাশিয়া গলাটা পরিষ্কার করিয়া বলিল, সাবধানে থেকো—আর যদি কোন কিছুর বিশেষ আবশ্যক হয়, দাদার কাছে ঠিকানা জেনে নিয়ে আমাকে চিঠি লিখো।

অতঃপর দুই জনেই চুপ করিয়া রহিল। এবার ললিতা সঙ্গে যাইবে না, শেখর তাহা জানিতে পারিয়াছে এবং তাহার কারণটাও হয় ত শুনিয়াছে মনে করিয়া ললিতা লজ্জায় সঙ্কুচিত হইতে লাগিল।

হঠাৎ শেখর কহিল, আচ্ছা, যাও এখন, আমাকে আবার এইগুলো শুছিয়ে নিতে হবে। বেলা হ'ল, আজ একবার আফিসেও যেতে হবে।

ললিতা ভোরঙ্গের স্রুক্ষে হাঁটু গাড়িয়া বসিয়া বলিল, তুমি জ্ঞান কর গে আমি শুছিয়ে দিচ্ছি !

তা হ'লে ত ভালই হয়, বলিয়া শেখর চাবির গোছাটা ললিতার কাছে

ফেলিয়া দিয়া ঘরের বাহিরে আসিয়া সহসা থমকিয়া দাঁড়াইয়া বলিল, আমার কি দরকার হয়, তা ভুলে যাও নি ত !

ললিতা মাথা ঝুঁকাইয়া তোরঙ্গের জিনিস-পত্র পরীক্ষা করিতে লাগিল, সে কথার কোন জবাব দিল না।

শেখর নিচে গিয়া মাকে জিজ্ঞাসা করিয়া জানিল কালীর সংবাদই সত্য। গুরুচরণ ঋণ পরিশোধ করিয়াছেন সে কথাও সত্য। ললিতার পাত্র স্থির করিবার বিশেষ চেষ্টা হইতেছে তাহাও সত্য। সে আর কিছু জিজ্ঞাসা না করিয়া স্নান করিতে চলিয়া গেল।

ঘণ্টা-দুই পরে স্নানাহার শেষ করিয়া আফিসের পোষাক পরিতে নিজের ঘরে ঢুকিয়া সে সত্যই অবাক হইয়া গেল।

এই দুই ঘণ্টাকাল ললিতা কিছুই করে নাই, তোরঙ্গের একটা পাটির উপর মাথা রাখিয়া চুপ করিয়া বসিয়াছিল। শেখরের পদশব্দে চকিত হইয়া মুখ তুলিয়াই ঘাড় হেঁট করিয়া রহিল। তার দুই চোখ জবাফুলের মত রক্তবর্ণ হইয়াছে।

কিন্তু শেখর তাহা দেখিয়াও দেখিল না, আফিসের পোষাক পরিতে পরিতে সহজভাবে বলিল, এখন পারবে না ললিতা, দুপুর-বেলা এসে গুছিয়ে রেখো। বলিয়া প্রস্তুত হইয়া আফিসে চলিয়া গেল। সে ললিতার রাগা চোখের হেতু ঠিক বুঝিয়াছিল, কিন্তু সব দিক বেশ করিয়া চিন্তা না করা পর্য্যন্ত আর কোন কথা বলিতে সাহস করিল না।

সেদিন অপরাহ্নে মামাদের চা দিতে আসিয়া ললিতা সহসা জড়সড় হইয়া পড়িল। আজ শেখর বসিয়াছিল। সে গুরুচরণবাবুর কাছে বিদায় লইতে আসিয়াছিল।

ললিতা ঘাড় হেঁট করিয়া দুবাটি চা প্রস্তুত করিয়া গিরীন ও তাহার মামার সম্মুখে দিতেই, গিরীন কহিল, শেখরবাবুকে চা দিলে না ললিতা ?

ললিতা মুখ না তুলিয়াই আস্তে আস্তে বলিল, শেখরদা চা খান না।

গিরীন আর কিছু বলিল না, ললিতার নিজের কথা তাহার মনে পড়িয়া গেল। শেখর নিজে এটা খায় না, অপরে খায় তাহাও ইচ্ছা করে না।

চায়ের বাটা হাতে তুলিয়া লইয়া গুরুচরণ পাত্রের কথা পাড়িলেন। ছেলেটি বি, এ, পড়িতেছে ইত্যাদি বিস্তর সূখ্যাতি করিয়া শেষে বলিলেন, অথচ আমাদের গিরীনের পছন্দ হয় নি। অবশ্য ছেলেটি দেখতে তেমন স্ত্রী নয় বটে, কিন্তু পুরুষমানুষের রূপ আর কোন্ কাজে লাগে, গুণ থাকলেই যথেষ্ট।

কোনমতে বিবাহটা হইয়া গেলেই গুরুচরণ নিশ্বাস ফেলিয়া বাঁচেন।

শেখরের সহিত গিরীনের এইমাত্র সামান্য পরিচয় হইয়াছিল। শেখর তাহার দিকে চাহিয়া একটুখানি হাসিয়া জিজ্ঞাসা করিল, গিরীনবাবুর পছন্দ হ'ল না কেন? ছেলেটি লেখাপড়া কচ্ছে, অবস্থাও ভাল—এই ত সুপাত্র—


শেখর জিজ্ঞাসা করিল বটে, সে কিন্তু ঠিক বুঝিয়াছিল কেন ইহার পছন্দ হয় নাই এবং কেন ভবিষ্যতেও হইবে না। কিন্তু গিরীন সহসা এ প্রশ্নের উত্তর দিতে পারিল না, তাহার মুখ ঈষৎ রক্তাভ হইল, শেখর তাহাও লক্ষ্য করিয়া উঠিয়া দাঁড়াইয়া বলিল, কাকা, কাল মাকে নিয়ে পশ্চিমে চললুম ঠিক সময়ে থবর দিতে যেন ভুলে যাবেন না!

গুরুচরণ বলিলেন, সে কি বাবা, তোমরাই যে আমার সব। তা ছাড়া, ললিতার মা উপস্থিত না থাকলে ত কোনও কাজই হ'তে পারবে না। কি বলিস্ মা ললিতা? বলিয়া হাসিমুখে ঘাড় ফিরাইয়া বলিলেন, সে উঠে গেল কখন?

শেখর কহিল, কথা উঠতেই পালিয়েচে।

গুরুচরণ গম্ভীর হইয়া বলিলেন, পালাবে বৈকি—হাজার হোক

জ্ঞানবুদ্ধি হয়েছে ত! বলিয়া সহসা একটা ক্ষুদ্র নিশ্বাস ত্যাগ করিয়া কহিলেন, মা আমার একাধারে যেন লক্ষ্মী-সরস্বতী! এমন মেয়ে বহু ভাগ্যে মেলে শেখরনাথ! কথাটা উচ্চারণ করিতেই তাঁর শীর্ণ কুশ মুখের উপর গভীর স্নেহের এমন একটা স্নিগ্ধ-মধুর ছায়াপাত হইল যে গিরীন ও শেখর উভয়েই আন্তরিক শ্রদ্ধার সহিত তাঁহাকে মনে মনে নমস্কার না করিয়া থাকিতে পারিল না।



সপ্তম পরিচ্ছেদ

চায়ের মজলিস হইতে নিঃশব্দে পলাইয়া আসিয়া ললিতা শেখরের ঘরে ঢুকিয়া উজ্জল গ্যাসের নিচে একটা তোরঙ্গ আনিয়া শেখরের গরম বস্ত্রগুলি পাট করিয়া গুছাইয়া রাখিতেছিল, শেখরকে প্রবেশ করিতে দেখিয়া মুখ তুলিয়া তাহার মুখের পানে চাহিয়া সে ভয়ে বিস্ময়ে নির্বাক হইয়া রহিল।

মোকদ্দমায় সর্বস্ব হারিয়া মানুষ যে রকম মুখ করিয়া আদালত হইতে বাহির হইয়া আসে, এবেলার মানুষকে যেন ওরেলায় সহসা আর চিনিতে পারা যায় না, এই একঘণ্টার মধ্যে তেমনি শেখরকে ললিতা যেন ঠিক চিনিতে পারিল না। তাহার মুখের উপর সর্বস্ব হারাণোর চিহ্ন যেন কে চিহ্নিত করিয়া দিয়াছে। শেখর শুককণ্ঠে জিজ্ঞাসা করিল, কি হচ্চে ললিতা?

ললিতা সে প্রশ্নের জবাব না দিয়া কাছে সরিয়া আসিয়া দুই হাতে তাহার একটা হাত লইয়া কাঁদ কাঁদ হইয়া বলিল, কি হয়েছে শেখরদা?

কৈ কিছুই হয় নি ত, বলিয়া শেখর জোর করিয়া একটু হাসিল। ললিতার করম্পর্শে তাহার মুখে কতকটা সজীবতা ফিরিয়া আসিল। সে নিকটস্থ একটা চৌকির উপর বসিয়া পড়িয়া সেই প্রশ্নই করিল, তোমার হচ্চে কি?

ললিতা কহিল, মোটা ওভারকোটটা সঙ্গে দিতে ভুলে ছিলাম সেইটাই দিতে এসেছি। শেখর শুনিতে লাগিল, ললিতা এতক্ষণে অপেক্ষাকৃত সুস্থ হইয়া বলিতে লাগিল, গতবারে গাড়ীতে

তোমার বড় কষ্ট হয়েছিল, বড় কোট ত অনেকগুলোই ছিল, কিন্তু খুব মোটা-সোটা একটাও ছিল না। তাই আমি ফিরে এসেই দোকানে মাপ দিয়ে এইটে তৈরি করিয়ে ছিলুম, বলিয়া সে খুব ভারি একটা ওভারকোট তুলিয়া আনিয়া শেখরের কাছে রাখিল।

শেখর হাত দিয়া পরীক্ষা করিয়া বলিল, কৈ আমাকে বল নি ত ?

ললিতা হাসিয়া বলিল, বাবুমাঝুষ, তোমাকে বললে কি এত মোটা কোট তৈরি করতে দিতে ? তাই বলি নি, তৈরি করিয়ে তুলে রেখেছিলুম। বলিয়া সেটা যথাস্থানে রাখিয়া দিয়া বলিল, ঠিক উপরেই রইল, তোমরঙ্গ খুললেই পাবে—শীত করলে গায়ে দিতে তুলো না যেন !

আচ্ছা, বলিয়া শেখর নির্নিমেষ চোখে কিছুক্ষণ চাহিয়া থাকিয়া হঠাৎ বলিয়া উঠিল, না, এমন হ'তেই পারে না।

কি হ'তে পারে না ? গায়ে দেবে না !

শেখর তাড়াতাড়ি বলিয়া উঠিল, না, সে কথা নয়—ও অল্প কথা, আচ্ছা ললিতা, মার জিনিষ-পত্র গোছান হয়েছে কি না জানো ?

ললিতা কহিল, জানি, দুপূর-বেলা আমিই সে সমস্ত গুছিয়ে দিয়েছি, বলিয়া সে আর একবার সমস্ত দ্রব্য ভাল করিয়া পরীক্ষা করিয়া চাৰি বন্ধ করিতে লাগিল।

শেখর ক্ষণকাল চুপ করিয়া তাহার দিকে চাহিয়া মুহূর্তে জিজ্ঞাসা করিল, হাঁ ললিতা, আস্তে বছর আমার উপায় কি হবে বলতে পার ?

ললিতা চোখ তুলিয়া বলিল, কেন ?

কেন আমিই টের পাচ্ছি ভাই, বলিয়া ফেলিয়াই নিজের কথাটা চাপা দিবার জন্য শুক্মখে প্রফুল্লতা টানিয়া আনিয়া বলিল, কিন্তু পরের ঘরে যাবার আগে কোথায় কি আছে আমাকে দেখিয়ে দিয়ে যেয়ো—নইলে দরকারের সময় কিছুই খুঁজে পাব না।

ললিতা রাগিয়া বলিল, যাও—

শেখর এতক্ষণে হাসিল, বলিল, যাও জানি, কিন্তু সত্যিই উপায় হবে কি ? আমার সখ ত আছে যোল আনা, কিন্তু এক কড়ার শক্তি নেই। এ সব কাজ চাকর দিয়েও হয় না—এখন থেকে দেখচি তোমার মামার মত হ'তে হবে—এক কাপড় এক চাদর সম্বল ক'রে—যা হয় তাই হবে।

ললিতা চাবির গোছাটা মেয়ের উপর ফেলিয়া দিয়া ছুটিয়া পলাইয়া গেল।

শেখর চৈতাইয়া বলিল, কাল সকালে একবার এসো !

ললিতা শুনিয়াও শুনিল না, দ্রুতপদে সিঁড়ি বাহিয়া দোতলায় নামিয়া গেল। বাড়ি গিয়া দেখিল, ছাদের এক কোণে তাঁদের আলোয় বসিয়া আন্নাকালী একরাশ গাঁদা-ফুল লইয়া মালা গাঁথিতেছে। ললিতা তাহার কাছে গিয়া বসিয়া কহিল, হিমে বসে কি কচ্চিস্ কালী ?

কালী মুখ না তুলিয়াই বলিল, মালা গাঁথচি—আজ রাত্তিরে আমার মেয়ের বিয়ে।

কই আমাকে বলিস্ নি ত ?

ঠিক ছিল না সেজদি ! এখন বাবা পাঁজি দেখে বল্লেন, আজ রাত্তির ছাড়া আর এ মাসে দিন নেই। মেয়ে বড় হয়েছে, আর রাখতে পারি নে, যেমন তেমন ক'রে বিদেয় কচ্চি। সেজদি, দুটো টাকা দাও না, জলখাবার আনাই।

ললিতা হাসিয়া বলিল, টাকার বেলাই সেজদি। যা, আমার বালিশের নিচে আছে নিগে যা। হাঁ রে কালী, গাঁদা-ফুলে কি বিয়ে হয় ?

কালী গম্ভীরভাবে বলিল, হয়। অল্প ফুল না পেলো হয়। আমি কতগুলো মেয়ে পার কবুলুম সেজদি ! আমি সব জানি, বলিয়া খাবার আনাইবার জন্য নিচে নামিয়া গেল।

ললিতা সেইখানে বসিয়া মালা গাঁথিতে লাগিল।

থানিক পরে কালী ফিরিয়া আসিয়া বলিল, আর সকলকেই বলা হয়েছে শুধু শেখরদাকে বলা হয় নি—যাই ব'লে আসি, নইলে তিনি দুঃখ করবেন, বলিয়া ও-বাড়ি চলিয়া গেল।

কালী পাকা গৃহিণী, সমস্ত কাজকর্মই সে সুস্থভাবে করে। শেখরদাকে সংবাদ দিয়া নামিয়া আসিয়া বলিল, তিনি এক ছড়া মালা চাইলেন। যাও না সেজ্জদি, শিগ্গির করে দিয়ে এসো না, আমি ততক্ষণ এদিকের বন্দোবস্ত করি—লগ্ন শুরু হয়ে গেছে আর সময় নেই।

ললিতা মাথা নাড়িয়া বলিল, আমি পারব না কালী, তুই দিয়ে আয়।

আচ্ছা, যাচ্ছি। ওই বড় ছড়াটা দাও, বলিয়া সে হাত বাড়াইল।

ললিতা হাতে তুলিয়া দিতে গিয়া কি ভাবিয়া বলিল, আচ্ছা, আমি দিয়ে আসচি।

কালী গম্ভীর হইয়া বলিল, তাই যাও সেজ্জদি, আমার অনেক কাজ—মরুবার ফুরসৎ নেই।

তার মুখের ভাব ও কথার ভঙ্গী দেখিয়া ললিতা হাসিয়া ফেলিল। একেবারে পাকা বুড়ী, বলিয়া হাসিয়া মালা লইয়া চলিয়া গেল। কবাটের কাছে আসিয়া দেখিল, শেখর একমনে চিঠি লিখিতেছে; দোর খুলিয়া পিছনে আসিয়া দাঁড়াইল, তাতেও শেখর টের পাইল না। তখন ক্ষণকাল চুপ করিয়া থাকিয়া তাহাকে চমকিত করিয়া দিবার অভিপ্রায়ে সে মালা ছড়াটা সাবধানে শেখরের মাথা গলাইয়া গলায় ফেলিয়া দিয়াই চোকির পিছনে বসিয়া পড়িল।

শেখর প্রথমটা চমকিয়া উঠিয়া বলিল, এই কালী! পরক্ষণেই ঘাড় ফিরাইয়া দেখিয়া ভয়ানক গম্ভীর হইয়া বলিল, ও কি করলে ললিতা!

ললিতা উঠিয়া দাঁড়াইয়া শেখরের মুখের ভাবে ঈষৎ শঙ্কিত হইয়া বলিল, কেন, কি?

শেখর পূর্ণমাত্রায় গান্ধীর্বা বজায় রাখিয়া বলিল, জান না কি ? কালীকে জিজ্ঞেস ক'রে এসো, আজকের রাত্তিরে গলায় মালা পরিয়ে দিলে কি হয় ।।

এখন ললিতা বুঝিল । চক্ষুর নিমিষে তাহার সমস্ত মুখ লজ্জায় রাঙা হইয়া উঠিল, সে—না কক্ষণ না, না, বলিতে বলিতে ছুটিয়া ঘর হইতে বাহির হইয়া গেল ।

শেখর ডাকিয়া বলিল, যেয়ো না ললিতা, শুনে যাও—কাজ আছে—

শেখরের ডাক তাহার কানে গেল বটে, কিন্তু শুনিবে কে ? কোথাও সে খামিতে পারিল না, দৌড়িয়া আসিয়া নিজের ঘরের মধ্যে ঢুকিয়া একেবারে চোখ বুজিয়া বিছানায় শুইয়া পড়িল ।

এই পাঁচ-ছয় বৎসর ধরিয়া সে শেখরের ঘনিষ্ঠ সংস্রবে মানুষ হইয়া উঠিয়াছে, কিন্তু কোনও দিন এমন কথা শোনে নাই ! একে ত গান্ধীর প্রকৃতি শেখর কখনই তাহাকে পরিহাস করিত না, করিলেও এত বড় লজ্জাকর পরিহাস যে তাহার মুখ দিয়া বাহির হইতে পারে ইহা সে ত কল্পনা করিতে পারিত না । লজ্জায় সঙ্কুচিত হইয়া মিনিট-কুড়ি পড়িয়া থাকিয়া সে উঠিয়া বসিল । অথচ শেখরকে সে মনে মনে ভয় করিত, তিনি বিশেষ কাজ আছে বলিয়া ডাকিয়াছিলেন, তাই, যাইবে কিনা ইহাই ললিতা উঠিয়া বসিয়া ভাবিতেছিল । ও-বাড়ির ঝর গলা শোনা গেল, ললিতাদিদি কোথায় গা, ছোটবাবু একবার ডাকচেন—

ললিতা বাহিরে আসিয়া মুহূষরে বলিল, যাচ্ছি যাও । উপরে আসিয়া কবার্ট ফাঁক করিয়া দেখিল শেখর তখনও চিঠি লিখিতেছে । কতক্ষণ চুপ করিয়া থাকিয়া আস্তে আস্তে বলিল, কেন ?

শেখর লিখিতে লিখিতে বলিল, হঠাৎ কি একটা কাজ ক'রে ফেললে বল ত ?

ললিতা রুটভাবে বলিল, যাও—আবার !

শেখর মুখ ফিরাইয়া বলিল, আমার দোষ কি ! তুমিই ত ক'রে গেলে—

কিছু করি নি—তুমি এটা ফিরিয়ে দাও।

শেখর কহিল, সেই জন্তেই ত ডেকে পাঠিয়েছি ললিতা। কাছে এসো, ফিরিয়ে দিচ্ছি। তুমি অর্ধেকটা করে গেছে, স'রে এসো, আমি সেটা সম্পূর্ণ করে দি।

ললিতা দ্বারের অন্তরালে ক্ষণকাল মৌনভাবে থাকিয়া বলিল, সত্যি বলছি তোমাকে, ওরকম ঠাট্টা করলে আর কোন দিন তোমার সামনে আসব না—বল্‌চি, এটা ফিরিয়ে দাও।

শেখর টেবিলের দিকে মুখ ফিরাইয়া মালাটা তুলিয়া লইয়া বলিল, নিয়ে যাও ?

তুমি এখান থেকে ছুঁড়ে দাও।

শেখর ঘাড় নাড়িয়া বলিল, কাছে না এলে পাবে না।

তবে, আমার কাজ নেই, বলিয়া ললিতা রাগ করিয়া চলিয়া গেল।

শেখর চেষ্টাইয়া বলিল, কিন্তু অর্ধেকটা হ'য়ে থাকলে—

থাকে থাক, বলিয়া ললিতা যথার্থ-ই রাগ করিয়া চলিয়া গেল।

সে চলিয়া গেল বটে, কিন্তু নিচে গেল না। পূর্বদিকে খোলা ছাদের একান্তে গিয়া রেলিঙ ধরিয়া চূপ করিয়া দাঁড়াইল। তখন সম্মুখের আকাশে চাঁদ উঠিয়াছিল এবং শীতল পাণ্ডুর জ্যোৎস্নায় চারিদিক ভাসিয়া যাইতেছিল। উপরে স্বচ্ছ নির্মল নীলাকাশ। সে একবার শেখরের ঘরের দিকে দৃষ্টি নিক্ষেপ করিয়া উর্দ্ধমুখে চাহিয়া রহিল। এইবার স্তাহার চোখ জ্বালা করিয়া লজ্জায়, অভিমানে হুই চোখ জলে ভরিয়া গেল। সে এত ছোট নহে যে, এ সব কথা তাৎপর্য সম্পূর্ণ হৃদয়ঙ্গম করিতে পারে না, তবে কেন তাহাকে এমন মর্মান্তিক উপহাস করা ! সে

যে কত তুচ্ছ, কত নিচে, এ কথা বুঝিবার তাহার যথেষ্ট বয়স হইয়াছে। সে ঠিক জানে, সে অনাথ এবং নিরুপায় বলিয়া তাহাকে সবাই আদর ও যত্ন করে—শেখরও করে, তাহার জননীও করেন। তাহার আপনার বলিতে কেহ নাই, সত্যকার দায়িত্ব তাহার কাহারও উপর নির্ভর করে না বলিয়াই গিরীন সম্পূর্ণ পর হইয়াও তাহাকে উদ্ধার করিয়া দিবার কথা তুলিতে পারিয়াছেন।

ললিতা চোখ মুদিয়া মনে মনে বলিল, এই কলিকাতার সমাজে তাহার মামার অবস্থা ত শেখরদের কত নিচে, সে আবার সেই মামার আশ্রিত গলগ্রহ। শুদিকে সমান ঘরে শেখরের বিবাহের কথাবার্তা চলিতেছে, দুদিন আগেই হোক, পাঁচুই হোক, সেই ঘরেই একদিন হইবে। এই বিবাহ উপলক্ষে নবীন রায় কত টাকা আদায় করিবেন সে সব আলোচনাও সে শেখরের জননীর কাছে শুনিয়াছে।

তবে, কেন তাহাকে হঠাৎ আজ এমন করিয়া শেখরদা অপমান করিয়া বসিল! এই সব কথা ললিতা স্নমুখের দিকে শূন্যদৃষ্টিতে চাহিয়া নিজের মনে মগ্ন হইয়া আলোচনা করিতেছিল, সহসা চমকিয়া মুখ ফিরাইয়া দেখিল শেখর নিঃশব্দে হাসিতেছে। ইতিপূর্বে যে মালাটা সে শেখরের গলায় পরাইয়া দিয়াছিল, ঠিক সেই উপায়ে সেই গাঁদা ফুলের মালাটা তাহার নিজের গলায় ফিরিয়া আসিয়াছে। কান্নায় তাহার কণ্ঠ রুদ্ধ হইয়া আসিতে লাগিল, তবু সে জোর করিয়া বিকৃতস্বরে বলিল, কেন এমন করলে?

তুমি করেছিলে কেন?

আমি কিছু করি নি, বলিয়াই সে মালাটা টান মারিয়া ছিঁড়িয়া ফেলিবার জন্য হাত দিয়াই হঠাৎ শেখরের চোখের দিকে চাহিয়া থামিয়া গেল। আর ছিঁড়িয়া ফেলিতে সাহস করিল না, কিন্তু কাঁদিয়া বলিল, আমার কেউ নেই বলেই ত তুমি এমন ক'রে আমাকে অপমান কর্চ!

শেখর এতক্ষণ মুহু মুহু হাসিতেছিল, ললিতার কথা শুনিয়া অবাক হইয়া গেল। এ ত ছেলেমানুষের কথা নয়! কহিল, আমি অপমান করুচি, না তুমি আমাকে অপমান করুচ ?

ললিতা চোখ মুছিয়া ভয়ে ভয়ে বলিল, আমি কৈ অপমান করলুম ?

শেখর ক্ষণকাল স্থির থাকিয়া সহজভাবে বলিল, এখন একটু ভেবে দেখলেই টের পাবে। আজকাল বড় বাড়াবাড়ি কচ্ছিলে ললিতা, আমি বিদেশে যাবার আগে সেইটেই তোমার বন্ধ ক'রে দিলুম। বলিয়া চুপ করিল।

ললিতা আর প্রত্যুত্তর করিল না, মাথা হেঁট করিয়া দাঁড়াইয়া রহিল। পরিপূর্ণ জ্যোৎস্নাতলে দুজনাই স্তব্ধ হইয়া রহিল। শুধু, নিচে হইতে কালীর মেয়ের বিয়ের শাঁখের শব্দ ঘন ঘন শোনা যাইতে লাগিল।

কিছুক্ষণ মৌন থাকিয়া শেখর কহিল, আর হিমে দাঁড়িয়ে থেক না নিচে যাও।

যাচ্ছি, বলিয়া ললিতা এতক্ষণ পরে তাহার পায়ের নিচে গড় হইয়া প্রণাম করিয়া উঠিয়া দাঁড়াইয়া আস্তে আস্তে জিজ্ঞাসা করিল, আমি কি করুব বলে দিয়ে যাও।

শেখর হাসিল। একবার একটু দ্বিধা করিল, তার পর দুই হাত বাড়াইয়া তাহাকে বুকের উপর টানিয়া আনিয়া নত হইয়া তাহার অধরে ওষ্ঠাধর স্পর্শ করিয়া বলিল, কিছুই বলে দিতে হবে না ললিতা, আজ থেকে আপনিই বুঝতে পারবে!

ললিতার সর্বশরীর রোমাঞ্চিত হইয়া কাঁপিয়া উঠিল। সে সরিয়া দাঁড়াইয়া বলিল, আমি হঠাৎ তোমার গলায় মালা পরিয়ে দিলে ফেলেচি বলেই কি তুমি এ রকম করলে ?

শেখর হাসিয়া মাথা নাড়িয়া বলিল, না। আমি অনেক দিন ধরে দড়ি ভাব চি, কিন্তু স্থির করে উঠতে পারি নি। আজ স্থির করেছি, আর

আজই ঠিক বুঝতে পেরেছি তোমাকে ছেড়ে থাকতে পারব না।

ললিতা বলিল, কিন্তু তোমার বাবা শুনলে ভয়ানক রাগ করবেন, মা শুনলে দুঃখ করবেন—এ হবে না শে—

বাবা শুনলে রাগ করবেন সত্যি, কিন্তু মা খুব খুসী হবেন। সে যাই হোক, যা হবার হ'য়ে গেছে—এখন তুমিও ফেরাতে পার না, আমিও পারি নে। যাও নিচে গিয়ে মাকে প্রণাম কর গে।

অষ্টম পরিচ্ছেদ

মাস-তিনেক পরে একদিন গুরুচরণ স্নান-মুখে নবীন রায়ের ঘরে ঢুকিয়া ফরাসের উপর বসিবার উপক্রম করিতেই তিনি চীংকার করিয়া নিষেধ করিলেন, না না না, এখানে নয়—ঐ চৌকির উপর বোস গিয়ে।
আমি অসময়ে আবার স্নান করিতে পারব না—বলি জাত দিয়েছ না কি হে?

গুরুচরণ দূরে একটা চৌকীর উপর বসিয়া পড়িয়া মাথা হেঁট করিয়া রহিল। দিন-চারেক পূর্বে সে যথারীতি দীক্ষা গ্রহণ করিয়া ব্রাহ্ম হইয়াছিল, আজ সেই সংবাদটা নানা বর্ণে বিচিত্র হইয়া গোঁড়া হিন্দু নবীনের প্রতিগোচর হইয়াছে। নবীনের চোখ দিয়া অগ্নিস্ফুলিঙ্গ বাহির হইতে লাগিল, কিন্তু গুরুচরণ তেমনি মৌন নত-মুখে বসিয়া রহিল। সে কাহাকেও কোন কথা জিজ্ঞাসা না করিয়া কাজটা করিয়া অবধি বাড়িতে কান্নাকাটি এবং অশান্তির পরিসীমা ছিল না।

নবীন পুনরায় তর্জ্জন করিয়া উঠিলেন, বল না হে, সত্যি কি না?

গুরুচরণ জলভারাক্রান্ত দুই চক্ষু তুলিয়া বলিল, আজ্ঞে, সত্যি।

কেন এমন কাজ করলে? তোমার মাইনে ত মোটে ষাটটি টাকা, তুমি—ক্রোধে নবীন রায়ের মুখ দিয়া কথা বাহির হইল না।

গুরুচরণ চোখ মুছিয়া, রুদ্ধ কণ্ঠ পরিষ্কার করিয়া লইয়া বলিল, জ্ঞান ছিল না দাদা। দুঃখের জ্বালায় গলাতেই দড়ি দেব, কি ব্রহ্মজ্ঞানীই হব, কিছুই ঠাওরাতে পাচ্ছিলুম না। শেষে ভাবলুম আত্মঘাতী না হ'য়ে ব্রহ্মজ্ঞানী হই, তাই, ব্রহ্মজ্ঞানীই হয়ে গেলুম।

গুরুচরণ চোখ মুছিতে মুছিতে বাহির হইয়া গেল।

নবীন চীংকার করিয়া বলিলেন, বেশ করেচ। নিজের গলায় দড়ি না দিতে পেরে জাতের গলায় দড়ি টাঙিয়ে দিয়েছ—আচ্ছা যাও, আর

আমাদের সামনে কালামুখ বা'র ক'রো না, এখন যাঁরা সব মস্ত্রী হয়েচেন, তাঁদের সঙ্গেই থাক গে—মেয়েদের হাড়ি-মুচির ঘরে দাও গে যাও, বলিয়া বিদায় করিয়া দিয়া তিনি মুখ ফিরাইয়া বসিলেন।

নবীন রাগে অভিমানে কি যে করিবেন প্রথমটা কিছুই ভাবিয়া পাইলেন না। গুরুচরণ হাতের ভিতর হইতে সম্পূর্ণ বাহির হইয়া গিয়াছে, আর শীঘ্র মুঠার মধ্যে আসিবে এ সম্ভাবনাও নাই—তাই নিষ্ফল আক্রোশে ছট্‌ফট্‌ করিয়া আপাততঃ জব্দ করিবার আর কোন ফন্দি খুঁজিয়া না পাইয়া সেই দিনই মিস্ত্রী ডাকিয়া ছাদের যাতায়াতের পথটা বন্ধ করিয়া একটা মস্ত প্রাচীর তুলিয়া দিলেন।

এই সংবাদ বহুদূর প্রবাসে বসিয়া ভুবনেশ্বরী শেখরের মুখে শুনিয়া কাঁদিয়া ফেলিলেন।—শেখর এ মতিবুদ্ধি কে দিলে তাকে ?

মতিবুদ্ধি কে দিয়াছিল শেখর তাহা নিশ্চয় অনুমান করিয়াছিল। সে উল্লেখ না করিয়া বলিল, কিন্তু মা, দুদিন পরে তোমরাই ত তাঁকে এক-ঘরে ক'রে রাখতে ! এতগুলি মেয়ের বিয়ে তিনি কি ক'রে দিতেন আমি ত ভেবে পাই নে।

ভুবনেশ্বরী ঘাড় নাড়িয়া বলিলেন, কিছুই আটকে থাকে না শেখর ? আর সেজন্ত আগে থেকে জাত দিতে হ'লে অনেককেই দিতে হয়। ভগবান যাদের সংসারে পাঠিয়েছেন তিনিই তাদের ভার নিতেন। শেখর চুপ করিয়া রহিল। ভুবনেশ্বরী চোখ মুছিয়া বলিলেন, আমার ললিতা মেয়েটাকে যদি সঙ্গে আনতুম তা হ'লে যা হয় একটা উপায় আমাকে ক'রে দিতে হ'ত—দিতামও। আমি ত জানি নে গুরুচরণ এই সব মংলব ক'রেই পাঠিয়ে দিলে না। আমি মনে ক'রেছিলুম বুঝি সত্যিই তার বিয়ের সম্বন্ধ হচ্ছে।

শেখর মায়ের মুখের দিকে চাহিয়া একটুখানি লজ্জিতভাবে বলিল, বেশ ত মা, এখন বাড়ি গিয়ে তাই কর না কেন ! সে ত আর ব্রাহ্ম

হয় নি—তার মামাই হয়েছে—আর তিনিও কিছু তার যথার্থ আপনার কেউ নন। ললিতার কেউ নেই ব'লেই তাঁর ঘরে মাল্লুষ হচ্ছে।

ভুবনেশ্বরী ভাবিয়া বলিলেন, তা বটে, কিন্তু কর্তা এক রকমের মাল্লুষ, তিনি কিছুতেই রাজী হবেন না। হয় ত তাদের সঙ্গে দেখা-সাক্ষাৎ পর্য্যন্ত করতে দেবেন না।

শেখরের নিজের মনেও এই আশঙ্কা যথেষ্ট ছিল, সে আর কিছু না বলিয়া চলিয়া গেল।

ইহার পরে আর এক মিনিটও তাহার বিদেশে থাকিতে ইচ্ছা রহিল না। দু-তিন দিন চিন্তিত অপ্রসন্নমুখে এদিকে ওদিকে ঘুরিয়া বেড়াইয়া একদিন সন্ধ্যার সময় আসিয়া বলিল, আর ভাল লাগ্চে না মা, চল বাড়ি যাই।

ভুবনেশ্বরী তৎক্ষণাৎ সম্মত হইয়া বলিলেন, তাই চল শেখর, আমারও কিছু ভাল লাগ্চে না।

বাড়ি ফিরিয়া আসিয়া মাতাপুত্র উভয়েই দেখিলেন, ছাদের সেই যাতায়াতের পথটা বন্ধ করিয়া প্রাচীর উঠিয়াছে। গুরুচরণের সহিত আর কোন সম্পর্ক রাখা, এমন কি, মুখের আলাপ রাখাও যে কর্তার অভিপ্রেত নয় তাহা কাহাকেও না জিজ্ঞাসা করিয়াই উভয়ে বুঝিলেন।

রাত্রে শেখরের আহ্বারের সময় মা উপস্থিত ছিলেন, দুই একটা কথার পরে বলিলেন, ওদের গিরীনবাবুর সঙ্গেই ললিতার বিয়ে দেবার কথাবার্তা হচ্ছে। আমি তা আগেই বুঝেছিলাম।

শেখর মুখ না তুলিয়াই জিজ্ঞাসা করিল, কে বললে?

ওর মামি! দুপুর-বেলা কর্তা ঘুমোলে আমি নিজেই গিয়ে দেখা করে এসেছি। সেই অবধি কেঁদে কেঁদে চোখ মুখ ফুলিয়ে ফেললে। কণকাল মৌন থাকিয়া তিনি নিজের চোখ দুটি আঁচলে মুছিয়া ফেলিয়া বলিলেন, কপাল, শেখর কপাল। এই কপালের লেখা কেউ খণ্ডাতে

পারে না—কার আর দোষ দিই বল! যাই হোক, গিরীন ছেলোট ভাল, সঙ্গতিও আছে, ললিতার কষ্ট হবে না, বলিয়া চুপ করিলেন।

প্রত্যন্তরে শেখর কোন কথাই বলিল না—মুখ নিচু করিয়া খাবার-গুলা হাত দিয়া নাড়া-চাড়া করিতে লাগিল। পানিক পরে মা উঠিয়া গেলে সেও উঠিয়া গিয়া হাত-মুখ ধুইয়া বিছানায় শুইয়া পড়িল।

পরদিন সন্ধ্যার পর একটুখানি ঘুরিয়া আসিবার জন্ত সে পথে বাহির হইয়াছিল। তখন গুরুচরণের বাহিরের ঘরে প্রাত্যহিক চা পানের সভা বসিয়াছিল এবং যথেষ্ট উৎসাহের সহিত হাসি এবং কথাবার্তা চলিতেছিল। তথাকার কোলাহল শেখরের কানে যাইবামাত্র সে একবার স্থির হইয়া কি ভাবিল, তার পর ধীরে ধীরে বাড়ি ঢুকিয়া সেই শব্দ অহুমরণ করিয়া গুরুচরণের বাহিরের ঘরে আসিয়া দাঁড়াইল। তৎক্ষণাৎ কলরব থামিল এবং তাহার মুখের দিকে চাহিয়া সকলেরই মুখের ভাব পরিবর্তিত হইয়া গেল।

শেখর ফিরিয়া আসিয়াছিল এ সংবাদ ললিতা ছাড়া আর কেহ জানিত না। আজ গিরীন এবং আরও একজন ভদ্রলোক উপস্থিত ছিলেন, তিনি বিস্মিত মুখে শেখরের প্রতি চাহিয়া রইলেন এবং গিরীন মুখ অত্যন্ত গম্ভীর করিয়া দেওয়ালের দিকে তাকাইয়া রহিল। সর্কাপেক্ষা অধিক টেচাইতে ছিলেন গুরুচরণ নিজে, তাঁহার মুখ একেবারে পাণ্ডুর হইয়া গেল। তাঁহার হাতের কাছে বসিয়া ললিতা তখনও চা তৈরী করিতেছিল একবার মুখ তুলিয়া চাহিয়া মাথা হেঁট করিল।

শেখর সরিয়া আসিয়া তক্তপোষের উপর মাথা ঠেকাইয়া প্রণাম করিল এবং একধারে বসিয়া পড়িয়া হাসিয়া বলিল, এ কি, একেবারে সমস্ত নিবে গেল যে!

গুরুচরণ মুহূর্ত্তে বোধ করি আশীর্বাদ করিলেন, কিন্তু কি বলিলেন বোঝা গেল না।

তাঁহার মনের ভাব শেখর বুঝিল, তাই সময় দিবার জন্ত নিজের কথা

পাড়িল। কাল সকালের গাড়ীতে ফিরিয়া আসিবার কথা, জননীর রোগ উপশম হইবার কথা, পশ্চিমের কথা, আরও কত কি সংবাদ অনর্গল বকিয়া গিয়া শেষে সেই অপরিচিত যুবকটির মুখের দিকে চাহিল।

গুরুচরণ এতক্ষণে নিজেকে কতকটা সামলাইয়া লইয়াছিলেন; ছেলেটির পরিচয় দিয়া বলিলেন, ইনি আমাদের গিরীনের বন্ধু। এক জায়গায় বাড়ি, একত্রে লেখাপড়া শেখা, অতি সং ছেলে—শ্রাম-বাজারে থাকেন, তবুও আমার সঙ্গে আলাপ হওয়া পর্য্যন্ত প্রায়ই এসে দেখা-সাক্ষাৎ করে যান।

শেখর ঘাড় নাড়িয়া মনে মনে বলিল, হাঁ, খুব ভাল ছেলে। কতক্ষণ চুপ করিয়া থাকিয়া বলিল, কাকা, আর সব খবর ভাল ত ?

গুরুচরণ জবাব দিলেন না; মাথা হেঁট করিয়া রহিলেন। শেখর উঠিবার উপক্রম করিতেই হঠাৎ কঁাদ কঁাদ স্বরে বলিয়া উঠিলেন, মাঝে মাঝে এসো, বাবা, একেবারে যেন ত্যাগ করে না। সব কথা শুনেচ ত ?

শুনিচি বৈকি, বলিয়া শেখর অন্তরের দিকে চলিয়া গেল।

তার পরেই ভিতর হইতে গৃহিণীর কান্নার শব্দ উঠিল, বাহিরে বসিয়া গুরুচরণ হেঁটমুখে কোঁচার খুঁট দিয়া নিজের চোখের জল মুছিতে লাগিলেন এবং গিরীন অপরাধীর মত মুখ করিয়া জানালার বাহিরে চাহিয়া চুপ করিয়া রহিল। ললিতা পূর্বেই উঠিয়া গিয়াছিল।

কিছুক্ষণ পরে শেখর রান্নাঘর হইতে বাহির হইয়া বারান্দা পার হইয়া উঠানে নামিতে গিয়া দেখিল, অন্ধকার কপাটের আড়ালে ললিতা দাঁড়াইয়া আছে। সে ভূমিষ্ট হইয়া প্রণাম করিল এবং দাঁড়াইয়া উঠিয়া বুকের একান্ত সন্নিকটে সরিয়া আসিয়া মুখ তুলিয়া মুহূর্তকাল নিঃশব্দে কি যেন আশা করিয়া রহিল, তার পর পিছাইয়া গিয়া চুপি চুপি বলিল, আমার চিঠির জবাব দিলে না কেন ?

কৈ, আমি ত চিঠি পাই নি—কি লিখেছিলে ?

ললিতা বলিল, অনেক কথা। সে যাক। সব শুনেচ ত, এখন তোমার কি হুকুম, তাই বল।

শেখর বিস্ময়ের স্বরে কহিল, আমার হুকুম! আমার হুকুমে কি হবে?

ললিতা শঙ্কিত হইয়া মুখপানে চাহিয়া জিজ্ঞাসা করিল, কেন?

তা বই কি ললিতা। আমি কার ওপর হুকুম দেব?

আমার ওপর, আর কার ওপর দিতে পার?

তোমার ওপরেই বা দেব কেন? আর দিলেই বা তুমি শুনবে কেন? শেখরের কণ্ঠস্বর গভীর, ঈষৎ করুণ।

এবার ললিতা মনে মনে অত্যন্ত ভয় পাইয়া, আর একবার কাছে সরিয়া আসিয়া কঁাদ কঁাদ গলায় বলিল, যাও—এখন আমার তামাসা ভাল লাগছে না। পায়ে পড়ি কি হবে বল? ভয়ে রাক্তিরে আমার ঘুম হয় না।

ভয় কিসের?

বেশ যা হোক। ভয় হবে না, তুমি কাছে নেই, মা কাছে নেই, মাঝে থেকে মামা কি সব কাণ্ড ক'রে ব'সলেন—এখন মা যদি আমাকে ঘরে নিতে না চান?

শেখর ক্ষণকাল চুপ করিয়া থাকিয়া বলিল, সে সত্যি, মা নিতে চাইবেন না। তোমার মামা অপরের কাছে অনেক টাকা নিয়েচেন, সে কথা তিনি শুনেচেন। তা ছাড়া এখন তোমরা ব্রাহ্ম আমরা হিন্দু।

আম্মাকালী এই সময়ে রান্নাঘর হইতে ডাক দিল, সেজদি, মা ডাক্চেন।

ললিতা টেঁচাইয়া বলিল, যাচ্ছি, তার পর গলা খাট করিয়া বলিল, মা বাই হোন, তুমি যা আমিও তাই। মা তোমাকে যদি ফেলতে না


পারেন আমাকেও ফেলবেন না। আর গিরীনবাবুর কাছে টাকা নেবার কথা বলচ—তা সে আমি ফিরিয়ে দেব। আর ঋণের টাকা দুদিন আগেই হোক, পিছনেই হোক দিতেই ত হবে!

শেখর প্রশ্ন করিল, অত টাকা পাবে কোথায়?

ললিতা শেখরের মুখের পানে একটবার চোখ তুলিয়া মুহূর্তকাল মৌন থাকিয়া বলিল, জান না, মেয়েমানুষে কোথায় টাকা পায়? আমিও সেইখানে পাব।

এতক্ষণ শেখর সংযত হইয়া কথা কহিতে থাকিলেও ভিতরে পুড়িতেছিল, এবার বিক্রপ করিয়া বলিল, কিন্তু তোমার মামা তোমাকে বিক্রী ক'রে ফেলেচেন যে!

ললিতা অন্ধকারে শেখরের মুখের ভাব দেখিতে পাইল না, কিন্তু কণ্ঠস্বরের পরিবর্তন টের পাইল। সে দৃঢ়স্বরে জবাব দিল, ও-সব মিছে কথা। আমার মামার মতন মানুষ সংসারে নেই—তাকে তুমি ঠাট্টা ক'রো না। তাঁর দুঃখ-কষ্ট তুমি না জানতে পার, কিন্তু পৃথিবী-স্বল্প লোক জানে, বলিয়া একবার ঢোক গিলিয়া একবার ইতস্ততঃ করিয়া শেষে বলিল, তা ছাড়া তিনি টাকা নিয়েচেন আমার বিয়ে হবার পরে, স্বত্বাংশ আমাকে বিক্রী করবার অধিকার তাঁর নেই, বিক্রীও করেন নি। এ অধিকার আছে শুধু তোমারি, তুমি ইচ্ছে করলে টাকা দেবার ভয়ে আমাকে বিক্রী ক'রে ফেলতে পার বটে! বলিয়া উত্তরের জন্ত অপেক্ষা না করিয়াই দ্রুতপদে চলিয়া গেল।



নবম পরিচ্ছেদ

সে রাত্রে বহুক্ষণ পর্য্যন্ত শেখর বিহ্বলের মত পথে পথে ঘুরিয়া ঘরে ফিরিয়া আসিয়া ভাবিতেছিল সেদিনকার এক-ফোঁটা ললিতা এত কথা শিখিল কিরূপে? এমন নির্লজ্জ মুখরার মত তাহার মুখের উপর কথা কহিল কি করিয়া?

আজ সে ললিতার ব্যবহারে সত্যই অত্যন্ত বিস্মিত ও ক্রুদ্ধ হইয়াছিল। কিন্তু এই ক্রোধের যথার্থ হেতুটা কি এ যদি শাস্ত হইয়া ভাবিয়া দেখিত, দেখিতে পাইত রাগ ললিতার উপরে নহে তাহা সম্পূর্ণ নিজেদের উপরেই।

ললিতাকে ছাড়িয়া এই কয়টা মাসের প্রবাসবাসকালে সে নিজের কল্পনায় নিজেকে আবদ্ধ করিয়া শুধু কাল্পনিক সুখ-দুঃখ লাভ-ক্ষতিই খতাইয়া দেখিত। কিন্তু ললিতা আজ যে তাহার জীবনের কতখানি, ভবিষ্যতের সহিত কিরূপ অচ্ছেদ্য-বন্ধনে গ্রথিত, তাহার অবর্তমানে বাঁচিয়া থাকা কত কঠিন, কত দুঃখকর, বিছানায় শুইয়া এই কথাই সে বার বার আলোচনা করিতে লাগিল। ললিতা শিশুকাল হইতে নিজেদের সংসারে মিশিয়াছিল বলিয়াই তাহাকে বিশেষ করিয়া আর সে সংসারের ভিতরে, বাপ-মা ভাই-বোনের মাঝখানে নামাইয়া আনিয়া দেখে নাই, দেখিবার কথাও মনে করে নাই। ললিতাকে হয়ত পাওয়া যাইবে না, পিতা-মাতা এ বিবাহে সম্মতি দিবেন না, হয়ত সে অপর ক্রাহীরও হইবে, দুঃশিস্তা তাহার বরাবর এই ধার বহিয়াই চলিয়াছিল, তাই বিদেশে যাইবার পূর্বের রাত্রে জোর করিয়া গলায় মালা পরাইয়া দিয়া সে এই দিকের ভাঙনটার মুখেই বাঁধ বাঁধিয়া গিয়াছিল।

প্রবাসে থাকিয়া গুরুচরণের ধর্মমত পরিবর্তনের সংবাদ শুনিয়া সে ব্যাকুল হইয়া অহর্নিশ এই চিন্তাই করিয়াছিল পাছে ললিতাকে হারাইতে হয়। সুখের হোক দুঃখের হোক ভাবনার এই দিকটা তাহার

পরিচিত ছিল, আজ ললিতার স্পষ্ট কথা এই দিকটা সজ্ঞাবে বন্ধ করিয়া দিয়া ভাবনার ধারা একেবারে উল্টাশ্রোতে বহাইয়া দিয়া গেল। তখন চিন্তা ছিল, পাছে না পাওয়া যায়, এখন ভাবনা হইল, পাছে না ছাড়া যায়।

শ্রামবাজারের সম্বন্ধটা ভাঙিয়া গিয়াছিল। তাঁহারাও অত টাকা দিতে শেষ পর্যন্ত পিছাইয়া দাঁড়াইলেন। শেখরের জননীরাও মেয়েটি মনঃপুত হইল না। সুতরাং এই দায় হইতে শেখর আপাততঃ অব্যাহতি লাভ করিয়াছিল বটে, কিন্তু নবীন রায় দশ-বিশ হাজারের কথা বিন্মত হন নাই এবং সে পক্ষে নিশ্চেষ্ট হইয়াও ছিলেন না।

শেখর ভাবিতেছিল, কি করা যায়! সে রাত্রির সেই কাজটা যে এতবড় গুরুতর হইয়া উঠিবে, ললিতা যে এমন অসংশয়ে বিশ্বাস করিয়া লইবে তাহার সত্যই বিবাহ হইয়া গিয়াছে এবং ধর্ম্মতঃ কোন কারণেই ইহার আর অণুখা হইতে পারে না, সেদিন এত কথা শেখর ভাবিয়া দেখে নাই। যদিও নিজের মুখেই উচ্চারণ করিয়াছিল, যা হইবার হইয়াছে, এখন তুমিও ফিরাইতে পার না, আমিও না, কিন্তু তখন, আজ যেমন করিয়া সে সমস্তটা ভাবিয়া দেখিতেছে তেমন করিয়া ভাবিয়া দেখিবার শক্তিও ছিল না, বোধ করি, অবসরও ছিল না।

তখন মাথার উপর চাঁদ উঠিয়াছিল, জ্যোৎস্নায় চারিদিক ভাসিয়া গিয়াছিল, গলায় মালা হুলিয়াছিল, প্রিয়তমার বক্ষস্পন্দন নিজের বুক পাতিয়া প্রথম অনুভবের মোহ ছিল এবং প্রণয়ীরা যাহাকে অধরহুখা বলিয়াছেন, তাহাই পান করার অতি তীব্র নেশা ছিল। তখন স্বার্থ এবং সাংসারিক ভালমন্দ মনে পড়ে নাই, অর্থলোলুপ পিতার রুদ্র-মূর্তি চোখের উপর জাগিয়া উঠে নাই। ভাবিয়াছিল, মা ত ললিতাকে স্নেহ করেন, তখন তাঁহাকে সন্তুষ্ট করানো কঠিন হইবে না এবং দাদাকে দিয়া পিতাকে কোন মতে কোমল করিয়া

আনিতে পারিলে শেষ পর্য্যন্ত হয় ত কাজটা হইয়াই যাইবে। তা ছাড়া, গুরুচরণ এই ভাবে তখন নিজেকে বিচ্ছিন্ন করিয়া তাহাদের আশার পথটা পাথর দিয়া এমন ভাবে আঁটিয়া বন্ধ করেন নাই। এখন যে বিধাতাপুরুষ নিজে মুখ ফিরাইয়া বসিয়াছেন।

বস্তুতঃ শেখরের চিন্তা করিবার বিশেষ কিছু ছিল না। সে নিশ্চয় বুঝিতেছিল পিতাকে সম্মত করানো ত ঢের দূরের কথা, জননীকে সম্মত করানোও সম্ভব নহে। একথা যে আর মুখে আনিবারও পথ নাই।

শেখর দীর্ঘনিশ্বাস ফেলিয়া আর একবার অশ্রুটে আবৃত্তি করিল, কি করা যায়! সে ললিতাকে বেশ চিনিত, তাহাকে নিজের হাতে মানুষ করিয়াছে—একবার যাহা সে নিজের ধর্ম্ম বলিয়া বুঝিয়াছে, কোন মতেই তাহাকে ত্যাগ করিবে না। সে জানিয়াছে সে শেখরের ধর্ম্মপত্নী, তাই সন্ধ্যার অন্ধকারে অসঙ্কোচে বৃকের কাছে সরিয়া আসিয়া মুখের কাছে মুখ তুলিয়া অমন করিয়া দাঁড়াইতে পারিয়াছিল।

গিরীনের সহিত তাহার বিবাহের কথাবার্ত্তা স্বরূপ হইয়াছে—কিন্তু কেহই তাহাকে ত সম্মত করাইতে পারিবে না! আর ত সে কোন মতেই চুপ করিয়া থাকিবে না! এখন সমস্ত প্রকাশ করিয়া দিবে। শেখরের চোখ-মুখ উত্তপ্ত হইয়া উঠিল। সত্যই ত! সে ত শুধু মালা বদল করিয়াই ক্ষান্ত হয় নাই, তাহাকে বৃকের উপর টানিয়া লইয়া তাহার মুখচুষন করিয়াছিল। ললিতা বাধা দেয় নাই—দোষ নাই বলিয়াই দেয় নাই—ইহাতে তাহার অধিকার আছে বলিয়াই দেয় নাই। এখন এই ব্যবহারের জবাব সে কার কাছে কি দিবে?

পিতা-মাতার অমতে ললিতার সহিত বিবাহ হইতে পারে না, তাহা নিশ্চয়, কিন্তু গিরীনের সহিত ললিতার বিবাহ না হইবার হেতু প্রকাশ পাইবার পর ঘরে-বাহিরে সে মুখ দেখাইবে কি করিয়া?

দশম পরিচ্ছেদ

অসম্ভব বলিয়া শেখর ললিতার আশা একেবারেই ত্যাগ করিয়াছিল। প্রথম ক'টা দিন মনে মনে অত্যন্ত ভয়ে ভয়ে থাকিত, পাছে হঠাৎ সে আসিয়া উপস্থিত হয়, পাছে সব কথা প্রকাশ করিয়া দেয়, পাছে এই সব লইয়া লোকের কাছে জবাবদিহি করিতে হয়। কিন্তু কেহই তাহার কৈকিয়ৎ চাহিল না, কোন কথা প্রকাশ পাইয়াছে কিনা তাহাও বুঝা গেল না, কিংবা সে-বাড়ি হইতে এ-বাড়িতে কেহ আসা-যাওয়া পর্য্যন্ত করিল না। শেখরের ঘরের স্তম্ভে যে খোলা ছাদটা ছিল, তাহার উপরে দাঁড়াইলে ললিতাদের ছাদের সবটুকু দেখা যাইত; পাছে দেখা হয়, এই ভয়ে সে এই ছাদটায় পর্য্যন্ত দাঁড়াইত না। কিন্তু যখন নির্বিঘ্নে একমাস কাটিয়া গেল, তখন সে নিশ্বাস ফেলিয়া মনে মনে বলিল, হাজার হোক মেয়েমানুষের লজ্জা-সম্মান আছে, এ সকল ব্যাপার সে প্রকাশ করিতেই পারে না। সে শুনিয়াছিল, ইহাদের বুক কাটিয়া গেলেও মুখ ফুটিতে চাহে না, এ কথা সে বিশ্বাস করিল এবং সৃষ্টিকর্তা তাহাদের দেহে এই দুর্বলতা দিয়াছেন বলিয়া সে মনে মনে তাঁহার বুদ্ধির প্রশংসা করিল। অথচ শাস্তি পাওয়া যায় না কেন? যখন হইতে সে বুঝিল, আর ভয় নাই, তখন হইতেই এক অভূতপূর্ব ব্যথায় সমস্ত বুক ভরিয়া উঠিতেছে কেন? রহিয়া রহিয়া হৃদয়ের অন্তরতম স্থল পর্য্যন্ত এমন করিয়া নিরাশায়, বেদনায়, আশঙ্কায় কাঁপিয়া উঠে কেন? তবে ত ললিতা কোন কথাই বলিবে না? আর একজনের হাতে সঁপিয়া দিবার সময় পর্য্যন্ত মোন হইয়া থাকিবে। তাহার বিবাহ হইয়া গিয়াছে, সে স্বামীর ঘর করিতে চলিয়া গিয়াছে মনে হইলেও অন্তরে বাহিরে তাহার এমন করিয়া আগুন জলিয়া উঠে কেন?

পূর্বে সে সন্ধ্যার সময় বেড়াইতে বাহির না হইয়া স্তম্ভের খোলা

ছাদটার উপর পাদচারণা করিত, আজও তাহাই করিতে লাগিল, কিন্তু একটি দিনও গু-বাড়ির কাহাকেও ছাদে দেখিতে পাইল না। শুধু একদিন আল্লাকালী কি করিতে আসিয়াছিল কিন্তু তাহার প্রতি দৃষ্টি পড়িতেই চোখ নামাইয়া ফেলিল এবং শেখর তাহাকে ডাকিবে কি'না স্থির করিবার পূর্বেই অদৃশ্য হইয়া গেল। শেখর মনে মনে বুঝিল, তাহার। যে পথ বন্ধ করিয়া প্রাচীর তুলিয়া দিয়াছে ইহার অর্থ ঐ এককোঁটা কাঁালী পর্য্যন্ত জানিয়াছে।

আরও এক মাস গত হইল।

একদিন ভুবনেশ্বরী কথায় কথায় বলিলেন, এর মধ্যে তুই ললিতাটাকে দেখেচিস্ শেখর ?

শেখর ঘাড় নাড়িয়া বলিল, না, কেন ?

মা বলিলেন, প্রায় দুমাস পরে কাল তাকে ছাদে পেয়ে ডাকলুম—মেয়েটা আমার যেন আর এক রকমের হ'য়ে গেছে। রোগা, মুখখানি শুকনো, যেন কত বয়স হয়েছে। এমনি গম্ভীর, কার সাধ্য দেখে বলে চোদ্দ বছরের মেয়ে—তাহার চোখে জল আসিয়া পড়িল। হাত দিয়া মুছিয়া ফেলিয়া ভারি গলায় বলিলেন, পরণের কাপড়খানি ময়লা, আঁচলের কাছে খানিকটা সেলাই-করা ; জিন্সেস করলুম, তোর কাপড় নেই ম'বল্লে ত আছে, কিন্তু বিশ্বাস হয় না। কোন দিনই সে গু-মায়া দেওয়া কাপড় পরে না, আমিই দিই, আমিও ত ছ-সাত মাস কিছু দিই নি। তিনি আর বলিতে পারিলেন না, আঁচল দিয়া চোখ মুছিতে লাগিলেন—ললিতাকে যথার্থ-ই তিনি নিজের মেয়ের মত ভালবাসিতেন।

শেখর আর একদিকে চাহিয়া নিঃশব্দে বসিয়া রহিল।

অনেকক্ষণ পরে তিনি পুনরায় বলিলেন, আমি ছাড়া কোন দিন সে কারো কাছে কিছু চাইতেও পারে না। অসময়ে ক্রিদে পেলো বাড়িতে মুখ ফুটে বলতে পারে না, সেও আমি—ঐ আমার কাছে কাছে যুবু

বেড়াতো—আমি তার মুখ দেখলেই টের পেতুম। আমার সেই কথাই মনে হয় শেখর, হয়ত মুখ শুকিয়ে শুকিয়ে বেড়ায়, কেউ তাকে বোঝেও না, জিজ্ঞেসও করে না। আমাকে ত শুধু সে মা বলেই ডাকে না, মায়ের মত ভালও বাসে যে।

শেখর সাহস করিয়া মায়ের মুখের দিকে চোখ ফিরাইতে পারিল না। যেদিকে চাহিয়াছিল, সেইদিকে চাহিয়া থাকিয়াই কহিল, বেশ ত মা, কি তার দরকার, ডেকে জিজ্ঞেস ক'রে দাও না কেন ?

নেবে কেন ? উনি যাওয়া-আসার পথটা পর্যন্ত বন্ধ ক'রে দিলেন। আমিই বা দিতে যাব কোন মুখে ? ঠাকুরপো ছুঁথের জ্বালায় না বুঝে যেন একটা অন্তায় করেচেন, আমরা আপনার লোকের মত কোথায় একটা প্রায়শ্চিত্ত-ট্রায়শ্চিত্ত করিয়ে ঢেকে দেব, তা নয়, একেবারে পর করে দিলুম। আর তাও বলি, এ'র পীড়াপীড়িতেই সে জাত দিয়ে ফেলেছে। কেবল তাগাদা, কেবল তাগাদা—মনের ঘেঁরায় মানুষ সব করতে পারে। বরং আমি ত বলি, ঠাকুরপো ভালই করেছেন। ঐ গিরীন ছেলেটি আমাদের চেয়ে তাঁর ঢের বেশি আপনার, তার সঙ্গে ললিতার বিষে হুঁয়ে গেলে মেয়েটা স্থখে থাকবে তা আমি বল্চি। স্তন্টি, আস্চে আসেই হবে।

হঠাৎ শেখর মুখ ফিরাইয়া প্রশ্ন করিল, আস্চে মাসেই হবে নাকি ?

তাই ত শুনি।

শেখর আর কিছু জিজ্ঞাসা করিল না।

মা কিছুক্ষণ চুপ করিয়া থাকিয়া বলিলেন, ললিতার মুখে শুনলুম, ওর আমার দেহটাও নাকি আজকাল ভাল নেই। না থাকবারই কথা। একে তার নিজের মনেই স্থখ নেই, তাতে বাড়িতে নিত্য কান্নাকাটি—এক মিনিটের তরেও ও-বাড়িতে স্থান্তি নেই।

শেখর চুপ করিয়া শুনিতেছিল, চুপ করিয়াই রহিল।

খানিক পরে মা উঠিয়া গেলে সে বিছানায় আসিয়া শুইয়া পড়িল—
সে ললিতার কথা ভাবিতে লাগিল।

এই গলিটার দুখানা গাড়ীর স্বচ্ছন্দে যাতায়াতের স্থান হয় না।
একখানা গাড়ী খুব একপাশে ঘেঁষিয়া না দাঁড়াইলে আর একটা স্বাইভে
পারে না। দিন-দশেক পরে শেখরের আফিস-গাড়ী গুরুচরণের বাটীর
স্বমুখে বাধা পাইয়া স্থির হইল। শেখর আফিস হইতে ফিরিতেছিল
নামিয়া আসিয়া জিজ্ঞাসা করিয়া জানিল ডাক্তার আসিয়াছেন।

সে কিছুদিন পূর্বে মায়ের কাছে শুনিয়াছিল, গুরুচরণের শরীর ভাল
নাই। তাই মনে করিয়া আর বাড়ি গেল না, সোজা গুরুচরণের শোবার
ঘরে আসিয়া উপস্থিত হইল। তাই বটে। গুরুচরণ নিষ্কর্মীবের মত
বিছানায় পড়িয়া আছেন, একপাশে ললিতা এবং গিরীন শুষ্কমুখে বসিয়া
আছে, স্বমুখে চোকির উপর বসিয়া ডাক্তার রোগ পরীক্ষা করিতেছেন।

গুরুচরণ অশ্রুটস্থরে বসিতে বলিলেন, ললিতা মাথায় আঁচলটা আরো
একটু টানিয়া দিয়া মুখ ফিরাইয়া বসিল।

ডাক্তার পাড়ার লোক, শেখরকে চিনিতেন। রোগ পরীক্ষা করিয়া
ঔষধ ব্যবস্থা করিয়া তাহাকে সঙ্গে লইয়া বাহিরে আসিয়া বসিলেন।
গিরীন পিছনে আসিয়া টাকা দিয়া ডাক্তার বিদায় করিবার সময়, তিনি
বিশেষ করিয়া তাহাকে সতর্ক করিয়া দিলেন যে, রোগ এখনও অধিকদূর
অগ্রসর হয় নাই এই সময়ে বায়ু-পরিবর্তনের নিত্য স্তাব্য আবশ্যক।

ডাক্তার চলিয়া গেলে উভয়েই আর একবার গুরুচরণের ঘরে আসিয়া
দাঁড়াইলেন।

ললিতা ইসারা করিয়া গিরীনকে একপাশে ডাকিয়া লইয়া গিয়া চুপি
চুপি কথা কহিতে লাগিল, শেখর স্বমুখের চোকিতে বসিয়া শুক্ক হইয়া
গুরুচরণের দিকে চাহিয়া রহিল। তিনি ইতিপূর্বে ওদিকে মুখ ফিরাইয়া
শুইয়াছিলেন, শেখরের পুনরাগমন জানিতে পারিলেন না।

খানিকক্ষণ চুপ করিয়া বসিয়া থাকিয়া শেখর উঠিয়া গেল, তখনও ললিতা ও গিরীন তেমনি চুপচাপ কথাবার্তা কহিতেছিল, তাহাকে কেহ বসিতে বলিল না, আসিতে বলিল না, একটা কথা পর্য্যন্ত কেহ ডাকিয়া জিজ্ঞাসা করিল না।

আজ সে নিশ্চয় বুঝিয়া আসিল, ললিতা তাহাকে তাহার কঠিন দায় হইতে চিরদিনের মত মুক্তি দিয়াছে—এখন সে নির্ভয়ে হাঁক ফেলিয়া বাচুক—আর শঙ্কা নাই, আর ললিতা তাহাকে জড়াইবে না! ঘরে আসিয়া কাপড় ছাড়িতে ছাড়িতে সহস্রবার মনে পড়িল, আজ সে নিজের চোখে দেখিয়া আসিয়াছে গিরীনই ও-বাড়ির পরম বন্ধু, সকলের আশা ভরসা এবং ললিতার ভবিষ্যতের আশ্রয়। সে কেহ নহে, এমন বিপদের দিনেও ললিতা তাহার একটা মুখের পরামর্শেরও আর প্রত্যাশী নহে।

সে সহসা, উঃ—বলিয়া একটা গদী-আঁটা আরাম চৌকির উপর ঘাড় ঝুঁজিয়া বসিয়া পড়িল। ললিতা তাহাকে দেখিয়া মাথায় কাপড় টানিয়া দিয়া মুখ ফিরাইয়া লইয়াছিল যেন সম্পূর্ণ পর—একেবারে অপরিচিত! আবার তাহারই চোখের স্রুখে গিরীনকে আড়ালে ডাকিয়া কত না পরামর্শ! অথচ এই লোকটিরই অভিভাবকতায় একদিন তাহাকে থিয়েটার দেখিতে পর্য্যন্ত যাইতে দেয় নাই!

তখনও একবার ভাবিবার চেষ্টা করিল, হয় ত সে তাহাদের গোপন সম্বন্ধের কথা স্মরণ করিয়াই লজ্জায় ওরূপ ব্যবহার করিয়াছে, কিন্তু তাই বা কি করিয়া সম্ভব? তাহা হইলে এতকাণ্ড ঘটয়াছে অথচ একটি কথাও কি সে এতদিনের মধ্যে কোন কৌশলে তাহাকে জিজ্ঞাসা করিবার চেষ্টা করিত না!

হঠাৎ ঘরের বাহিরে মায়ের কণ্ঠস্বর শোনা গেল—তিনি ডাকিয়া বলিতেছেন, কই রে এখনও হাত-মুখ ধুস্নি—সন্ধ্যা হয় যে!

শেখর ব্যস্ত হইয়া উঠিয়া পড়িল এবং তাহার মুখের উপর মায়ের দৃষ্টি না পড়ে এইভাবে সে ঘাড় ফিরাইয়া রাখিয়া তাড়াতাড়ি নিচে নামিয়া গেল।

এই কয়টা দিন অনেক কথাই অনেক বকমের রূপ ধরিয়া তাহার মনের মধ্যে অন্তর্কণ আনাগোনা করিয়াছে, শুধু একটা কথা সে ভাবিয়া দেখিত না বস্তুত দোষ কোন্ দিকে। একটি আশার কথা সে আজ পর্যন্ত তাহাকে বলে নাই, কিম্বা তাহাকে বলিবারও স্বেচ্ছা দেয় নাই। বরঞ্চ পাছে প্রকাশ পায়, সে কোনরূপ দাবি করিয়া বসে, এই ভয়ে কাঠ হইয়াছিল। তথাপি সর্বপ্রকারের অপরাধ একা ললিতার মাথায় তুলিয়া দিয়াই সে তাহার বিচার করিতেছিল এবং নিজের হিংসায় ও ক্রোধে, অভিমানে, অপমানে পুড়িয়া মরিতেছিল। বোধ করি এমনি করিয়াই সংসারের সকল পুরুষ বিচার করে এবং এমনি করিয়াই দগ্ধ হয়। ✓

পুড়িয়া পুড়িয়া তাহার সাতদিন কাটিয়াছে, আজিও সন্ধ্যার পর নিম্ভক ঘরের মধ্যে সেই আগুন জালিয়া দিয়াই বসিয়াছিল, হঠাৎ দ্বারের কাছে শব্দ শুনিয়া মুখ তুলিয়াই তাহার হৃৎপিণ্ডটা লাকাইয়া উঠিল! কালীর হাত ধরিয়া ললিতা ঘরে ঢুকিয়া নিচে কার্পেটের উপর স্থির হইয়া বসিল। কালী বলিল, শেখরদা, আমরা দুজনে তোমায় প্রণাম করতে এসেছি—কাল আমরা চ'লে যাব।

শেখর কথা কহিতে পারিল না, চাহিয়া রহিল।

কালী বলিল, অনেক দোষ অপরাধ তোমার পায়ে আমরা করেছি শেখরদা, সে সব ভুলে যেয়ো।

শেখর বুঝিল, ইহার একটি কথাও তাহার নিজের নহে, সে শেখানো কথা বলিতেছে মাত্র। জিজ্ঞাসা করিল, কাল কোথায় যাবে তোমরা?

পশ্চিমে। বাবাকে নিয়ে আমরা সবাই মুন্সের যাব—সেখানে গিরীন-বাবুর বাড়ি আছে। তিনি ভাল হ'লেও আর আমাদের আসা হবে না, ডাক্তার বলেছেন, এ দেশ বাবার সহ্য হবে না।

শেখর জিজ্ঞাসা করিল, এখন তিনি কেমন আছেন?

একটু ভাল, বলিয়া কালী আচলের ভিতর হইতে কয়েক জোড়া

কাপড় বাহির করিয়া দেখাইয়া বলিল, জ্যাঠাইমা আমাদের কিনে দিয়েছেন।

ললিতা এতক্ষণ চুপ করিয়াছিল, উঠিয়া গিয়া টেবিলের উপর একটা চাবি রাখিয়া দিয়া বলিল, আলমারীর এই চাবিটা এতদিন আমার কাছেই ছিল, একটুখানি হাসিয়া বলিল, কিন্তু টাকাকড়ি ওতে নেই, সমস্ত পরচ হ'য়ে গেছে।

শেখর চুপ করিয়া রহিল।

কালী বলিল, চল মেজদি, রাত্তির হচ্ছে।

ললিতা কিছু বলিবার পূর্বেই এবার শেখর হঠাৎ ব্যস্ত হইয়া বলিয়া উঠিল, কালী, নিচে থেকে আমার জন্যে দুটো পান নিয়ে এস ত ভাই।

ললিতা তাহার হাত চাপিয়া ধরিয়া বলিল, তুই বোস্ কালী, আমি এনে দিচ্ছি, বলিয়া দ্রুতপদে নামিয়া গেল। খানিক পরে পান আনিয়া কালীর হাতে দিল, সে শেখরকে দিয়া আসিল।

পান হাতে লইয়া শেখর নিস্তরঙ্গ হইয়া বসিয়া রহিল।

চল্লুম শেখরদা, বলিয়া কালী পায়ের কাছে আসিয়া গড় হইয়া প্রণাম করিল। ললিতা যেখানে দাঁড়াইয়াছিল, সেইখানেই ভূমিষ্ঠ হইয়া প্রণাম করিয়া উভয়েই ধীরে ধীরে বাহির হইয়া গেল।

শেখর তাহার ভালমন্দ ও আত্মমর্যাদা লইয়া বিবর্ণ পাণ্ডুর মুখে, বিহ্বল হতবুদ্ধির মত শুক্ক হইয়া বসিয়া রহিল। সে আসিল, যাহা বলিবার ছিল বলিয়া চিরদিনের মত বিদায় লইয়া গেল, কিন্তু শেখরের কিছুই বলা হইল না। যেন বলিবার কথা তাহার ছিল না, এইভাবে, সমস্ত সময়টুকু কাটিয়া গেল। ললিতা কালীকে ইচ্ছা করিয়াই সঙ্গে আনিয়াছিল; কারণ সে চাহে না কোন কথা উঠে, ইহাও সে মনে মনে বুঝিল। তাহারপরে, তাহার সর্কশরীর বিম্ব বিম্ব করিতে লাগিল, মাথা ঘুরিয়া উঠিল, সে উঠিয়া বিছানায় চোখ বুজিয়া শুইয়া পড়িল।

একাদশ পরিচ্ছেদ

গুরুচরণের ভাড়া দেহ মৃদেবের জল-হাওয়াতেও আর জোড়া লাগিল না। বৎসর খানেক পরেই তিনি দুঃপের বোঝা নামাইয়া দিয়া চলিয়া গেলেন। গিরীন যথার্থ-ই তাঁহাকে অতিশয় ভালবাসিয়াছিল এবং শেষ দিন পর্য্যন্ত তাঁহার যথাসাধ্য করিয়াছিল।

মৃত্যুর পূর্বে তিনি সজল-কণ্ঠে তাহার হাত ধরিয়া অনুরোধ করিয়াছিলেন, সে যেন কোনদিন তাহার পর হইয়া না যায় এবং গভীর বন্ধুত্ব যেন নিকট আত্মীয়তায় পরিণত হয়। তিনি ইহা চোখে দেখিয়া যাইতে পারিলেন না, অন্তঃ-বিস্ময়ে সময় হইল না, কিন্তু পরলোকে বসিয়া যেন দেখিতে পান। গিরীন তখন সানন্দে এবং সর্কাস্তঃকরণে প্রতিশ্রুত হইয়াছিল।

গুরুচরণের কলিকাতার বাটীতে যে ভাড়াটিয়া ছিল, তাহার মুখে ভুবনেশ্বরী মধ্যে মধ্যে সংবাদ পাইতেন, গুরুচরণের মৃত্যুসংবাদ তাহারাই দিয়াছিল।

তাহার পর এ-বাড়িতে গুরুতর দুর্ঘটনা ঘটিল। নবীন রায় হঠাৎ মারা গেলেন। ভুবনেশ্বরী শোকে দুঃখে পাগলের মত হইয়া বড়বধূর হাতে সংসার সঁপিয়া দিয়া কাশী চলিয়া গেলেন। বলিয়া গেলেন, আগামী বৎসর শেখরের বিয়ের সমস্ত ঠিক হইয়া গেলে তিনি আসিয়া বিবাহ দিয়া যাইবেন।

বিবাহের সম্বন্ধ নবীন রায় নিজেই স্থির করিয়াছিলেন। এবং পূর্বেই হইয়া যাইত, শুধু তাঁহার মৃত্যু হওয়াতেই এক বৎসর স্থগিত ছিল। কল্যা-পক্ষের আর বিলম্ব করা চলে না, তাই তাহার কাল আসিয়া আলীকর্বাদ করিয়া গিয়াছিল। এই মাসেই বিবাহ। আজ শেখর জননীকে আনিতে যাইবার উত্তোগ করিতেছিল। আলমারী হইতে জিনিসপত্র

নামাইয়া তোরঙ্গ সাজাইতে গিয়া, অনেক দিন পরে তাহার ললিতার কথা মনে পড়িল। সব সেই করিত।

তিন বৎসরের অধিক হইল, তাহারা চলিয়া গিয়াছে, ইহার মধ্যে তাহাদের কোন সংবাদই সে জানে না। জানিবার চেষ্টাও করে নাই, বোধ করি, ইচ্ছাও ছিল না। ললিতার উপর ক্রমশঃ তাহার একটা ঘৃণার ভাব আসিয়াছিল। কিন্তু আজ সহসা ইচ্ছা করিল, যদি কোন মতে একটা খবর পাওয়া যায়—কেমন আছে! অবশ্য ভাল থাকিবারই কথা, কারণ গিরীনের সঙ্গতি আছে, তাহা সে জানিত, সে স্তনিতে ইচ্ছা করে, কবে বিবাহ হইয়াছে, তাহার কাছে কেমন আছে—এই সব।

গু-বাড়ির ভাড়াটিয়ারাও আর নাই, মাস-দুই হইল বাড়ি খালি করিয়া চলিয়া গিয়াছে। শেখর একবার ভাবিল, চাকর বাপকে গিয়া জিজ্ঞাসা করিবে, কারণ তাঁহারা গিরীনের সংবাদ নিশ্চয়ই রাখেন। ক্ষণকালের জন্ত তোরঙ্গ গুছানো স্থগিত রাখিয়া সে শূন্য-দৃষ্টিতে জানালার বাহিরে চাহিয়া এই সব ভাবিতে লাগিল, এমন সময়ে দ্বারের বাহিরে দাঁড়াইয়া পুরাতন দাসী কহিল, ছোটবাবু, কালীর মা একবার আপনাকে ডেকে পাঠিয়েছেন।

শেখর মুখ ফিরাইয়া অত্যন্ত আশ্চর্য হইয়া বলিল, কোন্ কালীর মা?

দাসী হাত দিয়া গুরুচরণের বাড়িটা দেখাইয়া বলিল, আমাদের কালীর মা ছোটবাবু, তাঁরা কাল রাত্তিরে ফিরে এসেছেন যে!

চল যাচ্ছি, বলিয়া সে তৎক্ষণাৎ নামিয়া গেল।

তখন বেলা পড়িয়া আসিতেছিল, সে বাড়িতে পা দিতেই বুক-ভাঙা কান্নার বোল উঠিল। বিধবাবেশধারিণী গুরুচরণের স্ত্রীর কাছে গিয়া সে স্নানিতেই বসিয়া পড়িল এবং কৌচাচর খুঁট দিয়া নিঃশব্দে চোখ মুছিতে লাগিল। শুধু গুরুচরণের জন্ত নহে, সে নিজের পিতার শোকেও আর একবার অভিভূত হইয়া পড়িল।

সন্ধ্যা হইলে ললিতা আলো জালিয়া দিয়া গেল। দূর হইতে গলায় আঁচল দিয়া তাহাকে প্রণাম করিল এবং ক্ষণকাল অপেক্ষা করিয়া ধীরে ধীরে চলিয়া গেল। শেখর সপ্তদশবর্ষীয়া পরজীবীর পানে চোখ তুলিয়া চাহিতে বা ডাকিয়া কথা কহিতে পারিল না। তথাপি আড়চোখে যতটা সে দেখিতে পাইয়াছিল, মনে হইল, ললিতা যেন আরও বড় হইয়াছে এবং অত্যন্ত কৃশ হইয়া গিয়াছে।

অনেক কাম্বাকাটির পরে গুরুচরণের বিধবা যাহা বলিলেন, তাহার মর্ম্ম এই যে, এই বাড়িটা তিনি বিক্রয় করিয়া মুন্সেরে জামাইয়ের আশ্রয়ে থাকিবেন, এই তাঁর ইচ্ছা। বাড়িটা বহুদিন হইতে শেখরের পিতার ক্রয় করিবার ইচ্ছা ছিল এখন উপযুক্ত মূল্যে তাঁহারাই ক্রয় করিলে ইহা একরকম নিজেদেরই থাকিবে, তাঁহার নিজেরও কোনরূপ ক্লেশ বোধ হইবে না এবং ভবিষ্যতে কখন তিনি এদেশে আসিলে, দুই-এক দিন বাস করিয়া যাইতেও পারিবেন—এই সব। শেখর, মাকে জিজ্ঞাসা করিয়া তাহার যথাসাধ্য করিবে বলায় তিনি চোখ মুছিয়া বলিলেন, দিদি কি এর মধ্যে আসবেন না শেখর ?

শেখর জানাইল, আজ রাত্রেই তাঁহাকে সে আনিতে যাইবে। অতঃপর তিনি একটি একটি করিয়া অগ্ন্যস্ত্র সংবাদ জানিয়া লইলেন—শেখরের কবে বিবাহ, কোথায়, কত হাজার, কত অলঙ্কার, নবীন রায় কি করিয়া মারা গেলেন, দিদি কি করিলেন ইত্যাদি অনেক কথা বলিলেন এবং শুনিলেন।

শেখর যখন ছুটি পাইল, তখন জ্যোৎস্না উঠিয়াছে। এই সময়ে গিরীন উপর হইতে নামিয়া বোধ করি তাহার দিদির রাটিতে গেল। গুরুচরণের বিধবা দেখিতে পাইয়া প্রশ্ন করিলেন, আমার জামাইয়ের সঙ্গে তোমার আলাপ নেই শেখরনাথ ? এমন ছেলে সংসারে আর হয় না।

শেখরের তাহাতে বিন্দুমাত্র সন্দেহ নাই, তাহা সে জানাইল এবং

আলাপ আছে বলিয়া দ্রুতপদে বাহির হইয়া গেল। কিন্তু বাহিরের বসিবার ঘরের স্তম্ভে আসিয়া তাহাকে সহসা থামিতে হইল।

অন্ধকার দরজার আড়ালে ললিতা দাঁড়াইয়াছিল, বলিল, শোন, মাঝে কি আজই আনতে যাবে ?

শেখর বলিল, হাঁ।

তিনি কি বড় বেশি কাতর হয়ে পড়েছেন ?

হাঁ, প্রায় পাগলের মত হয়ে পড়েছিলেন।

তোমার শরীর কেমন আছে ?

ভাল আছে, বলিয়া শেখর তাড়াতাড়ি চলিয়া গেল।

রাস্তায় আসিয়া তাহার আপাদ-মস্তক লজ্জায় ঘুণায় শিহরিয়া উঠিল। ললিতার কাছাকাছি দাঁড়াইতে হইয়াছিল বলিয়া তাহার নিজের দেহটাও যেন অপবিত্র হইয়া গিয়াছে এমন মনে হইতে লাগিল। ঘরে ফিরিয়া আসিয়া সে যেমন তেমন করিয়া তোরঙ্গ বন্ধ করিয়া ফেলিল এবং তখনও গাড়ীর বিলম্ব আছে জানিয়া আর একবার শয্যাশ্রয় করিয়া ললিতার বিধাক্ত স্মৃতিটাকে পোড়াইয়া নিঃশেষ করিয়া দিবে মনে করিয়া সে হৃদয়ের রক্তে রক্তে ঘুণার দাবানল জালিয়া দিল। দাহনের যাতনায় সে তাহাকে মনে মনে অকথ্য ভাষায় তিরস্কার করিল, এমন কি, কুলটা পর্য্যন্ত বলিতে সঙ্কোচ করিল না। তখন কথায় কথায় গুরুচরণের স্ত্রী বলিয়াছিলেন, এ স্ত্রের বিয়ে নয়, তাই শেষ পর্য্যন্ত কারো মনে ছিল না, নইলে ললিতা তখন তোমাদের সকলকেই সংবাদ দিতে বলেছিল; ললিতার এই স্পর্ধাটা যেন সমস্ত আগুনের উপরেও শিখা বিস্তার করিয়া প্রজ্জ্বলিত হইতে লাগিল।

দ্বাদশ পরিচ্ছেদ

শেখর মাকে লইয়া যখন ফিরিয়া আসিল, তখনও তাহার বিবাহের দশ-বারো দিন বিলম্ব ছিল।

দিন-তিনেক পরে, একদিন সকালে ললিতা শেখরের মায়ের কাছে বসিয়া একটা ডালায় কি কতকগুলি তুলিতেছিল। শেখর জানিত না, তাই কি একটা কাজে 'মা' বলিয়া ঘরে ঢুকিয়াই হঠাৎ থতমত খাইয়া দাড়াইল। ললিতা মুখ নীচু করিয়া কাজ করিতে লাগিল।

মা জিজ্ঞাসা করিলেন, কি রে ?

সে যেমন আসিয়াছিল, তাহা ভুলিয়া গিয়া, না, এখন থাক, বলিয়া তাড়াতাড়ি বাহির হইয়া গেল। ললিতার মুখ দেখিতে পায় নাই, কিন্তু তাহার হাত দুইটির উপর তাহার দৃষ্টি পড়িয়াছিল। তাহা সম্পূর্ণ নিরাভরণ না হইলেও দুগাছি করিয়া কাঁচের চুড়ি ছাড়া আর কিছু ছিল না। শেখর মনে মনে ক্রুর হাসি হাসিয়া বলিল, এ আর এক রকমের ভড়ং। গিরীন সঙ্গতিপন্ন তাহা সে জানিত, তাহার পত্নীর হাত একরূপ অলঙ্কারশূন্য হইবার কোন সঙ্গত হেতু সে খুঁজিয়া পাইল না।

সেই দিনই সন্ধ্যার সময় সে দ্রুতপদে নিচে নামিয়া আসিতেছিল, ললিতাও সেই সিঁড়িতে উপরে উঠিতেছিল, অভ্যস্ত-সঙ্কোচের সহিত মৃদু কণ্ঠে বলিল, তোমাকে একটা কথা বলবার আছে।

শেখর এক মুহূর্ত্ত স্থির হইয়া বিশ্বয়ের স্বরে বলিল, কাকে ? আমাকে ?

ললিতা তেমনি মৃদুস্বরে বলিল, হাঁ তোমাকে ?

আমার সঙ্গে আবার কি কথা ! বলিয়া শেখর পূর্বাপেক্ষা দ্রুতপদে নামিয়া গেল।

ললিতা সেইখানে কিছুক্ষণ স্তব্ধ ভাবে দাঁড়াইয়া থাকিয়া অতি ক্ষুদ্র একটা নিশ্বাস ফেলিয়া ধীরে ধীরে চলিয়া গেল।

পরদিন সকালে শেখর তাহার বাহিরের ঘরে বসিয়া সেই দিনের সংবাদপত্র পড়িতেছিল, নিরতিশয় বিশ্বাসের সহিত চোখ তুলিয়া দেখিল, গিরীন প্রবেশ করিতেছে। গিরীন নমস্কার করিয়া নিকটে চৌকি টানিয়া লইয়া বসিল, শেখর প্রতি-নমস্কার করিয়া সংবাদপত্রটা একপাশে রাখিয়া দিয়া জিজ্ঞাসুমুখে চাহিয়া রহিল। উভয়ের চোখের পরিচয় ছিল বটে, কিন্তু আলাপ ছিল না এবং সে পক্ষে আজ পর্য্যন্ত দুজনের কেহই কিছুমাত্র আগ্রহ প্রকাশ করে নাই।

গিরীন একেবারেই কাজের কথা পাড়িল। বলিল, বিশেষ প্রয়োজনে আপনাকে একটু বিরক্ত কর্তে এসেছি। আমার শাস্ত্রভীঠাকরুণের অভিপ্রায় আপনি শুনেচেন—বাড়িটা তিনি আপনাদের কাছে বিক্রী কর'রে ফেল'তে চান। আজ আমাকে দিয়ে বলে পাঠালেন, শীঘ্র যা হোক একটা বন্দোবস্ত হ'য়ে গেলেই তাঁরা এই মাসেই মুন্সেরে ফিরে যেতে পারেন।

গিরীনকে দেখিবারমাত্রই শেখরের বুকের মধ্যে বাড় উঠিয়াছিল, কথাগুলো তাহার কিছুমাত্র ভাল লাগিল না, অপ্রসন্ন মুখে বলিল, সে ত ঠিক কথা, কিন্তু বাবার অবর্তমানে দাদাই এগন মালিক, তাঁকে বলা আবশ্যক।

গিরীন মুহূ হাসিয়া বলিল, সে আমরাও জানি। কিন্তু তাঁকে আপনি বললেই ত ভাল হয়।

শেখর তেমনিভাবেই কহিল, আপনি বললেও হ'তে পারে। ও-পক্ষের অভিভাবক

গিরীন কহিল, অসম্মত হ'লে বলতে পারি, কিন্তু কাল সেজদি বলছিলেন অসম্মত ব্যবহারে অযোগ্য করলে অতি সহজেই হ'তে পারে।

শেখর মোটা তাকিয়াটা হেলান দিয়া বসিয়া এতক্ষণ কথা কহিতেছিল, সোজা হইয়া উঠিয়া বসিয়া বলিল, কে বললেন ?

গিরীন বলিল, সেজদি—ললিতাদিদি বলছিলেন—

শেখর বিষয়ে হতবুদ্ধি হইয়া গেল। তারপর গিরীন কি যে বলিয়া গেল, তাহার একবিন্দুও তাহার কানে গেল না। খানিকক্ষণ বিহ্বল দৃষ্টিতে তাহার মুখপানে চাহিয়া থাকিয়া বলিয়া উঠিল, আমাকে মাপ করবেন গিরীনবাবু, কিন্তু ললিতার সঙ্গে কি আপনার বিবাহ হয় নি ?

গিরীন জিভ কাটিয়া বলিল, আজ্ঞে, না—ওদের সকলকেই আপনি জানেন—কালীর সঙ্গে আমার—

কিন্তু সে রকম ত কথা ছিল না।

গিরীন ললিতার মুখে সব কথা শুনিয়াছিল, কহিল, না, কথা ছিল না, সে কথা সত্য। গুরুচরণবাবু মৃত্যুকালে আমাকে অমরোষ করে গিয়েছিলেন আমি আর কোথাও যেন বিবাহ না করি। আমিও প্রতিশ্রুত হই। তাঁর মৃত্যুর পরে সেজদি আমাকে বুঝিয়ে বলেন,—অবশ্য, এসব কথা আর কেউ জানে না যে, ইতিপূর্বেই তাঁর বিবাহ হ'য়ে গেছে এবং স্বামী জীবিত আছেন। একথা আর কেউ হয়ত বিশ্বাস করত না, কিন্তু আমি তাঁর একটা কথাও অবিশ্বাস করি নি। তা ছাড়া, স্ত্রীলোকের একবারের অধিক বিবাহ হ'তে পারে না—ও কি ?

শেখরের দুই চক্ষু বাষ্পাকুল হইয়া উঠিয়াছিল,—এখন বাষ্প অশ্রু-ধারায় চোখের কোণ বাহিয়া গিরীনের সম্মুখেই ঝর ঝর করিয়া বরিয়া পড়িল। কিন্তু সেদিকে তাহার চৈতন্য ছিল না, তাহার মনেও পড়িল না, পুরুষের সম্মুখেই পুরুষের এই দুর্বলতা—অত্যন্ত লজ্জাকর।

গিরীন নিঃশব্দে চাহিয়া রহিল। মনে সন্দেহ ছিলই—আজ সে ললিতার স্বামীকে দেখিয়া পাবারি! শেখর চোপ মুছিয়া ভারি গলায় বলিল, কিন্তু ললিতাকে স্নেহ করেন ?

গিরীনের মুখের উপরে প্রচ্ছন্ন বেদনার গাঢ় ছায়া পড়িল, কিন্তু পরক্ষণেই সে মুহু মুহু হাসিতে লাগিল। আশ্বে আশ্বে বলিল, সে কথার জবাব দেওয়া অনাবশ্যক। তা ছাড়া মেহ যত বড়ই হোক, জেনে শুনে কেউ পরের বিবাহিত স্ত্রীকে বিবাহ করে না—যাক, গুরুজনের সম্বন্ধে ও আলোচনা আমি করতে চাই নে, বলিয়া সে আর একবার হাসিয়া উঠিয়া দাঁড়াইয়া বলিল, আজ যাই, আবার অন্য সময় দেখা হবে, বলিয়া নমস্কার করিয়া বাহির হইয়া গেল।

গিরীনকে শেখর চিরদিনই মনে মনে বিদেব করিয়াছে, এইবারে সে বিদেব নিবিড় স্তূপায় পধ্যবসিত হইয়াছিল, কিন্তু আজ সে চলিয়া যাইবা মাত্র শেখর উঠিয়া আসিয়া ভূমিতলে বারংবার মাথা ঠেকাইয়া এই অপরিচিত ব্রাহ্ম-যুবকটির উদ্দেশে প্রণাম করিতে লাগিল। মাহুষ নিঃশব্দে যে কত বড় স্বার্থতাগ করিতে পারে, হাসিমুখে কি কঠোর প্রতিশ্রুতি পালন করিতে পারে তাহা আজ সে প্রথম দেখিল।

অপরাক্ত-বেলায় ভুবনেশ্বরী নিজের ঘরে মেঝের বসিয়া ললিতার সাহায্যে নূতন বস্ত্রের রাশি থাক্ দিয়া সাজাইয়া রাখিতেছিলেন, শেখর ঘরে ঢুকিয়া মায়ের শয্যার উপর গিয়া বসিল। আজ সে ললিতাকে দেখিয়া ব্যস্ত হইয়া পলাইল না। মা চাহিয়া দেখিয়া বলিলেন, কি রে!

শেখর জবাব দিল না, চুপ করিয়া থাক দেওয়া দেখিতে লাগিল। খানিক পরে বলিল, ও কি হচ্ছে মা?

মা বলিলেন, নূতন কাপড় কাকে কি রকম দিতে হবে, হিসেব ক'রে দেখ চি—বোধ করি, আরও কিছু কিন্তে হবে, না মা?

ললিতা ঘাড় নাড়িয়া সায় দিল।

শেখর হাসি-মুখে কহিল, আর যদি বিয়ে না করি মা?

ভুবনেশ্বরী হাসিলেন। বলিলেন, তা তুমি পার, তোমার গুণে ঘাটু নেই।

শেখরও হাসিয়া বলিল, তাই বোধ করি হ'য়ে দাঁড়ায় মা।

মা গম্ভীর হইয়া বলিলেন, ও কি কথা? অমন অলক্ষণে কথা মুখে আনিব্‌ নে।

শেখর বলিল, এতদিন মুখে ত আনি নি মা, কিন্তু আর না আনলে নয়—আর চুপ করে থাকলে মহাপাতক হবে মা।

ভুবনেশ্বরী বুঝিতে না পারিয়া শঙ্কিত-মুখে চাহিয়া রহিলেন।

শেখর বলিল, তোমার এই ছেলেটার অনেক অপরাধই তুমি ক্ষমা ক'রে এসেচ, এটাও ক্ষমা কর মা, আমি সত্যই এ বিয়ে কর্তে পারব না।

পুত্রের কথা শু মুখের ভাব দেখিয়া ভুবনেশ্বরী সত্যই উদ্ভিগ্ন হইলেন, কিন্তু সে ভাব চাপা দিয়া বলিলেন, আচ্ছা, আচ্ছা, তাই হবে। এখন বা তুই এখান থেকে, আমাকে জ্বালাতন করিস্‌ নে শেখর—আমার অনেক কাজ।

শেখর আর একবার হাসিবার ব্যর্থ প্রয়াস করিয়া শুষ্ক-স্বরে বলিল, না মা, সত্যিই বল্‌চি তোমাকে, এ বিয়ে হ'তে পারবে না।

কেন, এ কি ছেলেখেলা?

ছেলেখেলা নয় বলেই ত বল্‌চি মা।

ভুবনেশ্বরী এবার রীতিমত ভীত হইয়া সরোষে বলিলেন, কি হয়েছে? আমাকে বুঝিয়ে বল্‌ শেখর। ও সব গোলমলে কথা আমার ভাল লাগে না!

শেখর মৃদু-কণ্ঠে বলিল, আর একদিন শুনো মা, আর একদিন বল্‌বি।

আর একদিন বল্‌বি! তিনি কাপড়ের গোছা একধারে ঠেলিয়া দিয়া বলিলেন, তবে আজই আমাকে কাশী পাঠিয়ে দে, এমন সংসারে আমি একটা রাতও কাটাতে চাই নে।

মা শেখর অধোমুখে বসিয়া রহিল। ভুবনেশ্বরী অধিকতর অস্থির হইয়া

বলিলেন, ললিতাও আমার সঙ্গে কাশী যেতে চায়, দেখি তুমি
বন্দোবস্ত করিতে পারি।

এবার শেখর মুখ তুলিয়া বলিল, তুমি নিশ্চয়
বন্দোবস্ত কার সঙ্গে করবে
কি আছে!

ছেলের হাসিমুখ
হইলেন, ললিতার
কথা? ও মনে
পারি! ও
ললিতা
অত্যা

